

新淦縣志卷之一

地理志

星野

越語天因人聖人因天故舊志首紀星野惟宿之一度下統三百里省府地大尙可指名淦地止百里不能應及一度又因歲差更難舉似然觀其大概或與吉安同度或與袁州同度均有可採者因編星野吳楚之疆候在熒惑占於鳥衡史記天官書熒惑五緯中之火星星經云熒惑主霍山揚州荊州

新淦縣志

卷一 地理志

星野

交州鳥南宮朱鳥柳星也衡太微三光之庭張守節正義云熒惑鳥衡皆南方之星新淦屬吳本占斗兼占鳥衡候熒惑與南方郡邑同

丙丁江淮海岱也同上

新淦屬江占丙丁

戊吳越

漢書天文志

此與戊降婁屬魯異蓋以日辰言非以方言故爲新淦占候所及

吳地斗分野也今之會稽九江丹陽豫章廬江廣陵六



安臨淮郡盡吳分也

漢書地理志

涂廩續豫章記曰豫章之地春秋爲楚東境據天文則吳之分野章世純星次分野斗六星二十五度臨江屬焉新淦當占吳分野

自南斗十二度至須女七度爲星紀於辰在丑吳越分

野屬揚州

晉書天文志

蔡邕月令章句曰自斗六度至須女二度謂之星紀之次大雪冬至居之越之分野越以既滅吳之越言星紀於辰爲丑大雪冬至於氣屬子子與丑合其起

新淦縣志

卷一地理志

星野

二

斗度數不同新淦古揚州域同星紀占斗分

南斗在雲漢下流當淮海間爲吳分牽牛去南河寢遠

自豫章迄會稽南逾嶺徼爲越分

唐書天文志

此則豫章亦占牛星與晉書天文志豫章入斗十度不合然臨江屬斗則皆無異說

北斗七星四曰權爲時主水其分爲吳

宋史天文志

此北斗分野占也春秋文耀鉤云蒙山以東至南江會稽震澤徐揚之州屬權新淦占權星星經曰玉衡第六星主揚州與占權異是又占閩陽星

三台六星上台下星主荆揚同上

論語擿輔象云荆揚屬下級下級上台下星也新淦

占上台司命下星

天市垣二十二星在氏房心尾箕斗宮內東蕃十一星

六曰吳越同上

新淦占東蕃第六吳越星

北方南斗六星南星者魁星也北星杓也石申曰魁第

一主吳二會稽三丹陽四豫章五廬陵六九江同上

新淦占南斗第四天相星

新淦縣志

卷一地理志

星野

二二

十二國十六星在牛女南近九坎各分土居列國之象

九坎之東一星曰齊齊北二星曰趙趙北一星曰鄭鄭

北一星曰越同上

十二國中有越無吳春秋越滅吳則吳統於越故新

淦又占越星

揚州北極出地三十三度吉州北極出地二十六度半

元史天文志

元時四海測景之所凡二十有七此揚州乃今揚州

江都縣地新淦地近吉安占當與吉安同

南昌瑞州饒州臨江袁州廣信撫州建昌贛州南安禹

貢揚州之域星紀斗度

清類天文分野書

分野圖說臨江與南康南安袁州入斗四度

嘗考班固地理志及鄭康成周禮註所列分野悉本
甘石之遺原以氣言非以方位言也說者以方位釋
之誤矣王子克有言分野視分星古不謂地地有彼
此不同分野在天則一定不易故吳星紀也入斗牛
宿度然吳地南而星紀北是不主方位言也以氣相
屬不繫方隅其說本於王克而暢於一行靈豁入理

新淦縣志

卷一地理志

星野

四

自足歷諸家之說然亦有未盡者故元明以來精測
驗家往往譏其疎謬也新淦隸臨江臨江又隸江西
江西布政司所屬皆斗分斗二十五度分野之地週
數千里天文諸書類皆沿習異同不能分晰各度惟
二十八宿分野圖說載入斗度數綦詳而與九江入
斗一度豫章入斗十度從前諸說不同要斗之屬江
西無疑卽以屬臨江屬新淦而其以氣相屬愈無疑
也

新淦縣志卷之一

地理志

疆域

古者畫井分疆後世建州設縣有犬牙相錯大小相維之意焉淦地當嶺越之衝扼虔吉之要秦漢迄唐轄地最廣自遷縣分縣析地而後廣袤不過百里而負山界河檣連轂擊東則叢山劍戟西則百丈巋峩北連永泰原隰縱橫南及午峯田疇高下雖四至之無多實馮溝之必辨因編疆域

新淦縣志

卷一地理志

疆域

五

宋志稱邑在漢晉疆域幾四百里逮明畫界分疆廣一
百里袤百二十里峽江旣析廣仍百里袤止六十里
國朝如舊制在省城布政司之東二百四十里在臨江府
治南六十里東至麻嶺八十里而遙西盡百丈峯二十
里而近南及長牌十五里而近北盡大洋洲四十五里
而遙東西距百里南北距六十里東至撫州府樂安縣
界六十里西至本府新喻縣界四十里南至本府峽江
縣界三十里北至本府清江縣界三十里東南抵吉安
府永豐縣界八十里西南抵本府峽江縣界四十里東

新淦縣志卷之一

地理志

沿革 表附

新淦古揚州之域漢屬豫章係石陽巴邱新淦三境
地土廣大而吉州而廬陵改隸不一宋始隸臨江元
元貞間爲州明洪武初復爲縣

國朝因之是新淦實從前一州二縣之地也因考列史世
次疆域編沿革並表

新淦舊治在清江鎮以縣南有紫淦山淦水自驪嶺流

新淦縣志

卷一地理志

沿革

至鎮故名唐虞夏商隸禹貢揚州周武王封泰伯五世
孫周章於吳爲西南鄙淦屬吳元王三年吳王夫差爲
勾踐所滅淦屬越顯王三十五年楚威王熊商敗越殺
王無疆明年盡取吳地併屬楚淦又入楚秦始皇二十
四年王剪滅楚執負芻二十六年廢封建分天下爲三
十六郡注九江其一也新淦屬九江郡秦亡諸侯並立
楚義帝心元年項羽封英布爲九江王盡有其地漢高
帝五年定楚地剖符封九江王布爲淮南王都六王四
郡豫章郡屬焉高帝十一年淮南王布反上自將擊之

明年上破布軍於會缶布走遣別將追之斬布於番陽以豫章等三郡五十二城立兄子濞爲吳王景帝三年吳王濞連七國反遣大尉周亞夫大將軍竇嬰將兵討平之國除豫章歸於漢漢書地志豫章領十八縣淦隸豫章爲南部都尉治所尉典兵禁備盜賊淦當虔粵吉贛之衝故都尉駐之武帝元封元年置十三部刺史揚州部領豫章等五郡一國新莽改豫章曰九江新淦曰偶亭東漢光武復舊名考後漢書百官本注建武十八年復爲刺史十二人各主一州諸州常以八月巡行所

新淦縣志

卷一地理志

沿革

二

部郡國胡廣曰巡謂驛馬也縣次傳駕之以走疾而古今注則以春分行部郡國是諸書有不同也永元八年分置石陽縣吳分置巴邱縣按石陽在玉笥鄉仙居里玉匱書所謂縣有玉笥山也巴邱在揚名鄉峽城北二里吳志載周瑜鎮巴邱周瑜堞今在縣南故名勝志云二縣本新淦地與淦俱隸豫章獻帝興平元年孫策分豫章立廬陵郡置南部都尉治新淦晉惠帝泰康元年有司奏荆揚二州疆土廣遠統理尤難於是割揚州之豫章鄱陽廬陵臨川南康建安晉安荊州之武昌桂陽

安城合十郡因江水之名置江州統豫章等郡淦隸豫
章歷宋齊梁如故陳永定二年析新淦屬巴山郡隋開
皇元年置洪州總管府十年廢巴山郡併石陽巴邱入
淦知縣李子樂以縣距吉州遠請徙南市村卽今治所
平陳置吉州太業初改吉州爲廬陵郡領四縣新淦其
一唐興高祖改郡爲州仍隋洪州總管府武德五年平
林士宏改總管爲都督府領洪吉虔饒撫南平六州又
改廬陵爲吉州淦隸吉州太宗元年因山川形便分天
下爲十道淦屬江南道爲虔吉五州巡撫使治所開元

新淦縣志

卷一地理志

沿革

二一

二十一年分江南爲東西道置十五採訪使如漢刺史
之職天祐三年洪州鎮南軍鍾傳卒養子延規與匡時
爭立乞兵於楊渥渥攻匡時匡時敗歸廣陵梁太祖開
平三年實天祐六年也全諷等起兵江西謀復鍾氏故
地全諷爲楊隆演將周本所敗江西遂入於吳七年隆
演建國曰吳淮南節度判官嚴可求請置制置使於新
淦設城戍以圖虔又於對江七里許置監軍城今城口
城址尚存並以吉水新喻豐城三縣隸淦邑人楊伯彥
爲門下侍郎以人困於役請罷南唐復制置使仍領三

縣從邑人陳濬與其子喬請也昇元二年析崇學鄉於清江淦仍隸吉宋初韓振申採訪使乞以所隸刑獄關復吉州於是制置使之名遂寢大平興國元年分天下軍州爲十五路新淦屬江南西路自乾德以及南渡未之易淳化三年轉運使張鑑請以筠州之清江建臨江軍淦爲望縣自吉州來隸治平三年又析茂才鄉於清江元至元十三年混一南北於隆興設行都元帥府十四年改元帥府爲宣慰司立江西行中書省臨江軍改路立總管府領錄事司元貞元年新淦升州至正二十

新淦縣志

卷一地理志

沿革

四

一年明太祖命趙德勝收臨江諸路仍襲元行中書省洪武二年臨江路改府新淦復爲縣九年六月革中書省爲承宣布政使司分江西爲五道新淦屬湖西道嘉靖五年析淦之半置峽江縣卽峽江鎮故地時以峽地險遠盜賊出沒知府錢琦建議立縣巡撫御史秦鉞陶儼請於朝得允按費宏峽江記臨江所領縣惟淦最大環其境數百里蓋兼巴邛石陽二廢邑之地而有之

國朝定鼎郡縣悉如舊制新淦仍屬江西布政使司康熙二年裁湖西巡道併歸分守道七年分守道施閩章以

奉裁去十四年復設二十一年復裁雍正九年以驛鹽道兼轄瑞袁臨三府新淦屬江西驛鹽道分轄編戶二百二十七里

世次	唐	虞	夏	商	周武王	新淦縣志	元王	顯王	秦始皇
疆域	揚州	揚州	揚州	揚州	吳	越	楚	郡縣天下	郡縣天下
郡					秦伯五世孫章封地	左傳冬十一月丁卯越滅吳	史記越世家楚威王大敗越殺王無疆盡取故吳地		
縣	新淦				新淦	新淦	新淦	九江郡	九江郡
	屬揚州				屬吳	屬越	屬楚	綱目	綱目
								秦王政二	秦王政二
								十四年秦	十四年秦
								滅楚虜王	滅楚虜王
								負芻明年	負芻明年

卷一 地理志 表

為西南鄙

楚義帝心
元年

九江王國
通鑑

九江郡

新淦

綱目沛公
人咸陽秦
王子嬰降
項籍尊楚
懷王為義
帝立英布
為九江王

王剪遂定
江南明年
分天下為
三十六郡

漢高帝
四年

淮南王國
通鑑

豫章郡
漢書

新淦
始隸豫

綱目漢三
年隨何以

志析淮南
置豫章郡

都尉治此

新淦縣志

卷一地理志表附

六

高帝
十一年

吳王國
晉志

豫章郡
屬吳

新淦

封劉濞為
吳王盡得
揚州之地

領縣十八

景帝
三年

吳王國
是年

豫章郡
領縣

新淦

國除豫章
歸於漢

如故

武帝
元年

揚州部
漢書

豫章郡
屬揚

新淦

元年封

地理

州刺

<p>新莽</p>	<p>光武 元年</p>	<p>和帝 永元八年</p>	<p>新淦縣志</p>	<p>獻帝 興平元年</p>	<p>晉惠帝 元康元年</p>
<p>志置十三 州部刺史 揚州部領 五郡一國</p>	<p>揚州刺史部</p>	<p>揚州刺史部</p>	<p>揚州刺史部</p>	<p>江州刺史部</p>	<p>晉志惠帝 元康元年 有司奏荆 揚二州疆</p>
<p>史部領縣 如故</p>	<p>九江郡 漢書注莽 改豫章曰 九江</p>	<p>豫章郡 復舊名後 漢志揚州 刺史部豫 章二十一 城</p>	<p>豫章郡</p>	<p>豫章郡 孫策分豫 章為廬陵 部統縣十</p>	<p>豫章郡 屬江州統 縣十六</p>
<p>偶亭 莽改新 淦曰偶 亭</p>	<p>新淦 復舊名</p>	<p>新淦 分置石 陽巴邨 二縣石 在玉笥 鄉</p>	<p>新淦 表附</p>	<p>新淦 南部都 尉治此 仍舊</p>	<p>新淦</p>

卷一地理志

表附

七

仙居里巴
邱在揚名
鄉峽城北
二里原淦
地今分半
隸峽半隸
廬淦隸
仍舊

土廣遠統
理尤難於
是割揚州
之豫章鄱
陽廬陵臨
川南康建
安晉安荆
州之武昌
桂陽安成
含十郡因
江水之名
置江州

宋武帝永初元年
江州刺史部
宋書志初
治豫章晉
成帝咸康
六年移治
豫章郡十一領縣
新淦

新淦縣志
卷一地理志表附
八

齊高帝建元元年
江州南齊志
尋陽庾悅
又治豫章
尋還尋陽
領郡九
豫章郡十二領縣
新淦

梁武帝大同二年
江州領郡八
巴山郡隋志
置巴山郡
領七縣
新淦改隸巴

陳武帝永定二年
高州南史割
郡臨川安
城豫章巴
巴山郡
新淦按地輿
志後主
分新淦石
陽兩縣置

巴邛郡

新淦 廢巴山郡省巴邛石陽入

新淦 徙南邛村即今治所淦遂隸吉州

新淦 隸廬陵

新淦 隸吉州 虔吉五

九

州巡撫使治所

新淦

新淦

山置高州

以法甄為刺史鎮巴山

洪州總管府

吉州 改廬陵為吉州

統縣四隋書地理志舊置廬陵郡平陳廢置吉州

廬陵郡 大業初又

復改吉州為廬陵郡

吉州 江左復改廬陵

洪州都督府

卷一地理志表附

為吉州領縣五

武德三年

新淦縣志

唐高祖武德

唐初仍隋置洪州總管府平林士宏改總管府為都督領洪吉虔饒撫南平六州

江南道 唐地理志

太宗因山川形便分天下為十道

太宗貞觀元年

元宗開元二十一年

江南西道 江分

南道為江南東道江

南西道置
採訪使檢
察如漢刺
史又改江
西觀察使

天寶元載

江南西道

廬陵郡
改吉
州復
為郡

新淦
隸廬陵

肅宗
乾元
元年

江南西道

吉州
郡復為
州

新淦
隸吉州

懿宗
咸通
六年

鎮南軍
唐表
升江

吉州

新淦

南西道團
練觀察使
為鎮南軍
節度使

新淦縣志

卷一地理志表附

十

昭宗
天祐
六年

鎮南軍節度

吉州

新淦
都制置
使領三
縣

使
淮南盡取
江西地七
年淮南楊
隆演建國
曰吳置都
制置使於
新淦并以
吉水豐城
新喻隸之

梁開平三
年

鎮南軍節度

吉州

新淦

使
五代史開
平三年全
諷等起兵
江西謀復

南唐昇元二年

鍾氏故地
全諷為楊
隆演將周
本所敗江
西遂入於
吳

鎮南軍節度使

吉州

新淦隸吉州
是年析

周顯德六年

南都元宗奉
周正朔

吉州

新淦

崇學鄉於
清江

宋太宗太平

以豫章據
上流升為
南都議徙
都焉

江南西路分

吉州軍

新淦

新淦縣志

卷二地理志

沿革

十一

興國元年

下軍州為
十五路籍
吉袁等州
為江南西
路

淳化三年

臨江軍宋史
志以

新淦淳化三
年自吉

州來隸臨
江

英宗治平三年

江南西路

臨江軍

新淦是年析
才鄉於清

今樟

高宗 建炎四年

江南路 合江西路為江南路

臨江軍

新淦

紹興 元年

江南西路 復分東西路

臨江軍

新淦

元世祖 至元十三年

江西行都元帥府 混一南北於隆興設行都元帥府

臨江軍

新淦

至元 十四年

江西行中書省 改元帥府為宣慰司

臨江路 改軍為路立總管府領錄事司

新淦

新淦縣志

卷一地理志

沿革

十二

立江西等處行中書省

轄縣一州二

成宗 元貞元年

臨江路

明太祖 洪武二年

江西行中書省 明太祖取江西諸路制仍元舊

臨江府 改臨江路為府

新淦 復為縣

洪武 九年

江西承宣布政使司 明初壬寅

臨江府 隸江西布政使司

新淦

陳友諒平
仍襲元行
中書省九
年革元行
省置江西
等處承宣
布政使司
領府十三

湖西道
分江
西為

五道以吉
安臨江袁
州三府為
湖西道

世宗
嘉靖五年

臨江府

新淦
析淦之
半分峽

江置峽江
縣即古石

新淦縣志

卷二地理志

沿革

十三

嘉靖
四十年

江西承宣布

臨江府
領縣四

新淦

陽巴邨地
淦隸如故

政使司

湖西分守道

以湖西巡
道駐吉安
分守道駐
臨江

國朝順治
二年

江西布政使

臨江府

新淦

江西初入
版圖領郡
縣如故

康熙七年

湖西道裁十四年

臨江府

新淦

復設十七年復裁

雍正九年

江西驛鹽道

臨江

新淦

兼轄瑞州
袁州臨江
三府

新淦縣志

卷一地理志

表附

十四

分縣事宜 附

明 錢 琦

爲復設縣治以安地方事照得本府所屬縣治地方惟新淦最廣難於控馭考之前代有石陽巴邛新淦三縣至元改新淦爲州我朝尋復爲縣今之新淦實爲一州二縣之地也東與樂安豐城接界南連吉水廬陵永豐賊盜竊發吉水諸縣彼此爲巢難以力捕夫一縣則亦吉水諸縣之便也凡錢糧之催徵公事之勾攝民之弱者閉門上山强者集眾拒抗甚至中途開奪府縣添人拘捕則假稱激變以挾制官府又有大於此者正德年

新淦縣志

卷一 地理志

事宜附

十五

間東鄉大寇張元一作亂致煩朝廷興兵征勦大軍一出所費鉅萬今竊計之可立數縣若早立縣朝廷無興兵之費而生民免肝腦之苦也再照新淦原額五百七十里今歸併止五百二十里開國以來戶口日增何新淦民日減哉化不行也歸併之地必皆頑民所居也歸併口多猶無定也頑民日多爲可慮也議者咸曰勞民易財然一勞而永逸費小而利大爲國謀者必有所擇也卷查成化四年該本府前任知府陳浩奏爲地廣民稠添設縣治事准行布按使司行本府縣勘實取具通

縣里老執結備繇申詳在卷宏治十四年知府吳敘亦舉前因申詳正德六年知府吳宗周奏行布政使司按察使司行勘在卷正德十三年知府戴德孺復行勘實申詳舉行間值宸濠之變中止延至今日又越五六年矣兵荒之後殘者已蘇勞者已息失今不舉終爲虛談後有警虞噬臍何及竊惟今議設縣與廣東惠州之海豐縣潮州之潮陽縣奏勘相應准行定擬縣名銓官鑄印事體相同如蒙伏乞轉達特勅工部再加詳議查照海豐潮陽奏行事例乞爲上請賜以縣名及敕禮部鑄

新淦縣志

卷一地理志

車宜附

十六

印敕吏部銓選知縣一員前來赴任就以本院區處錢糧物料付令自治庶幾用力專而成功易矣

爲復設縣治以安地方事中間物料工匠等項蒙區畫已定別無異議竊惟用人最爲首務嘗驗他縣之立往行累年而未能成功者無他或者委用非人雖或得人未免有考滿轉遷之顧望及有爲人爲己之分而用力不專故也訪得廣東新建龍門縣未立之先奏選知縣一員責令自治而成功甚易合無奏選知縣一員或於所屬府首領縣佐中保陞賢能官一員令其到任自爲

督治則其視一椽一瓦皆已之財一夫一匠皆已之力兼以當道區處之周催督之嚴不數年成功可必矣論治新淦者莫急於立縣既立縣莫急於更化夫欲更化大畧有三必以清理田糧爲先其次誘服大戶又其次招徠流移何謂清理田糧蓋峽江之地離官僻遠又多深山阻谷小民被狡鷲者霸占田地而不收糧或賣以與人而收糧不盡間有訴告又因依山負固官府不能一一拘理甚至物料夫差百端催迫至不能存而竄徙於他鄉或商販於別省或投入勢要爲家奴佃僕民

之逃亡此其故也民雖逃亡田糧如故一遇徵期官府只將里長催併里長幾何能堪而出官哉中間固有被積年歇家包克者然而頑者不肯出官弱者不敢出官亦自不能無矣民與里長既逃亡而不出官則不特秋糧之拖欠也一應坐派軍需物料里長委之人戶逃亡官府委之里長不出逐年拖欠又積而至無算矣繇此言之錢糧逋負繇於里長之不出里長不出繇於小民之逃亡小民逃亡由於田糧之不明其根源所自斷斷無疑也爲今之計莫先於慎擇廉幹官一員揭查黃冊

凡逃絕戶下田糧盡抄出因冊上之糧究圖內之田沿
邱履畝根尋下落的係何人佔耕何處荒蕪中間畧有
水推沙塞是實爲之開豁究而得出仍須寬其既往之
罪田糧一明則人戶可復業里長可出官已後錢糧可
以無逋負矣何謂誘服大戶峽江之民多聚山谷與他
境不同過於柔則玩過於剛則激故可以誘服而不可
全以威懾也如霸佔他人田產先須省諭其收糧歸戶
如不肯從則省令其退還田畝寬免其罪如是而又不
從則畧舉一二重置之法以警懼之山野之民不識禮

義凡有子弟悉勸令其入學肄業若以爲質則柔不致
玩剛不致激漸次可使化服而潛消其逃避山澤聚眾
拒捕之舊習矣何謂招徠流移省刑薄稅爲政之體立
縣之初無不親聽新政且峽江之民久困於虛糧重大
若非示與輕則土居者不可保况望其流移者之復業
哉今宜大頒榜諭已後三年秋糧不分兌軍兌淮南京
存留等項盡數派與輕則折銀及流移復業者照例優
卹仍免其差役三年如此則住居本土者有胥慶之歡
流移遠方者結還鄉之約逃亡可復其一二矣

新淦縣志卷之一

地理志

山川 形勝附

石蘊玉而山輝水懷珠而川媚鍾靈毓秀有自來矣
新淦之山川脉始梅嶺分二支蜿蜒而下東則麻姑
大華至湓峯爲淦東主山西則武功昌山至百夾峯
爲淦西主山水則贛江中分諸溪競赴洵山環水繞
清淑萃滙之區也因編山川

紫淦山大平寰宇記作子淦以石色紫翠有水流出其

新淦縣志

卷一地理志

山川

下如金色以爲名淦邑之名亦以此自南唐昇元二年
建清江縣因析隸清江

閤皂山通志載形如閤色如皂道書第二十三福地漢
張陵葛孝先晉丁令威修煉於此有峯六曰東峯西峯
鳳游蓮花凌雲玉女嶺四曰觀舍雞坑壩嶺西巘巖二
曰金鍾藏錄原五曰葛憇會仙桃花石曰蠶原石四曰
雙鯉馬蹄石門朝斗宮曰崇真潭曰投龍塘曰九龍泉
曰漱玉池曰磨劍台曰鳴水亭曰著衣壇曰上昇曰禮
斗山有神仙遊館見寰宇記按山舊屬新淦茂材鄉宋

治平三年復析是鄉於清江今隸清江縣

玉笥山太平寰宇記云福地也有水東流數十里稻穀肥美通志云道書十七洞天又曰大秀法樂之天郁木坑爲第八福地舊名羣玉相傳漢武帝時有光如笥降於山故名漢梅福晉郭桂倫彭真一袁景立梁杜曇永蕭子雲皆嘗學道於此高峯嶙疊壇洞亭台泉池巖石井塢宅祠名蹟實多梁唐道士令狐見堯有志不存尙存梁杜曇永碑記明羅倫記宋黃庭堅大秀峯詩云大秀仙峯齒替開玉梁高接九仙台覆箱峯詩云上天下

新淦縣志

卷一地理志

山川

二

地似探梯怪石巉巖襯馬蹄朱子飛仙石詩云巨靈擘破三千丈西竺飛來第二峯山在治南明嘉靖五年始析峽江今隸峽江縣

玉笥大秀宮碑記

蕭梁 杜曇永

原夫大道句先天一氣句太極元精句冥冥象帝之家莫知其始赫赫元珠之內罔究其終出造化之牢籠希夷養素運陰陽之不測自在靈長曠廓兮視之不見溟滓兮大音希聲浩劫難窮於大易元功不宰乎強名鼓橐籥而萬聖降生判元黃而二儀並立五才以敘七曜

爰光融爲江河結爲堆阜填坤紐以嶽瀆紀乾綱以星辰洞分三十六天福載七十二地由是設長生之教開衆妙之門金闕玉樓邈爾蓬萊方丈瓊臺瑤室煥然赤水崑邱函闕啟而紫氣翔素車見而青牛至谷神不死祕玉籙之靈文元牝長存留丹砂之要訣知之可以修煉得之可以全真餌金石而白日飛煉冰雪而後天老是故馮夷得之以處大川肩吾得之以居泰山黃帝得之以登雲天顓頊得之以處深宮迥出域中之大高爲物外之真則聖道彝倫羣生動植象數開圖於聖代帝

新淦縣志

卷一地理志

山川

三

王行道以無爲碧落峯頭星壇峻極白雲崖畔靈觀崇霄霓旌行道以延禧金簡朝元而祝帝盡造沖虛之會克隆上士之虛無得而踰可大可久玉笥山上清宮者按白龜福庭等經及本山實錄係第十七洞天號大秀法樂之天司命真君注生之府昔夏禹受太上治水眞文于洞天至漢武皇帝駐驛建壇受上清籙賜額曰上清之宮洞處玉笥山心地照三陽山形八卦林森異木谷秀靈芝左眺羣玉竒峯嵐褰翠幕右挹覆箱峻嶺霞織冰崖南太白以懸旌北送仙而峭玉花明二月香籠

錦繡之春雪滿三冬風撼瓊瑤之珮雲開世界挂日月
于中天地控杳冥通神仙於九嶽夜何其而生紫氣樵
野逕而深隱倫迴環三十六高標層螺聳黛曲折二十
四幽澗揭羽飛商紫陽君修煉石臺赤松子鳴琴鶴隄
龍池照鑑九真人參養靈蹤金井澄星漢武帝醴泉香
潔苔封蔓沒松偃檜凋丹竈鎖紅霞醮壇流夜月曇永
自天監中甲子歲攜門人司門員外郎錢文詠初駐於
清虛道觀於是捫蘿入谷拂翠登峯重啟洞宮念茲仙
跡乃命同志黃門侍郎蕭子雲共施一百萬錢經之營

新淦縣志

卷一地理志

山川

四

之選材徵匠其締構也內營司命之宮中儼上清之殿
亭臺星列廊廡翼張間以金碧飾以銀黃周穆瓊池紫
戶朝元之閣華胥異域清風白雲之堂窈窕下闕于平
野觚稜上拂乎熒煌日射而煙霞競彩春融而蘭蕙爭
香真神仙之廡寓宜上士以棲翔境眺清虛髣髴玉京
之地洞分大秀依稀何有之鄉碧桃兮花逕地久兮天
長銘曰至道元邈常居杳冥包括混沌囊隱象形俄生
一氣爰分萬靈融江結阜天清地甯浩浩無際綿綿長
存尊乎守一貴乎抱元懸珠照海誰分象言虛皇祕訣

元牝之門法樂洞天司命憲府典注生籍爲萬靈所上
帝福庭邦家仙圃資國利民久隳祠宇亦旣締構儻若
化城芝樓蘭殿綺棟繡楹虹梁亘土碧砌鋪瓊仙茸日
照高檻霞明福我皇祈道德咸平洞天不夜琪樹春穠
長煙靜外引素遙空真人龍池湛湛溶溶九霞丹井寒
浸星宮漢皇禹帝黃元赤松萬有千古勒銘勝蹤

玉笥志

玉笥山清真宮碑

元虞集

玉笥山清真宮在臨江之新淦實錄以爲本名羣玉山
漢武帝投上清籙於此見有光如笥下之改今名而以

新淦縣志

卷一地理志

山川

五

上清名宮云宮之始末可知者梁天監中杜曇永與其
門人錢文詠來居蕭子雲以錢百萬助成之今有石刻
在宮中云是曇永所撰上清碑文而文詠書然其署官
文字制作不合疑後人所重立有改易失真者唐長慶
中謝修通奉母隱此山實錄所著也南唐時皮羽南受
知後主刻木爲印使佩之以治宮事徐公鍇爲篆上清
宮額此最可傳信者矣宋宣和中敕改爲清真宮端平
丙申主宮事者李希白故給事中大有之孫也郡人重
之爲請於朝使度弟子得甲乙相次傳授乃得淦紹禹

魯道隆皆名家子又有道行法術爲時所尊敬故能大其宮而新之益入田租以給衆來者日至而宋亡矣自是以來相繼治其宮者曰胡永年曾卿胄劉繼賢曾季謙張嵩老涂宏道其方來則歐陽本一聶立仁其人也至元丙戌世祖皇帝嘗召卿胄至京師咨問稱旨留之四年乃得還旣而宮之屋日敝於是元貞丙申永年作泮堂至大戊申卿胄嵩老又作沖妙堂戊午季謙又作三清殿其後繼作日虔不懈而宮皆新成三清殿成之明年聶立仁方從元教嗣宗師以其事來告曰未百年

而吾宮新則昔之從事於此者多矣然自杜君以來姓名可考者寥寥數人耳則其泯而無聞者無文字金石之托也不可自我之世無以示後人子幸爲我銘予旣聞而歎曰山川之形勢爲豪傑所臨依衆庶所會通者厯厯可見然而忽然之間時往物異則感慨係之而荒閒寂寞之濱乃有斯人據泉石之極致以相傳長久如此乃爲次第其說而勒之以銘銘曰太秀之山羣玉之府廓兮有容若筭將貯不鍵而固匪橐而盈含沖納和神憑虛生其神孔明維大司命參我左右宰我衆正若

瞻紫垣羅絡四周表衛中居旋制九州文昌之宮泰階
之上靈氣翕張孰執其象偉若降精歸崑峙停炳燎弗
輕食於殊庭神君欲來冷風與俱樂出太空合神於無
朝陽熙熙夕灝肅肅孰其迎將孰其徃復精明粹融潛
滋密克自然遂成沴戾不逢穆穆在朝皞皞在野我宮
恆新以詔來者

舊志

玉笥山賦

明金幼孜

鼇宮散兮彩雲鯨海飛兮黃塵銅山眇兮寂寞玉峯美
兮嶙峋占西江之上郡表南紀之孤青攬神秀於磅礴

新淦縣志

卷一地理志

山川

七

通仙靈於杳冥割晨昏而軼雲雨薄光景而生風霆登
之者若廣寒百萬戶之玉寓望之者恍巫山十二峯之
翠屏予嘗攀蘿絕澗繫馬西風斷蒼崖之秋骨舒一笑
於奇逢攀危巢於棲鶻附垂翅於冥鴻發孤嘯於巖端
振萬籟於笙鏞但覩夫華蓋倚天芙蓉削玉清霜利鏑
劍插秋寒初月修眉黛橫空綠其瑰瑋萬狀而東連者
非臨川諸山列於前者乎重灘來遠千里如瀉煙消雨
浹隱若垂虹雪立風濤疾如走馬行祠候龍女之暮歸
別路泣驪駒之曉駕其蜿蜒百折而南委者非章貢之

經流繞其下者乎鹵蓮石霜百丈之奇北挹閭皂寶金
之秀或寬而坡陀或卑而培塿莫不瞻仰乎先後羅列
乎左右則諸山聳處之尊真足以配南山不崩之壽也
方將臨飛梁凌絕頂窮元微入溟滓紬石室之藏書校
黃庭之內景俄遇鴻濛先生虛無誕嬰身佩蒼精手捫
落斗或處靜而守默或譚空而說有相與吐羅宿之奇
胸騁懸河之辨口候紫氣於青牛歎浮雲於蒼狗誕嬰
起揖於先生曰子亦通元者也獨不聞金川玉笥之山
乎夫洞之天者三十有六而法樂固爲第一福之地者

七十有二而郁木固爲無匹蓋天作而地藏宜鬼沒而
神出今子以憑虛弔古之才拔俗出塵之質不遊於元
都千樹之時而訪於昆明劫灰之日何其異哉僕固鄙
人謹告山川風物之美宮室羽儀之麗悉耳目之所及
庶幾發吾子之蒙而祛吾子之蔽也在昔此山卓卓大
古究其根盤罔知幾許錫以大白雲臺之名雜以羣玉
秦望之所峯岑峩鬱嶺嶮險阻從巖嶸岷岵岵岵嶺蟠
者如龍踞者如虎方者如屏圓者如筍斷者如臼續者
如組高者如立下者如俯呀者如吞突者如吐平者如

削起者如舞向者如鬪回者如顧千竒萬狀不可遽數
其上則小山叢桂漆園大椿松檜栝栢椅桐栗榛大餘
連抱深踞重坤夸條幡纏布葉鋪菜昂霄聳壑霧合雲
屯白日如蛟虬動微風如笙吹繁禽則出穴雛鷓銜書
神雀黃鵠白鵬金雞元鶴旋日駕鵝鵠鷓鵲呈其吐
綬名之搗藥雲彩星馳風毛雪落或翔而集或俛而啄
是皆踰岷越嶂離瀛度弱不遠伊邇於焉茲托其下則
玉芝葳蕤瑤草綠縟葭若麝香荃蘭甘菊芴藟鶴化金
鈴櫻粟抗紫莖揚清馥耀羣芳駭衆目被幽崖施中谷

灼灼猗猗青青郁郁獸則馴虎飛猿麝香麕鹿或獻果
而攀蘿或賣杏而收穀或食乎野苹或眠乎石竹餘則
五色之毛千里之足茂先亦不能知爾雅所不及錄莫
不肥大蕃息絡繹馳逐以寢以叱不瘵不瘵水則三溪
八池七潭六源丹砂之井玉醴之泉服之可以永壽飲
之可以成仙湔湔瀉瀉澄澄涓涓光涵曉鏡聲彈夜弦
練橫瓠瀉枝分蔓延決而爲雨積而爲淵漑田百頃衣
食之源然後觸穹石越奔川東匯彭蠡同歸海門其中
則蛟龍龜貝鰕鯉鱖鱣比目之鮓縮項之鰻沙蛤海蚌

明珠出焉亦有羣飛屬玉並浴文鴛雙鳧乘鴈鳴翠舞
鷗蒼鱗繡羽舉一漏千莫不集於淺瀨浮於清漣喙嚼
乎菰蒲青藻棲息乎菱芡藕蓮建宮室則度其隰原拔
斯柞棫爰命工倕乃程匠石巧者效力千夫雲從萬斧
雷擊槃石而龍門空斬木而虎穴赤發嶺表之瑰材集
江南之佳植倏鬼設而神運不一朝而山積於是寶圖
呈於坤靈玉梁降乎天寵倣配極之元都列飛霞之畫
棟翬翼寓而欲飛螭負楹而不動華棖引明月於璇題
藻棧綴浮雲於朱栱露闕角之蒼龍啄檐牙之丹鳳表

新淦縣志

卷一地理志

山川

十

以承天大秀之崇侈以天德乘光之竦參錯乎萬象之
鱗次彷彿乎九重之星拱觀其重觀疊樓右坪左城飛
甍驚海色之搖紅鉛砌鏤琅玕之連白牕綺疏而結錢
帶金釭而銜璧聚天上之星辰隔人間之風日周河漢
之昭回順陰陽而闔闢宜上帝之高居近天顏之咫尺
至若黃道雨晴瑤階塵輒翠蕤下元武之旌魚鑰起寥
陽之殿羽衣翻仙子之霓裳雉尾擁宮人之彩扇耀孤
鶴於金莖鳴八鸞於翠輦魚龍舞九奏於鈞天鷓鷯肅
羣真於旒冕濟濟乎山澤之癯昂昂乎圭璋之彥降笙

鶴於緱山來舄鳧於葉縣無非講道德於元文呪長生
之秘典元霜杵月日帶香殘丹氣成虹爐存火練進麟
脯之新奇集龍根之宛轉冰桃鬪瓜棗之筵銀瓮錫葡
萄之燕又何必慕弱水之二神比塵世之所常羨也鍾
其精英發爲人傑其方平重厚故爲人也沉毅而富才
峭直孤高故爲人也磊落而多節遠而九仙熟爾之名
近則八祖森乎其列故孔梅沈謝之羣流歷秦漢唐宋
而烜赫訪餘跡則魏氏之瑤臺何君之石竅臺聳東華
赤谷之竒谷隱彤霞丹陽之輿箱峯蔓草之似袍墨沼

新淦縣志

卷一地理志

山川

十一

寒藤之學草劉通慕仙錄於徒聞夏禹惜神樛之未造
涪翁僅吟於彷彿叔夜敢侔於醉倒逮及累朝舉由其
道銀鈎賜金榜之鏤題寶篆降御爐於恩詔信爲古今
之名山非遯世延年者莫能到也言未卒先生乃欣然
而笑曰子誠知管晏之齊人識昭襄之秦客但誇夫山
川之爲美而不知河山之帶礪也觀宮室之爲盛而不
知兩都之舊制也羨木石鳥獸之同羣而不知斯人之
爲貴也慕辟穀延年之可尙而不知所惡有甚於死也
夫達人之大觀曾何足以芥蒂雖殺身以成仁真不亡

而日在且夫大人物我本同橐籥聚則成形散歸寥廓
高爲星辰低爲河嶽故箕尾墜而傳說亡尼山禱而聖
人作二伯生而崧嶽降其神靈三蘓出而脗山爲之蕭
索相業應乎旁求王迹寓乎筆削爲藩翰於西周著文
章於東洛是皆海內之安危兼天下之憂樂豈效乎沒
世無聞但忘情於邱壑且子不聞蓬萊方壺遠則遠矣
而樓船之藥未返瀉池之壁已遺莖臺井幹高則高矣
而茂陵之石馬無聲柏梁之金人有烈是二君者今安
在哉今欲與子窺九嶷登大行上會稽探禹穴泝崑崙

新淦縣志

卷一地理志

山川

觀澥渤追大史之竒蹤繼前人之遺烈挽壯士之天河
洗中原之戰血然後對禮樂於丹墀進輿圖於金闕則
下視玉笥之山者曾何足比於一髮也哉誕叟聞斯言
也狼顧鼠拱莫知所措夕陽兮在山碧雲兮欲暮余乃
拾銅雀於殘煙分玉蟾於墜露倚桂樹之秋香遂登高

而作賦

文靖集

玉山謠贈時憲

明練子宣

我所思兮玉山之峒堯粲芙蓉兮凌青霄謫仙一去已
千載至今誰續廬山謠熊侯家住劍江側慣掃秋山之

黛色聞余此興爲寫之彷彿梅仙舊時宅梅仙兮何在
邈清風兮滄海蹇夷猶兮孤舟弔遺跡於千載舟中所
載非凡流羞故人兮李與周按玉笙兮明月下黃鵠兮
清秋洞天兮石扇蒼崖兮路轉橫余劍兮視八荒訪蓬
萊兮幾清淺張侯兮昂藏驂白鶴兮青霓裳窺玉梁之
寶笈醉石髓之瓊漿千巖萬轉路莫測酒酣一笑三山
窄待得君王賜鑑湖錦袍重訪山中客

三月望日與饒隱君子宏遊玉笥山 練子甯

我懷謝康樂獨往遊名山身同虛舟繫心與浮雲閒清

新淦縣志

卷一地理志

山川

十三

風澹蕩灑六合令我興在雲松間玉山高與南斗齊雲
錦照耀廬山低三十六峯凌虹霓飛湍噴雪臨迴溪長
松挂月青猿啼上有梅仙採藥之幽棲下有蕭雲讀書
之故基洞天石扇杳莫測瑤草漫長三春莢我欲因之
覽八荒手拂青蘿眠石牀回飈吹散碧天霧清冥倒瀉
澄湖光偶爲玉山謠寄之雙峯客興來攜妓秋復春笑
殺東山謝安石

玉笥山

明胡儼

佳哉古淦邑有山鬱岌堯昔年降玉笥芳名標神霄有

峯高插天芙蓉金柱翹有壇布碧落太乙皎素飄有臺
高巍巍九仙東華朝有洞實靈闕白日聞笙簫陰瀑灑
飛雨石磴凌風飈艷艷金光草森森琪樹標仙人散絲
髮乘晨希松喬流軒宴初景元挺披氛囂龍吟石澗隱
鳳歌雲路超仰嗽金髓溢流盼恣逍遙我欲從之遊黃
鶴不可招悵望白雲深郁木何幽寥

頤庵集

魏夫人壇

宋黃庭堅

獨掃蛾眉坐遠山春風瑤草照朱顏我來欲問揮月斧
二十四峯如髻鬟

新淦縣志

卷一地理志

山川

十四

望玉笥山感懷

明羅養蒙

勲業飄零梅子真江山誰與訪遺塵艱難不獨悲前事
慷慨徒勞憶故人太乙圖書元在漢東周禾黍半歸秦
晴天玉笥秋風上欲薦蘋花淚滿巾

明詩綜

玉笥山

國朝孫之鳳

塵埃事業等山溪到處昂然鶴在雞澗水自鳴僧屋外
山光常擁畫樓西操觚陣裏人顏老彈指聲中客意悽
樽酒謾傾清思發悠悠三十五年迷

江西詩徵

湓峯在治東六十里通志載其山環擁十二峯有浮邱

王郭三仙壇紫元洞仙人蹟石尾撒傘洞湓山觀諸勝
舊名玉華峯與泰華對峙相望俗呼湓峯山出雲則雨
有游世盛記金士升引劉先春羅倫詩

湓峯山記

明游世盛

新淦縣治東去六十里大平鄉之湓山高聳天半衆峯
綿亘列爲十二曰浮邛九華三華少華若瑤簪玉筍屹
於雲端上有觀曰玉華實浮邛起應教主冲應大虛王
真君誠應妙遠郭真君之行祠也昔浮邛自西蜀來約
王郭在淦之九華山爲會至而浮邛它適矣二仙跂山

新淦縣志

卷一地理志

山川

十五

巔之石凝望而浮邛乘雲自崇仁華蓋山而至盤石遺
蹤迄今顯然其絕頂兩峯類湓山之高一峯圓而大者
南一峯尖而峻者北結壇於尖峯之上食宿居圓峯之
下表以玉華縱橫步之不滿丈餘三面之險而削設像
禮拜之外旁坐五六人自平陸之觀山行十里而面顧
峯巒秀峙者若蛟騰鳳舞飛動在目下視崕嶺巖穴似
熊蹲虎伏低昂相向控壓鄰郡之鎮雄據百里之尊天
未曙而海日紅雨將興而嶺雲暗鶴來駕而喚風猿抱
石而嘯月煙霧降祥則三仙坐圓光之中升自山麓止

於簷端或時隱顯然觀無恆產往來祈福必有資焉元
季兵燬羽士星散洪武戊申海宇混一道士鄒浩然掃
瓦礫而草創永樂中主觀事者鄒希衍偕其鄉好義之
士鄒大瞻率衆施財購木重新礮石屬余以記余惟大
江之東多名山其巍然高大者如玉笥之與閭皂皆列
仙所栖之境洞天福地莫不備載寰宇記中今觀玉華
真境殆與二山偕勝不朽嘗聞三仙靈貺歲遇水旱疾
疫每福茲土凡有所祈捷於影響故是宮之修非希衍
之道行足以動人實大瞻諸好義者之樂施成此輪奐

之功以崇仙祀於永久也故其名皆可聯書因爲之記

重修湓峯三仙殿引

明金士升

金川之東隅曰雲湖有山焉十八岡布列如棋其中聳
起一峯曰玉華突兀陡巉百仞而羸俯瞰巖壑參差齒
錯萬千登其巔與大華相望而稍越之四盼則瀟浦永
吉之山水咸在目際其麻履跡角棋所歷久不湮孤往
雲間人跡罕至俗傳每夜半雞犬聲不爽亦淦鄉一幽
竒洞天也不登道書黃冠數輩奉浮邱王郭三仙於其
上蓋幾百年矣遣陽九之會道流零丁各走一方十年

爲空舍壇宇傾頽香煙泯滅三仙之神各別駐矣今春
仲忽有頭陀子身來披荆蔓殪蝥蝎不畏豺虎不招徒
侶汎除獨居之甫四閱月壇舍整葺三仙金像嚴雅若
新雲湖近地咸駭異嘆羨胥與之蓋飯盆米可卽次耽
安矣而僧之志殊不在小也會予講業鄒氏齋隔仙壇
數里僧一日突謁求題疏爲重修仙殿之請余莞爾曰
此時此地欲爲此事矧若隻力談何容易僧慨然曰天
下事成敗不在難易在勤與怠芥子可納須彌願力到
可助衆生阿祇劫修行來此婆娑世界切切大事因緣

新淦縣志

卷一地理志

山川

十七

先生幸勿却一言之倡不必爲阿虞艱大也余始詢其
邑里名字云祥雲來自姑蘇見其衣履粗陋不爲一切
禪裝語不饒舌甚異之諾爲之題引余思浮邱公者羣
仙之聖神也生軒黃世與岐仙諸人游踪跡窅幻不測
後一見於典午之時錫杖撫鄉以道授王郭其最顯時
也旣而隔百餘載復見於唐朝廷曾欲官之不受不著
書不傳姓氏名字有謂其姓李者渺無確驗噫其過老
子張果諸公多矣吁三仙爲世外孤仙湓峯爲形勢外
孤峯以孤仙駐孤峯以粗服草履之孤禪供奉之豈非

域中一奇撰耶余謏劣不能爲外道干人而以好奇之癖諾其請僧擬持鉢四方叩請縉紳文士素封長者其不惜羨鏹餘粒以謝此孤禪之覩縷得畱三仙之法身長庇此一方爲乾淨地則是諸君子之好心善士也則是三仙之式靈於茲一塊土也儂言何足爲舉首也

陽溪遺稿

湓峯

明劉先春

雲拖雨脚掩晴嵐笑指湓峯第一山天上蓬萊容我到山中風景許誰閒碧桃花藹經千樹丹竈煙消合九還

新淦縣志

卷一地理志

山川

十八

我亦前身劉禹錫綠苔又襯落英寒

遊湓峯

明羅倫

一柱東方戀紫霞數聲雞犬也仙家春風不與人分破

添却碧桃無數花

一峯詩抄

杯山在治東六十里崎嶇層疊界連豐樂山巔有巨塘相傳名金牛塘其水窟深不測大旱不涸禱雨者取水以歸有應自宋紹興間設巡司衙署置弓兵以防流寇尋廢崇禎七年奉檄設建遷衙城上

小廬山在治東六十里通志載上有石池馬迹印石飛

瀑四注山周遭百里南接樂安北抵豐城居民數百家
相與耕種藝苧緝葛採藥其間不減桃源盤谷

小廬山

朝國胡之瑾

廬山肇山經非始自匡俗子孝生而神有仙山更馥淦
北挺竒峯如浪偃天浴差比廬峯小靈氣亦清淑登山
魯始卑陟岱宇方促茲山屹砥柱其勢若尊獨笑彼桃
溪人莫遣漁舟速勿嗟山徑迷劉郎前度熟村民牧且
樵野客耕還讀聖學本無小吾茲慕白鹿
三峯在治東三十里謝志載宋秘閣修撰向子諲薌林

新淦縣志

卷一地理志

山川

十九

院在焉事詳古蹟

東皂嶺在治東十五里一名玉華通志載上有仙壇祈
嗣輒應明嘉靖間因文廟改設木主乃移供聖像因有
聖廟云

東皂嶺

明張時

百尺嶙峋插碧空丹梯曲曲步從容四山雲氣盡爲雨
一徑秋聲半是松招手引來遙海鶴浩歌驚起斷崖龍
青牛白鹿知何在漫對山靈覓舊蹤
茱萸岡在治東五里以產茱萸故名上有雷神祠俗呼

繞煙雨晦明爲詩情爲畫意又登斯境者各爲領取也
奚用予說據冊新編

東雷山

明宋一俊

布襪芒鞋時到山十年幽賞暫開顏紫巖日射金銀燦
古樹霜迴虎豹斑隱隱神明來海島遙遙仙籟響雲寰
却憐鴉背浮光急帶得天風兩袖還

東山在治東二里通志載有永壽寺待月樓宋劉次莊
卜築寺前爲堂鑿池名戲魚自號戲漁翁有戲魚堂法
帖其麓爲明練子甯宅事詳古蹟

新淦縣志

卷一地理志

山川

廿一

東山對雨

明朱瓚

一雨望不及四山雲更多花溪送錦水苔壁界銀河獨
客擁寒袂老農披重簑沽樽信有酒誰爲發狂歌墨泉集

東山

國朝胡之琳

數里千峯壘雲封野衲家境幽宜有佛樹靜忽啼鴉山
色當秋老鄉心共酒賒穿林憑眺遠天外起明霞

東山松

國朝饒夢銘

偃蓋松藏寺蒼顏古越今九霄摩鳳翼三峽想龍吟露

重聲常滴風微韻不沉清歌吹夜房細和紫鸞音金川詩鈔
鳳凰山通志載有二一在迎春門外卽宋狀元何昌言
故宅又名何家山一在治北五里嶽廟前

何家山

國朝饒夢銘

雙鳳迴翔捧日華迎春門外問何家狀頭爭得山名轉
難怪居人重五車

石屋山在治東北七十里通志載巉石如屋廣三丈中
有石山上壘層石狀如人相傳鄧克明據淦時有神仗
法殲賊爪牙賊追至山巔神化爲石賊發三矢而去迄

新淦縣志

卷一地理志

山川

廿二

今矢迹猶存近地感德頌爲層石大王兩暘應禱山旁
有伏虎巖游仙船古蹟山底洪濤奔處爲石所梗淹沒
田苗層石大王顯異駕鐵船撞成溪澗石縫宛然通志
載明王守仁詩云游仙船古蒼苔合伏虎巖深綠草封
山麓有石溪寺明練子甯詩云杖錫飛身到赤霞石橋
閒坐演三車

尙樂山在治東六十里通志載有宋武帝廟禿女岡皇
后陂六尺源羅公坑三百陂諸蹟按舊志禿女廟相傳
禿女少孤後母苦之令牧豕於陂日困於食感生藕因

取食聚其絲爲履靈鵲啣至武帝殿下帝驚異之因取以爲后考南史后無禿女姓氏亦不應旣爲皇后鄉里不知姓氏也又謂邑人劉輝善地理見尙樂山羅公坑形勝立廟設武帝禿女像併爲一祠流俗遂相傳訛云宋楊雯有詩

尙樂山宋武帝廟

宋楊雯

溪聲答松風巨石出老拳古樹不知名岌岌蛟龍纏夕陰互出沒秋華帶芳鮮葱葱帝王氣棟宇垂千年虎賁乘霜戟慘淡生雲煙宮人翠龍駕手持玉連蜷昌明坐

新淦縣志

卷一地理志

山川

廿三

恍惚精神雷在天大呼司雍間旬月無秦燕昔爲萬夫特今受衆目憐石馬亦埋沒歲時草芊芊小臣異代士見之淚迸泉齊人思爽鳩蜀人哀杜鵑江東舊正朔禮奉敢不虔但願君王心不忘載荻船下山又再拜白日

當空懸

宋詩紀事

秋山在治東五十里通志載有蘇令祠陳永定中蘇爲巴邛令歿葬於此

豐城山在治東五十里舊名百丈山

伏泉山在治東六十里寰宇記山上有泉懸空皎然如

正素舊名泉山唐天寶六年改爲伏泉山

雞籠山在治東四十里通志載有王郭仙壇打子盆搖籃石祈嗣有應邑隱士孫之鳳句云遙見碧雞從

望夫山在治東四十里相傳五代時有婦望夫以手爪招樹葉遂化爲石至今樹葉缺若指招痕者然

漸山在治東五十里

浙山在治東二十五里

殊山在治東五十里

暮山在治東五十里上有暮山寺

新淦縣志

卷一地理志

山川

廿四

順龍山在治東六十里

大盤山在治東七十五里峯巒稠疊蟠衍數十里爲撫樂交界山左右迤袤直抵永豐峽江境山巔有土墻舊址前明土寇嘯聚所築間於四邑逋逃淵藪崇禎十二年巡撫合淦樂永豐峽兵勦除之

栖碧山在治東七十里毗連樂安龔舜咨讀書於此號栖碧山人築慶源別墅嘯歌自適元吳澄傳與礪皆有

詩記

棲碧山爲龔舜咨賦

元傳若金

山人愛山如李白幽棲還在碧雲深松杉繞屋清宵響
雷雨懸崖白晝陰石上每同仙客坐花間猶恐世人尋
京華日日多塵土終擬投簪話夙心

清江集

題栖碧山

元吳澄

栖碧山前有逸民愛山終日與山親幾番晴雨青如故
人不傲山山傲人

臨川草廬集

太平山在治東六十里山峯環疊下瞰溪流古有尼僧
庵傾圮有年基址尚存元何中有詩

太平山

元何中

新淦縣志

卷一地理志

山川

廿五

縱觀不知遠言登太平山諸峯卷秋雨日射風霏間懸
磴折古石側溪倒危潺金燈如丹紅異卉相爛斑忽悵
經邛絕俄欣尋壑閉筠陰聚森爽樵人指幽關聲鐘出
晻靄演梵作孱顏靜者足吾契語瑩冰珊珊厓東野月
上露華膏夜鬢松杉炯玲瓏流飈過瑤環既靜有餘聽
焉知趺坐頑偶然在塵表非能悟無還

仙女峯在治東七十里通志載唐乾符間李氏女得道
於此鄉人立廟祀之故名又名嚴穆山山下有李王祠
梅仙峯在治東四十五里有梅欒鄧葉四仙祠下有白

竹寺

閻湖峯在治東七十里

樂門嶺在治東四十五里上有亭下有寶台庵

蘆嶺在治東三十里山溪峻隘人煙窳遠半山有亭

蘆嶺

國朝胡之琳

蘆嶺峯高萬木齊穿雲帶雨上山梯停車亭下行人絕

一縷村煙隔樹低

短嶺在治東十五里嶺前有亭嶺後腰間有亭

金雞嶺在治東三十里以狀名

新淦縣志

卷一地理志

山川

廿六

梓嶺在治東五十里

麻嶺在治東七十里山勢嶙峋綿亘數十里東南抵豐

城樂安界明常遇春由撫州率師進勦鄧克明處

茶嶺在治東六十里山峯迴環相應高可五里山頂有

亭便往來者之憇

欒樹凹在治東七十里抵樂安界

大坑距縣東七十里越此爲桃嶺宋源抵樂安界

中洲距縣東五十里入河源嶺抵樂安界

茅山在治東南四十里有仙人蹟下有天竺庵龍潭雲

出卽雨

秀峯山在治南二十里通志載俗呼南雷山相連者爲雷峯席帽峯獅石嶺亦治南奇觀也胡之琳有詩

秀峯山

胡之琳

百尺樓空雉堞圍秀峯環翠靄晴暉三台峙列青蓮嶂
萬畝平開白鷺磯遠色難明雲樹合斷烟將盡水田微
傷心莫極登高望洒淚淒涼滿客衣

席帽峯其右爲馬鞍山在治南二十里唐時士子皆曳袍重戴出則以席帽自隨李巽屢舉不第爲鄉人所侮

新淦縣志

卷一地理志

山川

廿七

曰李秀才應舉空去空回席帽甚時得離身及登第遺鄉人詩曰當年蹤跡混泥塵不意乘時亦化鱗爲報鄉閭親戚道如今席帽已離身席帽峯與雞籠峯相望邑隱士孫之鳳詩側聞天馬躍遙見碧雞從正謂此也

箱雜記

大羅山在治南三十里通志載出雲則雨下有甘泉歲旱里人汲泉禱以致雨

羊角嶺在治南三十里

雞籠峯在治南三十里

刻木山在治南十里有祠舊名刻木廟廬山張令來攝
篆一新祠宇題額曰丁孝子祠蓋指丁蘭也按宣和二
年胡致隆記考孫盛逸人傳丁蘭本河內人距淦大遠
未詳廟祀之由

峽山在治南十里通志載有霧峯祠祈禱輒應

楓岡山在治南十里通志載對學宮挹秀門有瀑水下
七里陂合桂湖達惠政橋入江按舊志載上有道觀唐
末彭玕結寨拒楊行密於此

國朝邑令周文以山水衝射正對學宮關一邑利害欲于

新淦縣志

卷一地理志

山川

廿八

桂湖壘石建亭種樹資爲掩苒與王令立轂各有議說

楓岡山議

明周文

淦城南望鬱蒸風雲嗚合吐川岳之靈竒點綴楓岡之
勝峯列三台足躡雙溪大江在西涇流其北遠岫映帶
縹緲無際蓋近郊之第一勝境也於漢有劉仙脫履上
升之跡於宋有楊行密征虔駐師之營積壘守之衆莫
敢窺此其形勝已踞險要而山澗清泉冷然出焉瀉於
兩腋之間飛流瀑布直聚桂湖洵稱佳景第自縣望之
山傾側而水尖射不得其位所關一邑利害匪細故也

衆皆苟安鮮有長策余曰是不難此有天造地設之巧
在人善於點綴耳因爲捐俸建一亭踞水上方臺圓溝
體彷彿八卦水流環之象四瀆之經絡然夾道宜多種松
竹蓊如蔚如半隱半現互相掩映於山川雲樹間於是
峯若增而麗泉若增而秀激湍者增而靜定直射者轉
而曲折是亦斡旋乾坤挽回世運之一機若夫時和年
豐氣清天朗游斯亭也或以爲蘭亭而嗣流觴之詠或
以爲瀛洲而切登仙之想或以爲峴石而墮去思之淚
俯仰之間感慨各殊所以興懷其間而吟詩作賦者其
必光照此亭也乎

新淦縣志

卷一地理志

山川

廿九

又

明王立穀

楓岡與學宮相對瀑布懸流堪輿家惡其衝射故前令
建亭以截之登高望遠頗堪遊目第亭設大高瀑懸如
故宜多種樹以掩映之且可增亭之勝或欲於中截再
建複亭稍加曲折其致亦佳但時詘而舉羸於民不便
不若種樹之易也

耽源山在治南二十里唐應真禪師建耽源寺

初入耽源

國朝釋大銓

策杖尋仙蹟迂迴渡小谿雲封山寂寞草長路高低荒
殿猿爲穴空庭鳥自啼徘徊成浩歎日落萬峯西

安山在治南六十里

麓岡山在治南二十里

玉華峯在治北三十五里俗呼北雷對山有著棋峯相
傳王郭仙人修煉所又爲二仙奕處

澄嶺在治北八十里通志山下有泉清澈特異東北隸
豐城界

鷓鴣山在治北十里明邑令胡之琳詩鷓鴣山前道行

新淦縣志

卷一地理志

山川

三十

行看落暉不聞啼鷓鴣紅葉但飛飛

席帽峯在治北五里

大陵南陵均在治北三十里地界相連卽輞坊也

培山在治東北三十里胡叔廉有詩

培山

明胡叔廉

培山松竹萃深處隱元微露滴黃花盞雲流紫氣飛鶴
鳴當晝寂鳳宿小春遲相親更相守端見此山奇

練溪集

白羊嶺在治東北四十里上有寨址古產石鏃

天柱峯在治東北二十五里通志載兩峯拔起名大小

天柱峯

天柱岡

明胡儼

當天削出芙蓉青雲中一樹屹不傾蒼然不改大古色
直與華岳爭崢嶸紫虛真人有琳館琪樹千章花纂纂
青鸞割下絳桃開白鹿鳴時瑤草短真人飛珮夜降臨
火鈴撒地流黃金赤松吹笙白虎嘯玉斧鼓瑟蒼龍吟
颯颯清風動林藪月光如水山靈走麻姑忽報王母來
笑挹瑤漿斟北斗羣仙高會良難遇我醉欲眠呼不去
滿身祇覺露華涼山鳥初啼谷將曙歸來人世幾星霜

新淦縣志

卷一地理志

山川

三一

竊祿空慚兩鬢蒼何時騎得遼東鶴還向岡頭問故鄉

若思集

天柱峯

明劉守謙

誰把乾坤柱立從太極先丹梯披曉霧碧澗瀑秋泉日
月高低見星辰左右旋無勞杞人慮萬古此擎天
百丈峯在治西二十里通志載山高百丈北隸新喻壇
俗呼西雷為王文卿修煉之所宋徽宗召之禱雨有應
敕立雷壇有文卿飛昇跡葛洪奕石飛來鐘山環十里
中峯端聳於前者若貴人拱立狀其後列嶂如屏左右

如拜如伏岳岳森列夾道青松擁衛誠勝境也西鄉諸山多支分於此明羅念庵有峯頭不見葛仙翁之句國朝增置關帝祠觀音堂邑令董謙吉清理山界復顏其額曰龍山咸豐十一年燬於寇同治三年邑紳劉金碧倡捐重修

重修百丈峯雷壇記

明張徹

百丈山舊傳羽人王文卿修煉所也宋徽宗時旱召文卿禱雨有感賜號侍宸羽仙敕有司爲立雷壇始有祠相傳侍宸白日飛昇有巨石爲其畱跡元兵肆烈山盡

新淦縣志

卷一地理志

山川

三二一

赭而祠亦燬湖東周廉夫修之明洪武中火僅存湫屋三間饒子迪吳欽仁慨然以興修爲己任道者張廣風相與募化於是爲正祠以奉雷神李益都復構三清宮鄭宗魯建元帝殿曾希貫新五老庭規模宏敞煥乎一新而神之靈益著矣祠距縣十五里而自縣來者路亦平祠則於山之巔爲極峻宣德甲寅旱吏部侍郎趙新府通判俞廷輔縣典史嚴瓊躬親祈禱一雨三日予素慕茲山之靈異也於正統戊午春一登焉如在天上俯視衆山環拱羅立誠爲天造地設之境頂有秀石潤如

玉色求嗣者叩之虔則有應後有靈湫稱爲龍居歲旱於茲請水禱誠則風雨隨至其尤異者每春夏間雷神若現至則屋瓦搖動夜有燈自半空下炯炯然輝映山谷極風雨不能掩久而隱予徘徊欲畱宿凜凜高寒不敢居焉饒子迪以勝游之恐難再也亦不可以無記請余文鐫諸石予惟雷之震驚百里鼓舞萬物助天之威令以長養功莫大焉惟神之靈故能護國安民寒暑節宣而雨暘時若靈之濯濯也顯於茲山廟食百世致四方之瞻謁禦災未然物無疵癘相樂於光天化日時和

新淦縣志

卷一地理志

山川

三三二

年豐之中是皆可書庶來者可考加誠敬而無怠焉隆慶志

百丈山賦

明饒宏遇

伊百丈之巋截兮粲青宮與紫宸勢嶽崑而嶙峋兮似虎伏而龍沉嵐曖對而晻靄兮時若鬼而若神攀北極而一息兮拍斗杓以臨虛飛商羊於林麓兮駕大乙之象輿蝮螭橫連於左驂兮飛廉騁而爲右駢建日月以爲蓋兮載玉女於后車俯臨於東海之澗兮拱揖乎崑崙之墟引大庾以位南兮驅匡廬而鎮北帶淦水之潺

浚兮枕蒙山之崎赫玉筍崑龍以挺秀兮閣皂隱倚而
相得爾其長松落落卉木蒙蒙青蘿落漠而上覆穴瀉
滴瀝而下通高岫附乎巖側洞房隱於雲中猿吟峽而
對月鶴唳亭而悲風鷓鴣呻而麥老杜鵑響而勸農水
則澄溪之靜練源頭之淵邃蜿蜒百折東流而與章貢
匯者非入江之金水乎澤則湖溪之逆轉灣頭之南旋
溉田施畧積而爲解粒之源者非澗泉之美利乎乃有
怪石嵯峨盤坳反覆熊彪顧盼魚龍起伏節豎山連文
橫水蹙懸幽崖之聖燈似明珠之出谷張葛之所奕棋

新淦縣志

卷一地理志

山川

三四

侍宸於焉印足彼真人之托跡羗中起於漢唐惟霹靂
之出入與天地而相方朝迎雲於閭闔暮歡舞以頡頏
悲民生之日蹙得上訴於穹蒼雖日月有剝蝕興雲雨
其不可忘怒旱魃之爲虐雷鞭車而電搖幟咨波臣之
肆害稻有蟹而蛙出突雷殷殷以震驚水涓涓而就溼
驅螟螣與蝨賊莫此邦乎止集紛迎猶而迎虎田豕盡
而鼠逸歲潔染而豐盛修祀事之孔熾降穰穰之種桂
齊庸庸於棄稷時祚德而降申或隕慝而餘壁嗟五嶽
之封禪亦生民之是力笑脣山之薄靈出三蘇而枯寂

惟百丈之綿亘啟英哲其靡息

題百丈峯

明宋一俊

佳名百丈壯崔嵬玉宇瓊樓面面開古木蒼藤疑虎豹
青天白晝起雲雷雨添石溜飛銀瀑風落巖花雜草萊
書暇乘閒遊覽遍緱山日看鶴飛回

夜登百丈峯

明劉正亨

月下高登碧落山天明携得白雲還兩人對坐夜方久
一水涵空客自閒踏破神仙千古跡山有王文卿飛昇履跡石打開
名利幾重關能從物外追幽賞漫道吾心不孔顏隆慶志

新淦縣志

卷一地理志

山川

一三五

同羅念庵登百丈峯

明吳達

袖納乾坤且放吟眼前桃李正春深我憑蠟屐添新賞
鳥戀花枝送好音無意行踪沾滯少隨時舒卷歲華侵
此身拚作煙霞主指點江山入畫屏

綿峯治西南二十里通志載一名黃蘗山以產黃蘗故名

奉使宜春夜渡新淦江陸路至黃蘗館路上遇風

雨作

唐權德輿

草草理夜裝涉江又登陸望路殊未窮指期今已促傳

呼戒徒御振轡轉林麓陰雲擁崑端一作雨當山腹
震雷如在耳飛電來照日獸跡不敢窺馬蹄唯務速虔
心若齋禮一作濡體如沐浴萬竅相怒號百泉暗奔瀑
危梁慮足跌峻坂憂車覆問我何以然前日受微祿轉
知人代事纓組乃徽束向一作若家居時安枕春夢熟
遵途稍已近候吏來相續曉霽心始安林端見初旭
葛仙峯在治西二十里上有葛洪丹竈遺跡及葛仙祠
李峙詩葛峯相對爲文筆瀟水迴環當墨池說與晚衙
休報事長官亭上有新詩

新淦縣志

卷一地理志

山川

三六

銀崗嶺在治西南十里以狀名

雞冠嶺在治西南八里以狀名

望城岡在治西南十五里高可望城

廖家岡在治西北八里

龍塘岡在治西十五里以地有龍潭名

石鼓埭在治西南十五里

大旗埭在治西七里

松湖埭在治西八里上寬平周可二里

白沙埭在治西北二十五里

烽火磯在治西南十里濱江若蹲踞然在監軍廟南
圓山埧在治西十八里越此爲藍塘新喻界
古仙峯在雙溪村左有浮邱王郭三仙壇咸豐壬子重
修

廬嶺由玉華峯起祖過廬山左行爲閤皂山右爲淦龍
出脉之所淦水由此發源上有水口廟由廬山過桂川
石溪寺石溪寺過武源有武帝廟卽爲廬嶺面屬淦邑
地界背屬清邑地界玉華峯頂有三仙壇穿仙洞石床
石鼓定風石等古蹟由廬嶺至板埠有超明寺箬坑菴

新淦縣志

卷一地理志

山川

三七

銅頂峯其右有小正山楊禪寺

淦山之澤者多萃東北薌林寺後一峯拔起佳冶窈
窕者爲美女峯與百丈峯相望隔江遙映如丈人之
視幼女今俗謂妻之父爲岳丈皆云起於張說之子
均然漢郊祀志大山川有岳山小山川有岳壻山裴
松之注三國志言獻帝舅董承云古無丈人之名故
謂之舅則岳翁丈人之名漢晉已然新淦文士近來
作韻語者多省百丈峯爲丈峯則丈峯美女二山之
名安知異日不同於小姑彭郎之訛乎

參引三國志

泥江口水寰宇記載名泥溪一名沂江在治南十里發源豐城流經火田蔴嶺入淦境至杯山豐樂橋合雙溪口水施閏章大坑歎云其水獨南流谿谷皆阻深紀其實也春夏霖雨水漲則商舶曲屈可通順流下潭坵曾家陂擊埠又東匯海源穆源古溪水經峽江地土壤益廣支流益衆又東南復入淦境從中溪官坪合錢家江水遶東湖洪華山出口達茅村合贛水入江南河口水一名潛湘水在治南二里自治東南三十里高嶺發源經潛湘橋竹城又東北合神鎮橋洋湖瓦橋

新淦縣志

卷一地理志

山川

三二八

九源頭秀溪水流惠政橋出口入江

楓岡瀑布水在治南十里與學官相對如疋練下七里

陂合桂湖水達惠政橋出口入江

棠公橋水在治北十里發源石陂頭經灌溪望仙橋出口入江

秀溪在治東北二十里達於江

逆口溪在治西十里出源頭經南坑湖田橋入江

藍陂溪在治西十里源出百丈峯下蘆溪橫田橋經宗州合蕉坑水及殷富黃荆渡出口入江

坑口溪在治西十里亦由百丈峯源出陳坑合古爽水
經田東灣頭合九湖坪泥溪流大橋合菱湖水達楊家
橋出口入江

坑東溪在治西十里發源冷水坑經穆湖湖東侯府坑
東橋折而東南入江

蓮花潭在治南三十里潭畔有巨石狀如蓮花

龍潭在治西吳山嶺

蓮湖在治西北二十五里有湖陰書閣邑庠朱文紹建

蓮湖

明羅洪先

新淦縣志

卷一地理志

山川

三九

湖水遙連紫淦潯讀書高閣傍湖陰蛟龍出浪聞新曲
鷗鳥忘機聽古琴墨潤圖書春冉冉窻寒燈火夜深深
日長獨坐無來客細拂芸香辟蠹蟬

念庵詩抄

前題

明彭綱

飛薨翼翼面蓮湖萬卷經書閣上儲克棟不殊楊子宅
汗牛何異鄴侯居波搖素影分蝌蚪芸散清香走蠹魚
夜半唔伊人靜後練囊螢火綺窻虛

桂湖在治南挹秀門爲儒學外泮水一名倉池萬歷戊
申朱令邦植以水勢直洩惠政橋於泮宮漫無關鎖率

近治居民開濬循秀峯遶迎春門而出取名玉帶水後有言不便者邑令周文議復其故而已成之局難興役矣唐大順間地師楊筠松云三十六年還一變午水微微現午水卽玉帶水也三十六年適合萬歷戊申則修改之役亦定數之符云

復桂湖水議

明周文

本縣學前明堂舒展賓峯聳秀龍虎拱衛洋潮環抱尤稱文明氣象也近爲堪輿俗師妄肆穿鑿將左肋掘挖成河大洩垣局截斷龍脉壅塞來水又築堤作帶如盤

新淦縣志

卷一地理志

山川

四十

蛇狀城門壑列橫抑明堂皆爲不吉是宜仍舊任水自流去其梗淤循道開河畧移城門直與明倫堂相對俾正南秀峯拱峙爲美挽回神化振起人文端在此也

又

明王立穀

淦城四周皆荒阜無竒峯峭石可供遊覽者南門有湖五六頃若水滿泛舟差堪入賞惜秋冬涸爲陸地余欲築一壩以蓄水沿堤樹以桃李亦一勝事也城側有湖於堪輿城守定當兩利余不任爲蘇白耳

高士湖在治東一里劉次莊種魚處

厚湖在治東四十五里

南洲在治西長牌

滄洲在治西一名官洲產香附有唐詩人李頻廟

侯府洲在治西與文塔正對

橫洲在西南

曾家洲在治西

莒洲在治西北大江中分上下洲

橫灘在治西北

大洋洲在治北四十里濱江有敕封英佑侯祠

新淦縣志

卷一地理志

山川

四一

金灘在治西三十里發源百丈峯經新喻易家墟流泗溪牛尾洲達淦境入江

獨龍泉在治東六十里錦潭村泉由石穴湧出如龍噴涎夏冷冬溫可溉數百家灌千餘畝明羅洪先過此飲而甘之手題額聯其上村人鑄諸石

國朝學師張濤更名龍泉有記并詩

獨龍泉記

國朝張濤

潭邛西北數十步爲獨龍山山麓有泉出石隙中坎深尺餘方廣不及四尺清冽而甘冬夏不涸聶氏聚族數

百家日汲於是會不少竭其流可溉田數百畝以是地
多膏腴雖歲旱亦稔明羅念庵先生過此署四字源潔
流清爲里人珍藏又署獨泉滾滾流餘慶雙峽悠悠適
雅懷之句亦刻之楹間予來潭邱飲水而甘問而知爲
是泉也復得見念庵詞翰意適久之顧謂獨泉之語先
生特取以儷雙峽鄉人襲其稱似不若以泉之出山擬
龍之健行爲尤雅切詢之聶氏諸君子僉以爲然不訝
其與古人牴牾也爲之記復係以詩時嘉慶壬戌四月
十日按東坡惠山泉云茲山定空中乳水出其腹遇隙
則發見臭味實一族淺深各有值方圓隨所蓄或爲雲
洶湧或作線斷續精品厭凡泉願子致一斛倘遇蘇仙
此泉又置調水符矣

龍泉

羅念庵題源潔流清

國朝張

濤

鱗甲何年伏地中暗噓霖雨奪天工隴頭瀉潤膏嘗渥
石罅分甘味不窮醞釀四時山態活奔流萬里海門通
自題餘慶畱前哲印取心源今古同

石口溪水太平寰宇記載金水在治北二十里發源小
廬山經板埠藍橋至石口入江

形勝

淮南王安諫伐越書曰前時南海王反陛下先臣使將軍荀忌擊之以其軍降處之上淦韋昭云上淦越邑考漢志越地無上淦邑名蓋卽豫章新淦縣也漢志豫章都尉治新淦尉典武事而淦當嶺越之衝故宿軍駐守於此處之上淦者慮降軍反覆俾得就都尉治也地近廬江潯陽有樓船軍故其後復反卽以樓船卒擊之淮南王傳云南海民處廬江界中者反淮南吏卒擊之卽其事也蓋是時豫章尙爲邊郡漢制羈縻蠻越多在於

新淦縣志

卷一地理志

形勝附 四三

此漢書

唐季豫章廬陵之亂極矣鍾傳起鄉兵策功已而驕恣其下復亂危全諷彭玕兄弟起粗定一方傳奏全諷爲撫州玕爲吉州楊行密背唐建號江西從之獨全諷及玕仍唐刺史之號各守境土以拒行密則二人者特立不從亂固唐之忠臣也厥後勢孤援絕不得已而奔馬殷未嘗爲之臣也殷亦念同盟以客禮待之獨鄉人傳聞纂錄多毀其務報仇爲剽擊劫州人往臣於楚蓋是時全諷死光稠降玕旣去而行密盡有江西玕固楊氏

所惡也則其毀短玕者非私怨則為楊氏惡之矣玕之不死宜必有以報唐室者不幸梁唐繼篡志不獲伸惜哉玕嘗鎮工嶺在吉水蘭溪其上倉廩府庫之迹猶存而行密之城垣烽堠在淦西南七里宋紹定間廢舊號監軍城今名城口又上游一里許有山踔踞江側各烽火礮此隔江據險之一策也

鏡方彭氏族譜序

元至正十九年六月新淦寇鄧克明擒殺劉世英據崇仁樂安安仁人王溥據金谿陳友諒以克明為右丞據

撫州

撫州志

新淦縣志

卷一地理志

形勝附

四四

按舊志淦東四十里有鄧克明寨克明據撫時所立忠武王常遇春討平之削山為城疊石為門周遭二十里至今城塹尚存

淦據豫章上游當虔廣之衝為江省要邑

明朱璉城隍

廟記

淦居洪州上游有金沙玉筍之勝

明張鰲縣志

占東海之上游表東南之孤清

明金幼孜玉筍山賦

新淦與吉州俱屬湖西其邑羣峯卓舉川光明媚

明鄒

元標新淦學記

新淦與白下螺川無以甚異城頭山突起其側又一邑之門戶也

明會同亨城頭文昌塔記

臨江所領縣惟新淦最大環其境數百里蓋兼古巴邱

石陽二廢邑之地而有之

費宏峽江縣記

淦轄六鄉江勢中分江水奔駛發不及撓大江東注撼

山麓而反激於西稍漲則原隰皆鳧沒

明楊爲棟浮橋

記

章貢之巨浸澎湃西北涓湘之碧澗縈繞南山而玉笥

皂嶺之竒層岩東峙不減天半峨嵋

明陳以運縣志序

新淦縣志

卷一地理志

形勝附

四五

吸川碧嶂皆有亭名虎瞰小廬並傳山號凌雲漱玉全

儲閣皂之靈吐采揚苞聿表鳳池之瑞

雷青集

百丈巋截虎伏龍沈引大庾以位南驅匡廬而鎮北帶

淦水枕蒙山玉笥崧龍閣皂隱倚澄溪之靜練源頭之

淵邃湖溪之逆轉灣頭之南旋百折東流匯章貢者非

入江之水乎

明饒宏遇百丈峯賦

金川南上佳山水翠壁丹崖相對起

子甯

升其高以望

則委蛇而合者若環然縈紆而流者若帶然舒徐而平

者若席然淦之東南諸峯皆躍然效竒獻秀於几席之

下 玉屑集

叢山劍戟灌木崆岑水獨南流谿谷阻深

府舊志參引

宛陵集

抱金川連碧巘左包沃壤可以畜衆庶而峙糗糧右臨
章貢可以引南粵而會東吳廬山背聳撫建之所阻也
袁江橫注衡湘之所通也平原接乎郡城倚地勢之便
深淵環乎城堞窺天塹之險

通志

淦扼章貢襟喉濱江為治西臨大江東南瀝桂湖

楊侃

城隍廟記

新淦縣志

卷一 地理志

形勝附

四六

淦湘章水繞其右東山中華翼其左古稱雄鎮

周卿縣

署記

按新淦為江省要邑當閩粵衡湘之衝衢輻輳往來
胥於此取道焉東太平鄉與永豐樂安接壤南善政
鄉毗連峽江西安國鄉界抵新喻北修德鄉與豐城
清江鄰欽風登賢二鄉錯處於四鄉之中犬牙相制
淦東之山自泰華北行為麻嶺為湓山又北為小廬
山折而南為東皂嶺為天柱峯為茱萸岡為東山陂
陀百里原巘相起伏互抱治城淦西之山自武功東

行經喻東南入我西界曰葛僊峯稍躍而北復折而南曰百丈峯支騰而南曰望城岡烽火磯支行而北曰廖家岡龍塘岡綿亘數十里轟起雲表與淦東諸峯稱並峙焉贛江舊沿治城北下紆由萬石洲而西與袁水匯今直抵清界荷湖館始與袁合計贛江臨淦城距六七里許有城頭山突起文壇巒峩又二十餘里有泰洋洲蕭神殿作鎮疆圉孔固峯巒疊聳波濤洄洑此形勢之勝也

新淦縣志卷之一

地理志

水利

堤堰溪河池塘泉陂湖圳窟

農事莫先於水利陂塘水利之要也淦土多沙田或朝灌而夕涸雨稍稍愆期輒憂旱山人導溪澗之泉澤人資桔槔之用堤堰溪湖等項因地制宜皆周官遂人匠人之遺法也因編水利

堤堰

淦東堰

上自車頭至孫家坊東湖等處止下自石口及新市鄭家壩溪口大洋洲永市止

淦西

新淦縣志

卷一地理志

水利

堰上自湖田至界埠止下橫河隄

在龍窟口即龍窩裏因春夏水溢淹沒田

禾雍正六年民築長隄禦之邑孝廉劉學瀾有記後水漲堤傾乾隆五十八年復修成豐七年三月官軍圍攻

臨城髮逆會稟

撫憲批准疏開此隄以便水師助勦旋因水漲冲塌居民廬墓田畝甚多成豐九年十月倡

議復築

橫河口築堤記

國朝 劉學瀾

嘗考賈讓治河三策以修築爲下蓋其時河勢自西而東其勢分故惟事修築今之河勢合於淮則功正在於隄防推而一郡之水雖不比黃淮巨浸然以數百里之怒濤又益以春夏之霖潦而僅使方隅受之一決再決

泛濫四溢凡瀕河田地悉湮沒而民莫有秋畱心民瘼者所宜視如拯溺矣吾郡四邑皆以水得名前漢地理志注宜春水東至新淦入湖淦邑之橫河口古蹟一帶之水耳加以贛河匯聚而瓜蔓水長波濤一瀉兩涯慮殫爲河清淦喻水田計數萬民居稱是國賦攸存聽其潰決可乎於是告於賢守李公公瞿然曰民患甚大余其違自暇逸履其地而相度之審高卑度厚薄計長二十丈闊五六丈高十丈指示畫一絲毫不擾於民由是度民丕作相與出力爭先築大堤如邛陵然始工於庚

新淦縣志

卷一地理志

水利

二

寅十月初告畢於十二月旣成水鄉之民霑樂利者不敢背德將伐石豎碑顏其端曰李公隄屬余爲之記余曰未也曩者雍正三年亦嘗有事於斯役而贛河乍漲旋就傾圯由築之不堅遇洪流而棄前功也盍俟諸越三載雖屢有奔放噴礴而堤足以捍禦之全活者衆贛河乏袁水之助亦稍減其勢於是復請余曰茲可記矣憂民之憂裕國之課莫大於盡力民功昔樂天守杭築堤以捍錢塘陳堯佐守滑州作長堤以禦河決今李公之堤足與二公媲美記其實俾異日有所稽焉此固其

一端也 聿修堂文稿

簡家腦堤道光十四年五月初顛水橫決坍塌數處沖沒村舍甚多沙淤田畝無數是年冬間捐資

修築二十四年被水沖蔣家坊堤道光十四年五月顛

場復集紳董分勸合修河道水大堤決村居數十餘家沖沒成河沙淤山地凌里堤道光二十四年堤

一千餘畝冬間勸捐修復堤里堤決沖塌田園廬墓

冬間勸捐修築白馬堤歷年久遠至道光二十七年知縣靳公

捐修築白馬堤丹書捐廉修理咸豐元年被水坍塌三

年知縣姚公體備因公至白馬見饑民嗷嗷詢知堤塌

被水湮沒田畝因捐廉二千串買粟二千餘石令民計

力授粟數月民不饑而鳳山堤起自三都橋頭前山下

堤成次年遂免水患鳳山堤起自三都橋頭前山下

前周圍二十餘里道光十五年鳩工倡修咸豐三年

年被水沖塌集眾補築同治二年復圯斂畝復修石口

墟北舊有圩堤一道自石口壩上彭屋傍至張祠理

墟北舊有圩堤一道公塘西俱石口按畝均夫完工埠

新淦縣志 卷一 地理志 水利 三一

頭堤左傍宿塘右傍張祠寬如塘舊係四十三都均夫

村借派鄉夫六各以石口西傍河舊有直堤一道直達

免取土爭角之患石口比洲自墟西北墻邊起至天符廟南菩提菴中圍埠坡以

洲自墟西北墻邊起至天符廟南菩提菴中圍埠坡以

石岸俱石口塘邊兩處烟戶均夫完工中圍埠坡以

上石口地方按中圍堤塘邊地方按中圍以下瓦城新

堤各村按畝石口堤同治三年七月二十三日被水坍塌

均夫完工石口堤塌均夫完工中圍以下市及傍

都十一月二三畝按根並輸捐錢七百二十餘千文至是

年十二月工竣同治五年二月復被水坍塌經知縣劉

公士清捐廉共計錢一千貳百千文至八月一律工竣

同治八年二月又被水坍塌鬆新堤三十餘丈經巡撫劉

公坤一扎知府德公馨徑飭知縣胡公傳釗趕修嗣經

知縣王公肇賜捐廉計錢貳百千文暨各畝捐輸足錢

壹千壹百六十八千文至十二月工竣

修石口堤記

陳錫麟

石口之有堤也距縣城東北二十里濱臨大河綿長五里許下接新市等堤每遇潁水漲盛之時奔騰而下風浪相搏而堤正當其衝故屢修屢廢近今以來堤身雖未坍塌而損壞處所決口亦復不少水漲之時由決口下灌遠近田廬亦多漂沒國計民生誠堪浩歎矣同治七年正月巡撫劉公坤一札行布政司文公輝轉飭臨江府姚公體份督飭新淦知縣王公肇賜會同委員候補知縣王公少山察看新淦東西各堤均尙完好惟石

新淦縣志

卷一地理志

水利

四

口堤決口甚多繪圖貼說稟報嗣署新淦知縣胡公傳釗接辦卽督飭該處紳民趕修總以一時難以集費無憑動工至十月臨江府德公馨奉署布政司平公步青轉奉巡撫劉批司實在民力拮据亦應體察情形於厘金項下酌量借給修費責成紳士承領次年秋收歸欸語甚諳切緣巡撫劉在江年久素嫻江省情形而於新淦尤爲洞悉蓋當其用兵於新淦也廣採其賢俊周知乎險夷與民情之困苦及水利之堤防皆瞭如指掌故於石口堤工尤爲加之意焉十一月臨江府德同署知

縣胡親臨履勘估工據情稟請借款卽蒙准允後紳民細詳籌畫以今年借修明年歸欸恐難如數清釐轉致有負上恩請仍照前辦理章程一面按畝一面勸捐八年九月知縣王回任據紳民之請稟復仍由石口地方紳民捐辦旋府委清江縣丞殷公以恕會同知縣王卽督飭紳民迅速開工并由縣先借給錢一百千興修亦卽開局勸捐傳集上下五都紳民等飭令趕緊集費修築於十一月初四日開工十二月十七日修竣計該堤自石灰窰起至新堤止加高培厚二百零四弓自新堤

起至天符廟下首止全修八十弓天符廟上首加高培厚三十二弓統計三百十六弓惟新堤處所最爲險要俱用石灰壘砌較前實爲堅固其餘低薄之處一律修補共計工費錢一千三百餘千其捐數僅一千二百餘千未收二百餘千仍由知縣王先行墊給以濟急工俟收齊後卽作爲每年修補堤工之費云時同治十年十一月記

石口堤工險要日切於懷舟中偶作

胡傳釗

勢欲倒狂瀾中流砥柱難防微搜蟻穴籌策禦龍湍憂
樂分三邑清江豐城頗有關係安危繫一官民瘼兼

國計莫作等閒觀

勘堤行

春江水湧桃花浪堤築金川誰保障不能思患預為防
此身愧作雲霓望劫餘中澤集哀鴻何日安瀾喜奏功
勢將決裂思沉璧其奈官民束手同

九重幸有澤加民許貸錢刀暫濟貧民謂歲輸且不足再虧
國帑負

新淦縣志

卷一地理志

水利

六

皇仁傳說有心施版築掣肘奈何額為蹙救災無策濟燃瘡
醫瘡誰肯先剜肉君不見前番賊眾起狂瀾東南半壁
城無完利害實同誰借鑒我今當作如是觀

按別邑圩岸多衝河澗頽塌率報官修淦所培壘悉
自夔田經官鳩役者十不一二

溪源流見山川志

棠公橋溪在城北石口溪在治北二十里峯岡秀溪在治南十里藍

陂溪在治西十五里逆口溪在治西十里坑口溪在治西五里坑東溪在治西

里

河源流見山川志

南河口 在城南 泥江口 在治南 金灘水 在治西

塘

一都原一都至九都

鄧家邊塘 共九十丈原 店背塘 長湖共七十五丈深 中

溪坪塘 原九十丈深一尺 文家邊塘 九十丈原二 楊峯塘

八十丈深七尺 原二都十一畝

二都原十六都至二十二都

黃家塘 圍背共六十丈深六 石潭塘 共七十二丈深七

畝 鄒家塘 門首共四十丈深六 廣頭塘 廣東共八十丈

新淦縣志 水利

都二 廣口塘 魯家山共七十丈深六

三都原二十一都至二十八都

水塘 韓水共六十二丈深四

四都原二十九都至三十六都

塘缺

五都原三十七都至四十二都

官塘 原三十七八

六都原四十三都至四十七都

格眼塘 共二十丈深五尺原 大塘 莒州共一百四十五

都三 金水塘 金水渡共七十丈深七 湖塘 湖萍上共十 尺原四十三都六畝

原四十四都 倉背塘 倉背共六十丈深六尺 大牛塘 共 五十一畝 原四十四都五十一畝

十丈深一尺原 羊塘 羊子隴共二十丈深八 白沙塘 白 四十四都六畝 尺原四十五都三畝

陵共三十丈深七尺 張家塘 張家壩共七十丈深六 魯 原四十五都三畝 尺原四十五都三畝

家塘 魯家坊共三十丈深七 堽背塘 堽上共七十丈深 八尺原四十五都三畝

三 傅家塘 傅家坊共八十丈深八 清潭塘 清潭共一百 畝 尺原四十五都三畝 丈深七尺原

四十五 白馬塘 有白馬湖橋共二百二十丈 徐二塘 楊 都三畝 深六尺原四十五都三畝

共四十七丈深七尺 廬墓塘 金塘共八十丈原 原四十七都二畝 四十七都二畝

七都原四十八都至五十一都

新淦縣志 卷地理志 八

陳家塘 共五十丈深五尺原 殷富塘 殷富共七十二丈 四十八都四八畝 深八尺原四十九

都一 饒隴塘 饒隴坑共九十二丈深五 洞口塘 洞口共 四畝 尺原四十九都二三畝 六十丈

深七尺原四十 九都七八畝

泉

一都

羊角嶺下泉 羊角嶺共七十五 羊角嶺泉 嶺頭共一百 丈原一都七畝 丈深五尺原

一都 窰前泉 鳥源共一百丈深 三尺原一都九畝

七都

陳坑泉 共六十丈深六尺原 四十八都四八畝

陂

一都

藤橋觀背陂

藤橋共十七丈深六尺原二都一三五畝

坦石陂

原二都十四五六畝

上陂與張公湖

共二十丈原二都二十畝

二都

印中陂

七十丈原十尺八都一畝

鹿胎陂

共五十六丈深六尺原十八都一畝

墟陂

共四

百丈深四尺原十八都一畝

牛陂

共五百丈深八尺原十九都一畝

門陂

門前共七十三丈深

七尺原十畝

大藍陂

原二都

二柘州陂

原二都

李萬陂

原二都

步陂

原二都

車上陂

原二都

新淦縣志

卷地理志水利

九

三都

大赤岡陂

原二都

小赤岡陂

原二都

孔城陂

楊家門首共一百六

十丈深四尺原二十一都五畝

韓水陂

門首共六十二丈深四尺原二十一都五畝

朱湖陂

韓水共一百九十五丈深六尺原二十都五畝

五石陂

原二十一都五畝

小辛陂

原二十一

都五

楊津陂

原二十一都五畝

大陂

原二十一都五畝

牢山陂

關王廟前共六

十七丈深五尺原二十二都

擔水陂

原二十三都

辛陂

原二十三都

李葉陂

原二

十二都

柘山陂

原二十三都

楊木陂

原二十三都

曾家陂

原二十三都

路陂

原二十三都

羅家陂

原二十三都

板橋陂

原二十三都

苦路陂

原二

十二都

觀史陂

原二十三都

小陂

原二十三都

大潭陂

原二十三都

挈汪

陂原二十白石陂原二十泊陂原二十黃家陂原二十

荷陂原二十野陂原二十兵陂原二十池岸陂原二十

酬陂原二十傍姑陂原二十規山陂原二十前耿陂原二十

水口原二開陂原二柘山共七十九丈深四石陂原二十四

歐陂原二十四樟陂原二十四矮角陂從東皂發源直

四都樓陂樓前共一百七十丈深鄧家陂樓前共七十

原二十五都澗陂原二十五苦竹陂原二十五黃土陂原

十五都黃竹陂共四十八丈深六尺洋湖廟前陂原二

都三沙陂原三十六楊家陂原三十六樟陂樟樹下共

新淦縣志

卷一地理志 水利

六尺原二十羅陂羅家背共一百丈原普陂普雙陂共

七尺原二十東青陂廟前共七十丈深三尺甘家陂原

七都一八早禾陂原二十七桑陂原二十七新陂原二十七

七都大石陂原二十七小石陂原二十七黃家陂原二十七

音徐家陂原二十七棠頭陂原二十七孰陂原二十七

上石陂原二十下石陂原二十荷葉陂原二十聶墓陂

原二十合陂原二十萬陂原二十西陂原二十楊家陂

園背共上十丈原四郡廟陂水自蘆嶺而下由觀音堂

八都五

四都

苦竹陂 陂頭共七十丈深六尺原二十九都 官陂 原二十九都 楊家陂 原二十九都

十都 鶴藪陂 原三十都 梘陂 原三十都 藤陂 原三十都 辛陂 原三十都

原三十 神岡陂 原三十一都 陷衷陂 原三十一都 獅戲陂 原三十一都

共七十丈深四尺原三十二都 烏石陂 園下共六十丈深六尺原三十二都 袁中陂 原三十二都

共九十丈深六尺原三十二都 橫村陂 橫山共五十丈原三十二都 園中陂 原三十二都

十丈深五尺原三十二都 塔下陂 原三十二都 羊清陂 廟前共四十二丈原三十二都

三都 趙家陂 趙家坊共四十丈原三十三都 朱陵陂 原三十三都 李公陂 原三十三都

四都 石落陂 原三十三都 蕭家陂 原三十三都 李公陂 原三十三都

新淦縣志

卷地理志水利

都四 蟹阮陂 原三十三都 長廣陂 原三十三都 何家陂 原三十三都

都四 鄒家陂 鄒家共四十丈原三十五都 石陂 陂頭共九十丈原三十五都

四都 原三十五都 黃陂 原三十五都 陷衷陂 坑十八丈深八尺原三十六都

都四 塔前陂 原三十六都 磊石陂 原三十六都 盧陂 原三十六都

五都 塔前陂 都四五都 磊石陂 都四五都 盧陂 六都四

五都 通路陂 原三十六都 冷陂 原三十四都 竹溪鄒

五都 磊陂 原三十七八 觀陂 原三十七八 黃豆陂 原三十七八

八都 檀木陂 原三十七八 東岡陂 原三十七八 大陂 原三十七八

九都 烏武陂 原三十七八 樟樹陂 原三十七八 梅竹

陂原三十七八 金陂原三十七八 劉家陂原三十七八

吳田陂原三十七八 張家陂原三十七八 竹陂江背七

八尺原三十七 吉陂原三十 記廷陂原三十 彭陂原三

八都二九 樟陂原三十 黃金陂原三十 慈陂原三十 稔陂原三

都 祭陂原三十 東湖陂原三十 盤陂原三十 龍潭陂原

十九 大陂原三十 神陂原三十 湘湖陂原三十 園下陂

尺原四十 都 一 二 丈 深 七 黃沙陂高墘下共四十丈深六

東溪陂東高腦共一百丈深 上樂陂共七十丈原四 鐵

鑪陂新市共七十丈深六 金水陂金水共九十丈深七

新淦縣志 卷地理志水利 十二

鄭家陂鄭家墘共七十丈深九 鯉尾陂鄒家源共八十

五 山下陂原四十一 針田陂原四十一 鄧家陂鄧家坊

深七尺原四 彭田陂原四十二 江漚陂原四十二 馬田

陂原四十二 上歷陂原四十二 唐姑陂原四十二 聶庄

陂原四十二 荷湖陂原四十二 傍姑陂原四十二 白竹

陂原四十二 長陂長江共七十丈深六

六都

李家埠陂原四十三 墓陂原四十三 陵上陂共七十一

都八 壩陂廖家岡共一百丈深六 曲管陂原四十五

八角陂 原四十七
都五畝

七都

上湖陂 原四十八
都四十八畝 楊木陂 原四十八
都四十八畝 疇陂 原四十八
都四十八畝

田東陂 原四十八
都四十八畝 梘土陂 原四十八
都四十八畝 曾家陂 原四十八
都四十八畝

羅家陂 原四十八
都四十八畝 婁家陂 原四十八
都四十八畝 婁家坊 共五十
七丈深七尺原

四十八都 廟前陂 共九十丈深五尺原
六十三畝 烏江陂 原四十八
都六

十三灣頭陂 原四十八
都六十三畝 石下陂 原四十八
都六十三畝 廣陂 原四十八
都六

共一百丈原四 瓦子陂 瓦子頭共九十丈深七
尺原四十九都一四畝 新陂 積

寺前共六十二丈深五
尺原四十九都一四畝 楊陂 楊二坑共九十丈原
折陂

新淦縣志

卷地理志水利

中洲 共七十丈深五尺原
園陂 社園共九十丈深七尺
原四十九都二三畝

橫山陂 橫田橋共六十丈深四
尺原四十九都五六畝 厚陂 橫田橋共六十丈
深六尺原四十九

都五 上荒陂 原四十九
都五六畝 伍伯陂 園竹共一
百二丈深

五尺原四十 何家陂 原四十九
都五六畝 水戴陂 荒田共九十丈
深七尺原四十

九都七 大橋陂 大橋共九十丈原
四十九都七八畝 下荒陂 荒田共七十
丈深六尺原

四十九都
七八畝

湖

一都

後長湖 原二都四
七八畝 店背湖 鄒家埭原
二都九畝 坪上湖 鄒家門前
原二都九

蓄
主簿湖 香爐岡右原 唐家池湖 唐家壩共一百丈深
灌洲湖 湖江背共七十丈深
八尺原三都八蓄

五都

鄭家湖 坪上共七十丈深一 洋澄湖 洋湖上共九十三丈深六尺原四十
二都六 熊家湖 園背共八十丈深一
八蓄 尺原四十二都七蓄

六都

蕭湖 原四十五 陂湖 原四十五 腰湖 原四十五 三湖 原
都三蓄 都三蓄 都三蓄 都三蓄
十五都 祠堂湖 原四十五 洪湖 原四十五 菱萍湖 原四
三蓄 都三蓄 都三蓄 都三蓄
都三 黃潭 原四十五
蓄 都三蓄

新淦縣志

卷一地理志

水利 十四

圳

一都

濠圳 圳上共四十丈深三
尺原三都五十蓄

三都

余家圳 余家巷共九十丈深 長圳 古巷共七十丈深
二尺原二十四都一蓄 三尺原二十四都

一蓄

四都

雙峽圳在治東錦潭水由獨龍泉分鰈鬚抱村而流明
羅洪先題云獨泉滾滾畱餘慶雙峽悠悠適雅懷

窟

三都

黃土窟

黃土坊共七丈深五尺原二十四都一窟

按事有一定而跡或微殊境有在此而各或居彼者此按圖索象不得以臆見逞也如水利中不無相異之處相其形勢大抵當日以都納圖輻輳未清第代遠年湮欲為反古又恐戾今不若仍其舊志以俟後起者詳考焉

新淦縣志卷之一

地理志

津梁

要津險阻行旅維艱徒杠輿梁王政所重淦當嶺越之衝扼虔吉之要肩摩轂擊絡繹往來安可使其臨流而返望洋興歎乎故設津以渡之成果以濟之亦王政之要務行旅所仰賴也因編津梁

界埠渡對縣治西門每逢贛江春漲濟渡維艱乾隆五十六年監生楊潢捐資建義渡船五隻至嘉慶十二年

新淦縣志

卷一地理志

津梁

撤止同治二年邑紳劉金碧倡捐督辦渡船四隻四年邑侯程公乃文添造官渡二隻以應差使嗣因經費不敷致有缺減同治十年夏王公肇賜徐公道昌兩邑侯因江水漲漫船少爭渡人多載重以致覆溺因與紳士共商議將官渡兩隻與西淦紳士朱夢槐等各殷富捐資生息及城內紳民行舖設法抽資造船四隻共成義渡六隻俟資息有餘擬再添造二隻無分官民公同普濟其水手工資造費仍由官紳行舖照章辦理永遠遵行此故兩邑侯之惻隱抑亦見我淦人之好義云

楊潢捐資義渡記

附

國朝 戴衢亨

予家庾嶺僑寓章門昔爲童子時侍先光祿公返鄉園省松楸舟過新淦其地水漲風狂濟渡者恒遭淹溺滅頂之凶心常惻惻迨乾隆壬子視學粵東道經金川古驛於途中瞥見望隆舟楫之額旁署臨江郡守姚爲國子生楊凝川題凝川者楊君名潢之別號也淦本閩粵噤喉自吉贛以下素稱險地城西門外有渡向係民修民弭緣舟子漁利遂多不測凝川憫其屢瀕於危立五渡協濟首嚴多載次戒遲留而每歲支費正復不貲卽

新淦縣志

卷一地理志

津梁

二

分田租各戶之半爲善後計起屋三椽於河干渡夫之所棲息而行者亦藉以避風雨焉夫解囊濟公任大責重在巨富尙有難色况凝川本無兼人之力乃獨肩斯任輸已所有以補一邑千百年所不逮計年則十有餘歲計緡則二萬有奇且於官書郵遞行李往來不費一公帑不取一民錢船免顛覆之危民有利涉之慶藉非惻怛爲懷勇於仗義烏克臻此古稱豪傑之士豈復有加耶欲識其人而

王事執掌未果行爲嘉歎者久之越十載予友劉十賓士爲

凝川兒女媼保薦來京以予樂道人善陳姚公贈君之
扎轉乞予言驀憶前事宛然在目予故欣然爲之記敢
曰成人之美亦聊以愜素心云爾

致新淦令宋我菴書

樊建義渡

國朝

姚任道

由金川驛渡河船檣穩固舟子馴良詢而知爲楊生凝
川所建也心頗善之章貢西來此渡最險每值水漲風
狂輒遭覆溺行者有言天下路難行莫過新淦渡楊生
義勇造船五隻分置兩涯僱工撐架於河干構屋三間
以爲風雨憩息又恐善後無術捐田若干畝取租以供

新淦縣志

卷一地理志

津梁

三

支費往來行旅不須一錢迄已數載稱利涉焉夫徒杠
輿梁王政所重輸己所有以補一邑之不逮洵人豪也
夫好善人之同心宰斯土者可無片語以獎勸之哉因
書望隆舟楫四字擬親表其間緣竟日長途車馬僣從
需人官吏紛來轉慮驚擾撥二十四金差人賫往祈
貴縣就爲鐫刻丹飾以示勸勉此關乎一邑利害之事
不可不圖修葺倘有聞風相感之士起而繼之則行人
更有厚幸也謹致書以聞

官洲渡對江爲南河口

藍坡渡在治南十里

泥江口渡在治南十里內通峽江馬埠淦治東鄉百數十里賈人販運稻穀必經此以達大江明邑令王立穀倡造浮橋尋廢明台州守楊爲棟記

泥江渡浮橋記

明楊爲棟

余祖僑蜀而家是清江距淦一葦可航往余諸昆遊淦者爲余言淦轄六鄉而江勢中分東四鄉土沃民逸鮮長慮西二鄉土瘠民勞多好遊會余通籍未叩其詳丙辰冬余以比部郎出守台郡台大中丞大初王先生實

新淦縣志

卷一地理志

津梁

四

爲予師其嗣紫芝君於余爲通家而剖符合淦甫暮年政通人和百廢具舉建浮橋於沂江津口凡長二十六丈爲舟一十九舡淦民賴焉父長陳彩曾接等走千里請記於余余進客問風土以證橋之利益客曰沂江發源自楓落橋逶迤二百餘里而注於江山谷之藏方舟而出則東岸一要津也沂所通處保介山谷其土沃其泉冽宜種秫者十六種稻十四秫堪釀而不登釜其值較廉遠商市秫者糜集淦邑鄉民賤五穀而貴金玉商至則傾廩以糶往往秫窮稻繼之彼卒歲之資兩稅之

逋弗顧也居積者又巧爲愆息冀彼竭我盈因以專利
往丙辰內積一罄荒月苦饑不逞之民至揭竿而晝掠
丁巳歲洪水復漲歲稔販者如故侯懲前車遣三老諭
之秭聽而貨稻有餘而載不踰境者亦聽而貨惟是閉
糴鄉鄰信駟僮而闌出遠方者法無貸以此懸禁猶有
蒙糶於稻而潛行者江水奔駛發不及撓乃聽三老之
策建浮橋控之時其登耗量其多寡察其稻秭雖有獨
賈不能越橋而飛渡也行之朞年民無滯積亦無露孳
富者爲惠於鄰至以家量貸而以公量收迄今網亦少

疏而民終不忍悍焉此酌盈濟虛之法民是以安而利
之余難曰兩河之民皆吾民而法有張弛者何客曰西
土之民安取餘粟以貨哉大江東注撼山麓而反激於
西稍漲則原隰皆鳧沒矣故西民多懸耜不耕而逐什
一於外擇畝之高阜者種稻計可供子婦而止其資斧
莫辦者它銍艾爲東人傭保垂橐而出囊秭而歸亦聊
以供餽粥往虔州之粟至西人實因其資及東人之廩
傾則又與西人爭糴而價益騰踊今東人取諸宮中恣
西人盈量而糴雖蚩蚩之民可抱布以貿則兩利之術

也而何疑於偏枯遂據客詞書之以質於侯客曰願少益焉余曰余蜀產也請言蜀事昔趙清獻鎮吾鄉重修萬里橋劉光祖作記欲其進孔明之勲業今侯告天心事如清獻淡薄甯靜如武侯余固無以益也無已異日沂水棠開雙飛鷄鴻而余宦轍偶至得憑軾觀焉當爲侯賦之侯諱立轂余大師中丞公冢孫

崇正志

車頭渡在治南二十里

楊家渡在治東南三十里今移

坑口渡在治北三里

新淦縣志

卷一地理志

津梁

六

城頭渡在治北五里

莒洲渡在治北十里有上下二洲明萬歷庚戌布衣謝敬惕會臨吉紳士疏募培樹植果資給義渡洲人耕種清沂渡在治北二十里

南岸渡在治北二十里石口溪口上通新淦下通永泰石口渡在治北二十五里對江白馬

新市渡在治北三十里對江曾家洲

大洋洲渡在治北三十里英佑侯祠前

上沙湖渡在治北四十里

婁家渡在治北四十三里

李家河渡在治北四十里橫河口內春夏水溢則循舟以達於郡冬水涸成路不假濟渡今其河築隄渡廢

蓮湖渡在治北四十里會丁家渡灘頭卽新喻入袁河饒家坊渡在治北四十五里卽硯子洲袁河

丁家渡在治北四十里屬官渡通衢

黃家園渡在治北三十五里

城口渡去藍坡一里

雙溪口渡有義船一隻路通撫建閩廣四都大坑李可

新淦縣志

卷一地理志

津梁

七

傳建造

蘭陵橋附迎春門內五水滌注聚巽蕭世建修

端平橋迎春門外舊名壕缺端平七年建故名

廣濟橋在端平橋上百步許俗呼顯濟道光十三年城

東周日藹重修

賓陽橋在賓陽門外洪武年彭忠孝修

知政橋邑人聶棠建宋淳熙十年邑令鄭卓題名嘉靖三十年重建俗呼棠公橋有上下二橋今下橋傾圮惟存上橋明少保曾同亨有記

知政橋記

明曾同亨

新淦治北一里許爲官道五達之衢故有棠公橋宋淳熙間邑人聶棠所建時宋邑令鄭公棗題曰知政顧俗以爲棠公云者蓋棠誼至高當年稱之今不易也其橋每春夏漲至橫流激射齧堤衝石橋爲之圯嘉靖丙辰晉江黃侯嘗修之隆慶庚午烏程李侯再修之每不數年輒潰則蹄輪頓阻行者病涉及萬歷庚辰漳浦蔡侯至時邑人屯畱丞郭大儒以好義勤施聞蔡侯造而請焉乃獨舉而力修之修而圯圯而修者至再迨丙戌漲

新淦縣志

卷一地理志

津梁

八

溢殊甚復大隕餘姚楊侯謂是必合公私物力共濟之乃可爰議勸貸於通邑之樂施者大儒視勸貸所入增助之殫力以襄事奈衝流卒莫能捍戊戌復隕後乃咨之匠石及耆艾之曉暢者僉云橋之故處急湍所薄漸靡弛崩易耳必舍其舊址移置堅凝之地庶幾有基勿壞也於是告之曾侯侯是之乃舉址式相其地營度經紀劃然有緒時候以人覲行郡署邵公嗣竟其業明年侯覲回銳意考成而大儒率作有虔庀事鳩工無愒畧乃經始於三十八年十一月二十八日至三十九年

五月初七日告成橋距原圯處若干尺廣若干尺袤若干尺父老習其事者具以告余余歎曰有是哉橋之竟成也閱數百年而靡底績勤諸大夫而未必集功一旦觀成於曾侯侯之嘉惠於民不既宏峻矣乎會有慷慨好義者賦事効績初終不替乃得堅決以規永圖甚矣肩任之勞也續終之毅也郭君可謂倡義宏施善成賢侯之德政矣君不恡施予好行其德所繕修邑里中者未易更僕數如鳳山余家圳相錯地土頻為洪水剗割田廬邱壠浸不可支君捐金庀材築堤迂迴百餘丈瘠

新淦縣志

卷一地理志

津梁

九

洿荒區遂成腴壤斯亦百世之利也余於橋成喜賢侯之有成勞而及郭君之好義遂援筆為之記

泉湖山房集

惠政橋在向明門外高四十七尺闊二十八尺長二十一丈起三拱上覆以長亭衛以欄楯元符三年建蘇軾書石淳祐乙巳修乙亥復燬明憲副周謨記順治丙戌兵燬邑令高檠重建

蘇軾字子瞻眉州眉山人父洵母程氏嘉祐丙申舉進士二年試禮部以春秋對義居第一殿試中乙科主司歐陽修曰吾當避此人出一頭地元祐八年任端明侍

讀大學士紹聖甲戌落職知英貶惠徙儋州元符三年
更三赦十一月北歸新淦謝舉廉官吉州司法叅軍袖
書謁軾畱語終日軾度嶺時肩輿折杠寄詩求竹於龍
光寺僧云斫得龍光竹兩竿持歸嶺北萬人看竹中一
滴曹溪水漲起江西十八灘至贛一夕大水沒石遂及
廬陵按軾年譜建中靖國元年二月由虔過吉州謂舉

廉曰此吾龍光詩識也次新淦淦人礎石橋成聞軾至
將謁尹時南康張好古尹淦老幼千人聚立橋側請橋
名就舟中書惠政橋字與之淦人始退字畫差褊小不

新淦縣志

卷一地理志

津梁

十

似晚年書蓋當日迫促而然耳獨醒雜志

惠政橋記

明周謨

吾淦治之南有溪焉舊有木橋跨其上橋當山溪之吻
春夏暴溢壅不得洩橋輒就圯宋南康張君好古爲尹
時礮巨石涸溪坎沙疏爲三道壘臺成梁覆以屋東坡
蘇氏見而異之題以惠政蓋自是橋無大患而民思張
君之惠成化紀元大江以西歲被水害而是溪之溢若
有鬼物憑陵其間者橋復大圯民益苦之明年令尹陽
翔黎君僖簡命來治於茲邑惻然憫憂曰茲橋弗緝是

重吾民困也首捐己俸又儲蠲糧綱羨餘不經之費得
緡錢若干而邑之耆民感君高誼募緣富室咸樂推資
來助時維乙巳之秋君聚財鳩工得以農隙從事於
是民皆歡呼趨赴琢石掄材撤其舊而更新之甫兩冬
而工告畢方黎君之始圖茲役也屬時多艱公無芥藏
民方待哺多皆難之而君經畫有道卒以成功上屋下
梁視舊益壯乃知立事惟人而今之人亦未必不古若
也君以是歲滿秩得代當去僉謂不可無言以志其事
唯古之君子勤恤民艱苟可利民無不爲者君以廣南

新淦縣志

卷一地理志

津梁

十一

世胄起家科第慈祥豈弟洽於民心嘗宰增城去而民
益思之茲來淦凡可以利民非特茲橋之修也新學宮
繕城櫓事無大小罔不究心殫力用副民望然則吾淦
之民向之所以思張君者安知他日不大爲吾黎君思
哉昔東坡蘇氏有言仕不擇官而喜從事天下無足治
者君行當大拜使持是心以往則其所以覆被民生者
顧豈特一橋一邑之利哉余故弗辭而爲之記若是橋
之廣袤尋引與其規制之詳則有故西溪劉先生之記
文在茲不贅

東臯集

重修惠政橋記

國朝 王雲煥

治南爲往來四達之衢列肆而居刻日爲市布帛菽粟
竹木陶冶諸物胥聚於是溪流縈帶東南諸水交會之
處長橋橫亘創自宋代張尹名曰惠政 國朝康熙甲
午重修葺之復遭衝決三拱僅存其一春夏水漲迅駛
不可方舟行人咸興望洋之歎廖君柏堂心維久之歲
壬午沿岸倍加海礮水勢殺而橋墩乃固鑿山輦石必
厚必堅砥之平而琢之方排比鱗砌中邊罅縫灌以灰
油鈎匝連綴上覆陶瓦始事於乾隆乙未秋凡四閱月

新淦縣志

卷一 地理志

津梁

十二

而工竣廖君馳書囑余爲之記余以桑梓受庇人之德
君我豈異情夫工役之興患於無其勢患於非其人
其人矣有其勢矣而又值秋水方落之時積年保固之
力宜其舉重若輕計日奏績也樂善之忱人情不甚相
遠度量相越廖君之才德殆不可及哉遂忘其固陋不
禁有言也是爲記

重修惠政橋及造橋亭記

國朝 楊侃

淦城正南爲向明門澹湘之水自東繞城而西入於江
有橋跨水上曰惠政創於宋元符三年蘇長公北歸題

刻可考也今康熙癸巳大水橋北右趾頽焉僉謂來年
泛溢再加衝觸則全橋可慮又謂補治卽完不構亭覆
之亦非善後之策是此舉吾淦亟務也邑侯王公加意
撫循每念及斯橋尤以萬人利涉爲惠政之大端捐貲
倡導修舉仍屬紳士督成之得邑明經劉君時行王君
鹿賓邑文學鄒君懋功干君步之陽君祖叔慨然捐橐
金爲助余上承仁風下揆衆志知斯役之可興而立見
其有成矣其間耆老勸首勤敏勩事於是先治西北之
頽墩繼聳全橋之石面終建蓋橋之亭屋始於癸巳之

新淦縣志

卷一地理志

津梁

十三

秋迄於甲午之春數閱月而功畢趾琢石而倍堅梁聳
石而如砥架屋左右二十間波映翠飛簷聯鯨甲幾與
昭武之文昌盱江之廣濟稱伯仲焉費白金一百七十
兩遂使往來稱便以視夫佞浮屠法設黃冠供糜費不
貲銷歸無有者不大相逕庭哉其捐貲之多寡姓名則
別勒一石以示來茲時康熙甲午夏四月也

通遠橋卽小石橋去惠政橋百餘步東泄流桂湖水嘉
靖年間重修邑知州吳潮記

國朝嘉慶元年重修邑歲貢董逢昌復記

通遠橋記

明吳潮

吾淦治西南一里許當官道之衝有橋古名通遠今俗爲小石橋南來一水東折百回曰九曲陂北滙爲桂湖乃橋上流所受也西會惠政橋一水合流而入於南河乃橋之下流所歸也在常時春夏之交雖贛水連天洪濤拍浪亦不能爲橋害惟山灣東出洋湖一水不循故道頃刻湏高尋丈奔騰澎湃雪噴雷吼直趨小石橋而出故一壞於成化再壞於宏治有礙經行甚矣當時有司恬不爲意惟苟且木橋而已雖有附近耆民勸助緡

錢兩修石橋畢竟工不合度終罔克濟故今年夏五月山蛟復出橋亦復壞無足怪者時適我府夏侯來署縣事因過予輒議橋事余恐超遷伊邇應以搭木亦便侯曰歲久易朽何如石堅況王政一事有司急務謂非余之責乎卽日疏巡按御史沈公亟嘉其請遂命工修理躬自省視趨事者有如子來一灰一石措置有方一土一木區處得宜用之以盈財而不重其歛役之以暇餘而不妨其力經始於季夏落成於仲秋眞偉績也昔趙清獻公鎮蜀重修萬里橋成命劉光祖爲記欲其進孔

明之勲業而并髣髴其行事潮亦欲以光祖之望清獻公者而望侯俾厥功名垂乎萬世媲美前修不徒子孫之食報已也侯名時中字寅之別號楚濱湖廣黃岡縣人判臨江府事

隆慶志

修小石橋碑記

朝國董逢昌

凡事有難緩而功在所必全兩相值又兩相迫心乎善者所爲起而任其難也南門外約百餘步許有通遠橋與惠政橋近其工石差減於惠政故俗呼小石橋鄉城之貿易郵傳之往來悉匯於此橋之東谿壑迤衍橋之

新淦縣志

卷一地理志

津梁

十五

西大江綿亘乃利於過客而又病於波臣也乾隆四十八年首春多雨連旬弗休江濤內衝溪流外決雁齒朱欄交沒於洪流巨浸南郊諸君子病之募金倡修事竣欲勒石以誌歲月而經費不克雅相商確議存餘以俟生息作補綴計遲之十四年同心綜理稍能展布橋面加添灰石橋道平其欹傾可謂維懷永圖有初有終者矣興工於嘉慶元年二月成工於仲夏五月橋墩下脚東角與西方三隅其土赤色堅緻南向會真堂插松椿松板約長數尺其深陷無底并記以告後人

瓦橋在治東南七里

黃竹橋在治東南十里

神政橋一名龍門橋在治東十五里有亭何昭五建道光年間蔡學川等重修同治戊辰楊承震等勸捐復修
滑湘橋在治東二十五里碧流潺湲澄練如帶蕭克良有詩

滑湘橋

明蕭克良

裊裊青絲拂釣竿清風透骨水雲寒醉來一枕蘆花月
千古滑湘一碧灘

新淦縣志

卷一地理志

津梁

十六

習隱滑湘弄釣竿幾經風雨不知寒問渠雲水煙波事
夢寐嚴陵七里灘

東江橋在治東二十里城東捐職州同于學桂重修

靈鄉橋在治東三十里東陳建

楓落橋在治東六十里

普濟橋在治東六十里

拿埠橋在治東南六十里

黃家橋在治東黃仁律修

瓦橋路亭大平鄉下團國學鄒魯邑庠鄒勳建

神鎮橋鄒魯鄒勳建

有亭

南津橋在祥符觀前舊名絳橋後廢崇正庚午邑孝廉
陳志泰修復圯

國朝嘉慶辛未監生李學優重修

中溪橋在治南十里錢家江口道光六年洋峯監生張
聖禮重修礎石三拱長六丈八尺闊一丈二尺

桁橋在治南二十里

秀溪橋舊名石砌秀溪之水經此故名

館市橋在治南四十里卽楓陂今屬峽江

新淦縣志

卷一地理志

津梁

十七

富春橋在治南十五里孫家坊

官路橋在治南十里孫氏建

李仁橋在治西五里邑人李仁建

大橋在治西三里章岡李仁建六七都通衢

廖墟橋在治西十里

聶家橋在治西界埠

湖田橋在治西南五里邑人饒翼之建

坑口橋舊在治西北八里當舖道水衝嚙半圯天啟丁

卯邑令周文允暨貳守徐鳴臯先後改修移稍東數武

建亭橋畔更名平政亭邑水部郎聶心湯記崇禎壬午
陳令以運復鳩工磊砌有記

國朝順治間潘令岭重建乾隆間周尙禮重修道光二十
四年本里楊垂裕因洪水衝破鳩工磊砌橋面兩旁加
砌石墩二座

坑口橋記

明聶心湯

繫新淦衝途也居豫章之上游其舖遞由醴陵橋抵界
埠渡江入城道里紆迴一舍而程倍之故往來絡繹者
咸取便於坑口之橋徑抵津渡遂爲周行云然揆厥橋

新淦縣志

卷一地理志

津梁

十八

所自始僅僅木梁但堪徒涉耳有婺婦訟冤於官乘籃
輿經此值水溢木朽幾溺焉乃祝天曰官若直吾訟當
易以石以垂諸永遠無令行者卻步也後令果直之歸
卽出橐儲庀材鳩工克遂厥事計其時丁世廟改元初
年考其人乃金灘士族盧氏婦黎也天牖其衷獲完勝
果可與巴清臺爭烈矣百餘年來世遠石欹矧坑口章
江支流霪霖時集水勢迭湧奔騰橋漸崩圯而兩畔隄
岸有泐有坼語云千丈之堤壞於蟻穴萬木之林焚於
鑽燧積漸使然也而淦民病涉商旅倍苦無告焉會浙

西周令君來宰茲邑甫下車輒詢問閭利病政通民和百務畢張一旦過經坑口目擊橋傾五中惻然欲捐俸購備物料邴邴而舉也時迫於覲行弗遑經始計圖返旆而有事適少府徐君來視邑事加惠斯民議重建橋於江口與周令君蓋不期而有同志焉爰始爰謀奮然伐木累石鼎新之而且捐之以俸資而且助之以贖緩而且廉之以物料隨委尉周煥章董其役二閱月而就緒者十之五今年秋令君旋少府又攝郡掾矣令君聞是舉快初志之可酬盡出金錢期速於成藉鄉薦紳寮

屬士民相資樂助而畚鍤具徧揀之陬陬俾石梁歸然跨流遂成濟世津梁而隄岸之泐者圻者甃成鉅實比舊制稍廣功倍於昔復念往來繹絡奔罷罔逸創亭於橋之傍而顏其亭曰平政俾行人得於雨暘寒燠之時稍憇息之暨夏秋而慶落成矣嘻噫徒枉輿梁王政首務興濟溇洧也譏焉此非少府與令君同心不難慮始也而得適觀厥成如今日哉茲役也舉不再籌任不岐指不煩一胥牒不聳一里旅而今日之車馬馳驟轂擊肩摩紛紛藉藉若履康莊兩君擘畫真可爲世法矣

其事始於春告竣於夏之季鄉父老子弟相率徵言於
余時余嘗履此橋嘖嘖誦少府令君之顯伐不置焉因
而推廣之獨一橋也歟哉遂書而恭紀其事以宣揚休
德永昭來禩俾世世毋忘周行之勞也徐少府諱鳴臯
直之太倉人令君周諱文允浙之永嘉人督修尉周煥
章丹陽人並書以志不朽云

崇正志

重修坑口橋記

明陳以運

淦水之西舊有平政橋距邑八里許蓋崇正戊辰間前
令周侯暨署掾徐少府所修築也橋之旁小構數椽顏

新淦縣志

卷一地理志

津梁

二十一

曰平政以待行者憇息焉閱今甫十五稔淫淋瀑漲衝
石嚙梁忽折其東北之半僅有蠶叢一綫以通輿馬行
者危之顧橋之延袤不廣而爲江廣噤喉輪蹄絡繹日
無甯晷且土人耕牧於茲南東其畝尤朝夕是徑而下
臨深塹不免有性命之憂余仲冬一再過其地輒怛怛
有動曰此長吏責也嘗考之周禮司險知川澤之阻而
達其道路先王之教有之雨畢而除道水涸而成梁蓋
徒杠輿梁亦君子平政要務釋今不治東作將興春漲
爲患必無及矣獨念今日者長吏之所爲極難耳水旱

相仍鳴鴻蔽野公私匱詘已極重以寇賊交訌所在見告呼庚呼癸霆擊風行而吾復興土木爲吾民累無重困與時詘舉羸民艱可念於是出薄俸及鍤金進二三耆老而與規度之庀材鳩工刻期率作蓋不欲以一木一石擾井牧事也乃此中好義者率慷慨勤施佐所不逮或捐貲財或殫筋力或見聞贊嘆率無弗翕然從事不累月而告成焉豈淦人尙神崇佛事輕財樂施其素所漸被然耶是役也工視昔加虔石視昔加厲橋之前益以分水之砥體視昔加固而亭視昔加飭不惟一時

新淦縣志

卷一地理志

津梁

廿一

之民可無病涉其自奕世而下式嘉賴之矣昔李冰導江苦水患刻五石犀鎮之誓曰淺無至足深無至肩而水患寢今卽不能爲鎮水之犀而龜浮雁齒飛梁巋然當不至如向者之歲月浸圯遽崩折於淫淋暴漲中也顧余雖經始其事然而輸誠赴義踴躍子來畚鍤如雲經營不日俾余得與父老輩遙觀厥成則居民之力爲多余長吏其何有焉維時相助爲理者廣文傅諱永慶裘諱之華周諱爰謀衙佐周諱福政談諱濟蔡諱邦華代捕陳諱光翰驛丞楊夢鯉並書以垂不朽云

崇正志

土橋在西鄉坑口上溪先是架木積土成橋道光甲申
杜元盛惟珍倡修石橋費千餘金咸豐丁巳會首杜福
清重結橋面

湖東橋在治西北八里

楊家橋在治西北五里大學生廖發端建

清湖橋在治西二十五里白馬蕭祠建

黃潭橋在治西三十里輞坊地方

聯濟橋在治西十五里一在渡頭邑人黃國瑞建

通津橋在治西二十里長簿地方廖莊記

新淦縣志

卷一地理志

津梁

廿二

長簿修建通津橋記

明廖莊

新淦長簿距大江里許有溪爲四方道路之衝其流甚
駛正統間里人嘗成輿梁以濟之雨淋朽而漲漂不知
其幾更矣天順壬午鄉之諸君子相與謀曰橋當邑孔
道往來者多建以木易毀壘以石斯堅但經費頗大殊
非獨力能支且董率不得其人則亦渙散無屬於是衆
議以廖君孔蔓等爲首各出勸捐詣普安寺屬淨極上
人貯財總理而遠近樂施俱無吝色甫旬餘獲錢若干
爰命石工相其形勢甃石兩旁立二墩以破水作三拱

以便流自出水至轉拱處重疊相貫如環而固拱面皆砌以石如砥而平其長若干丈其廣若干尺經始於是歲之二月訖工於成化元年乙酉之十一月煥然飭然其堅樸可爲久遠計蓋自近村居民以及四方上下商賈宦遊者莫不樂斯橋之建而免於病涉也因題之曰通津而立石以紀其實郵書來京徵文於予予惟修橋梁以濟涉王政之大端也爲有司者尙鮮克舉今諸君子與上人獨能捐己貲厘己力而爲之是可謂能爲人所不能爲而足食報於天者嗟夫天之於人惠迪從逆

新淦縣志

卷一地理志

津梁

世二

吉凶應如影響昔人有編竹爲橋以渡蟻者猶膺殿元之選况諸君子與上人發財聚石造橋濟人豈無所以獲天之報乎易曰積善之家必餘慶信不誣哉故凡有功斯橋者悉載其名於碑以垂不朽而並徵厥報之無窮也予素樂道人善遂喜而爲之記

昭忠集

北門橋朝天門外濠上居民積塊填壅邑令劉拯疏治

見城池志

金水橋在治東北三十里

望仙橋在治北方門口舊名小石橋韶州大守方信儒

建

升岳橋在鳳凰山下東岳廟前久頽康熙三年復建

鵝頸橋在治北二十里

洪陂橋在治北三十里

灌溪橋在治東北十里

維摩橋俗呼夷婆橋在治北三十五里咸豐四年李學

孔鄧洪勳等倡修邑侯姚體備有記

重修維摩橋記

國朝姚體備

距城東四十餘里有洪水橫流險津春初因公過此見

新淦縣志

卷一地理志

津梁

廿四

洪濤泛溢波面寬踰數十丈乘輿涉水行人嗟歎顧問
何地僉曰維摩橋問何在曰久傾圯噫通衢要路都人
士竟無好義修復者良可慨也洎五月初有鄉耆周建
輝龔福祖呈稱集費勸修此橋閱之不勝色喜因給示
曉諭勸捐興修六月間復因公過此親見石料壘砌工
匠紛紜期於有成矣不數月紳董李學孔鄧雨棠告余
曰橋隄工竣需費約三千金礎石工堅永久可固囑余
記以垂不朽當是時余以內艱解篆矣雖僂然衰經之
中誼何能辭夫杠成梁成月令編紀山國澤國商旅攸

關茲幸覩此病涉之民同遵蕩蕩平平之路謂非此橋
之力也哉詳此橋自乾隆戊寅龔元人倡修邑進士王
曉園御史爲序鐫碑嗣經龔之蘭等屢修屢廢迄今近
百年矣前後異致風景頓殊而都人士之期許一呼羣
工丕振遂使舊蹟聿新安在古今人不相及也至今修
建石橋三礮接築石隄四十餘丈隄內築土隄數十丈
以禦橫流兼甃石路二里許以便行人可謂盡善盡美
一勞永逸超軼前人者矣余以守土之責竊意御史遺
意綴數言以表揚之庶不沒都人士之盛舉云

新淦縣志

卷一地理志

津梁

廿五

藍橋在治東北鄧元秀建

文會橋在治東北三十五里邑人黃文會修

板埠橋在治東北四十里

平津橋在惠政橋南

蛇坑橋在治南三十里

步橋

藤橋縣南十五里

藤橋一作桁橋十五里一作二十里

石砌橋卽秀溪橋所改

藍步橋

鎮江橋在五都桃溪康熙五十四年邑文庠鄉飲鄧攸
慶倡修

溧江橋在五都溧江市乾隆癸卯李芝華芝芳捐資重
修嘉慶庚申貢生李嘉棟捐修道光三年合鄉重修

金橋在五都庄里乾隆丁卯貢生李如炎捐建

長春橋在四都七琴乾隆丙子洪立人洪朝宗捐建淦
教諭章文性序序闕

楊門橋在一都駝源乾隆四十一年監生劉宗顯捐建
龍江橋在一都龍江嘉慶三年監生劉宗顯捐建

新淦縣志

卷一地理志

津梁

廿六

曾家陂橋在二都會家陂墟嘉慶庚申舉人陳曰芳倡
修重建奉新教諭程世鎮記

重修曾家陂溪橋記

國朝程世鎮

事成一日而利及後世始於一人而功施有衆橋梁其
尤也然非仁人君子具至誠惻隱之懷肫摯於中未易
勝其任之鉅而底其績於成也余性癖好山水遊甲子
春詣孝廉陳香畹先生相與步於曾家陂時春水暴漲
湍急奔騰見有橋之高而固者長約十餘尋兩面欄杆
坦若大路然羨其安穩轉慮其迅駛風雨剝蝕胡可長

久也香畹乃矍然曰余固籌之久也出趙侯捐金募修之引先生剏修善後之方以爲木之樹也計十年其爲物也當如之今有店業若干田業若干以一修之費積十年而無不足是可長久也此橋未修以前遭顛墜滅頂者不可勝數今無失足矣橋不廢則所全者不亦多乎余聞而深嘉之士君子讀書明道大則化行天下小則善孚鄉黨利當時澤後世沒而名稱亦足比古人立德於不朽先生掇高科後以教學啟來彥居里閭力行善事應之者如桴鼓是可知仁人君子之用心自茲以

新淦縣志

卷一地理志

津梁

廿七

往千百年稱利濟卽千百年知有先生其造福不旣無量哉余樂善而爲之記

橫田橋在七都橫田陂嘉慶庚辰監生陳清汪等倡修

東陂橋在七都東陂嘉慶庚辰監生陳清汪等倡修

石龍橋在六都垵頭嘉慶丙寅任日忠等倡修重建

賽口壽母橋在治外二里嘉慶二十一年陳受祿捐修

尋圯陳孫氏嗣修

潭溪橋在四都錦潭村衢通撫建道光壬寅大水被傾同治庚午聶姓砌石重修橋上邊一洲縱橫里許下邊

一洲長八九里廣四五里週圍苗蓀竹木森嚴有古株
六十數圍者藉爲保障旁一夾洲砥柱中流
黃土橋在七都下荒陂邑廩陳權等倡修

坑東橋在治西北八里先是木橋康熙年黃土延創爲
石橋

壽星橋在三都水口峽泉耿陂上訓導楊勳楊燮文學
楊燕耆老楊煥捐建

文昌橋在四都竹溪村右通撫建同治丁卯年重建亭
中立文昌聖像

新淦縣志

卷一地理志

津梁

廿八

福成橋在四都金堆蕭公廟前撫建通衢道光甲午鄧
光德等倡建同治甲子光德之子建績倡修

大盤溪永清橋在四都大坑路通撫建閩廣節孝鄒氏
李如松之妻於道光九年取石修建

會緣橋在治東二十里麥市咸豐甲寅年曾爲楨等勸
捐重建石橋

塘橋埠橋在五都新墟道光二十五年職員李學孔倡
修副榜劉狎有記

三塘橋在五都龍溪勘上鄉蔣愈慶修

萬春橋在五都四圍橫塘

濱湖橋在城西三十餘里濱湖由三湖至白馬上淦大道其地低窪難行同治九年同知銜朱夢槐倡修沙河口石橋道光四年灣頭職員劉桂昌修

新淦縣志

卷一地理志



津梁

廿九



新淦縣志卷一

地理志



古蹟

蹟以古名景前修也上淦越邑名勝最久山川城池而外地以人傳指不勝屈彙著於篇雖不若徐亭蘇圃名重西江而陶之讀書臺韓之旌忠莊練之待月樓十才子之流觴曲水石亦足為後賢發奮之資供學士文壇之用因編古蹟

漢

新淦縣志

卷一地理志

古蹟

一

上淦地在淦水上曰上淦韋昭注上淦越邑前漢地理志豫章郡有新淦縣淦水所出一曰淦泥也

說文

石陽廢城在玉笥山之仙居里遺址尚存

名勝志

按明一統志石陽東漢置縣屬豫章郡晉屬廬陵郡隋省入新淦

晉

讀書臺陶侃讀書處距縣東門里許為百花寺舊傳晉

時陶侃讀書處

各勝志

洗墨池在城東百花寺側陶侃讀書臺其下曰洗墨泉

化梭亭侃微時漁雷澤得梭懸壁化為龍去

名勝志

按舊志讀書臺在治東百華寺左嘉靖間尙書王英
爲記化梭亭在侃母墓側洪武初重修張九韶爲記
國朝順治甲午撫軍蔡士英訪陶公遺跡檄縣宰潘岭及
胡之琳修讀書臺分守道祖重光施閨章司李施維
翰記前明胡儼及諸各有詩

新淦讀書臺記

明王英

新淦百華寺之左其地隆然而高地志載晉陶公讀書
於此後人名曰陶桓公讀書臺其前金水如帶其後玉
山高峙左右則百丈閣皂諸峯環拱森列近臺有小池

新淦縣志

卷一地理志

古蹟

一

水清而味甘曰洗墨池覆之以亭水色黑則邑出賢者
洪武間水黑都御史練公繼以少保金文靖諸公出焉
士之有志者多講學於臺之上寺僧法曇構屋於旁以
居之正統四年江西按察司副使石公出俸錢命法曇
大其居後十年法曇之徒洪福與其邑士傅德修來請
記晉史傳陶侃本鄱陽人後徙潯陽父仕吳爲揚武將
軍侃以范逵薦起家樅楊令累官至南蠻長史江夏大
守率兵討蠻寇所向無敵尋以平反叛建立勲績加征
南大將軍遷都督荆雍益梁等八州諸軍進侍中大尉

封長沙郡公卒年七十有六諡曰桓侃雄毅有權畧剛果善斷決仁而尚信恭而有勇當時稱其機神明鑑似魏武忠順勤勞如孔明子十七人善繼其志侃之始終蓋如此或謂侃家潯陽然侃母墓又在新淦其時淦又屬潯陽且侃敷歷四十餘年往來於淦臺其所經遊也與宜其名久而不泯也嗚呼有功德者必有其名千載而下人所尊仰若侃之功勲固足以垂名無窮矣况臺猶存乎臺之居可無也而石公拓大之欲士之學於茲者皆如侃之立功立名也乃爲之書石公名璞歷工部

新淦縣志

卷一地理志

古蹟

三

尚書

隆慶志

重修讀書臺記

國朝祖重光

昔賢有可得而師者方規懿矩亦在乎言亦在乎事踵美增華異代合轍故往蹟雖湮時寤瞻其盛概典型動中莫之敢斲此乃志氣之感符有所自同情有所由召也江州刺史士行陶公未遇時隱釣淦江傳織梭化龍之兆後人大公之烈竒公之祥尊公之學爰建化梭亭讀書臺年遐代革荒於荆榛三韓蔡公督撫江省惠民阜俗蕩寇奠疆之暇凡若各勝咸飭修舉如滕王閣白

鹿書院等處胥僉而更新之

天子庸功懋績晉公淮門以總漕政上元之吉征車旣駕予
祖道彭湖公引手曰讀書臺隸洪州久圯不治耿耿不
能釋懷予捐金以爲諸君倡幸勉成之予因亟訪遺址
披刈草萊襄事者臨江守胡君允戎捕渠君淙海興屯
郭君中都別駕紀君鏞司李施君維翰新淦令潘君岭
摩厲鳩工不踰月而峩峩鼎構焉議者快此舉請鐫石
以示訓屬予一言爲記予思士行當東晉之囂王敦蘇
峻陸沉區宇公康濟時艱奠安廟社今蔡公匡父豫章

新淦縣志

卷一地理志

古蹟

四

亦觀金王變後餘孽莽伏悖悖王蕪乃決策折衝次第
殲復十三郡擴清再造兩公之勲伐並昭青史揆考素
履總惟卓識天授偉才性成而淹古綜今博洽邛索典
墳千載如一故能揆方比類疏通知遠上自星緯山川
兵刑農教茂不修晰貫徹以是文治武功出必有獲蓋
良材不治不爲器盪金璞玉不礪錯不利用功業本乎
性靈性靈成乎學問兩公之建豎碩而且宏其淵源固
有自也予雖不敏而窮經擷史憤悱有年由今言之猶
自悵悵靡及桓公機鑿如魏武忠勤如孔明居恒惜陰

傲怠敬小慎微念茲在茲釋茲在茲而蔡公茂烈旂常
駿名竹帛尙且景行往哲每羹墻之觀颺矧予職忝藩
翼民瘼憂危得不聞風興起乎是役也以竣蔡公之命
實深企兩公敦勉之懷更以勸後之登此臺者疊疊繩
繩罔攸倦焉庶有當乎繼往開來之旨矣

陶桓公讀書臺記

國朝 施閏章

淦城東百華寺側有陶公侃讀書臺其下曰洗墨泉亦
以陶公名予按部至淦祭練公子甯祠已迺策駑而登
望焉其寺荒寂若無人洗墨泉甃爲井獨其臺爽塏冠

山椒左引城郭下俯贛江而背枕東山萬嶺參錯蟠結
南接於峽蓋練公之故里也於時嚴霜旣降霽日斯和
叢菊丹楓照耀巖谷水西居人煙火斷續迷離所謂百
丈峯者杳不可卽而巍然在望臺之勝以是焉具按陶
公鄱陽人後徙潯陽誌載其母湛爲淦產或偶過外氏
遂畱讀書耶公嘗運甃投博具自言當惜分陰度其執
卷陳冊時志未嘗須臾忘天下也卒之奮跡艱難數以
偏旅當大寇在軍四十餘年招攜懷遠破滅羣醜節鎮
八州拜大將軍劍履上殿而謙退固讓及其引疾遜位

歸符節幢蓋於朝以功名終史訾其擁兵上流常有窺
晉之志以折翼之夢而止夫舍其平生行事而以夢掩
其大節是孰徵而就信之哉是說也前人論之詳矣余
不必深辯臺東北四百步山谷間爲劉次莊戲魚池隄
崩水涸戲魚臺石刻不存而土人言其魚善鬪絕異常
魚春夏間尙有之嗟乎以練公之忠生於淦邑過其里
者宜無不憑弔若陶公不過偶至其地耳其遺蹟與次
莊石刻同歸蔓草而後人每流連不能已然則其人之
礫礫者雖名園別墅雄踞都會不移時而零落榛莽苟

新淦縣志

卷一地理志

古蹟

六

其賢者無論其生長之故里卽凡偶焉遊憇謫居之所
閱千百年荒陬窮谷其流風遺韻追慕之不衰余登四
望愾乎有奮興焉書以遺後之君子

重修讀書臺碑

國朝 施維翰

晉大尉長沙公陶侃字士行謚桓鄱陽人有大功於晉
室明羅大史倫祠堂記所稱謙勤忠恪雄毅明敏臨戎
齊肅招來懷遠所向克捷殄滅羣醜皆實錄也至於誅
滅蘇峻威懼石勒其德澤功業被於桑梓者不勝書故
所至咸俎豆公淦邑雖褊小有墓有祠而讀書臺者又

公依外氏於斯是卽綺歲惜分陰欲致力中原而以逸
游荒醉老莊虛無爲戒時也公卓樹竒勳宏濟斯世史
稱機神明鑒似魏武忠順勤勞似武侯則斯臺也匪卽
商霖之傳巖飛熊之渭水也耶惜乎蕩於冷風圯於榛
莽久已孝昌潘侯吟以葺學宮之暇首捐俸餘以鼎新
之經始於甲午之冬落成於乙未之夏屬余爲記乃援
毫紀其事復繫以詩五馬渡江王氣回神州陸沉新亭
哀同氣相殘禍已媒坐使五胡接踵來東南一隅志已
灰東門一嘯聲如雷稱雄割據飛狂埃窺伺神器遍八

垓蘇峻劣乘真駘騰嚙奮迭生民灾玉帛子女利家
財江楚震撼驚輿僮太真拊膺元規猜稽首下拜推竒
才桓桓大尉實楚材匡扶晉室祛蒿萊數千餘里煩啣
枚南陵白帝氛塵開道不拾遺功崔嵬懷柔威遠能招
徠長驅電掃勲懋哉襄國君臣心膽摧手織馮鐵平黨
魁木屑竹頭紛成堆束檎莖柳憑取裁藉令永嘉使調
梅身列九棘升三槐師昭虎狼天網恢何至執蓋行酒
杯咸和若用登三台李雄授首趙業頽棟樑棄置尊土
坏偷安視息江之隈白板不靈馬足禮餅傾可恥貽尊

疊長沙胙土背已鮎四十一載深栽培急流勇退離瀆
洞脫屣方鎮如驅埃少年英銳洵騁駿湛母成就真聖
胎借庇外氏依於部分陰可惜從嬰孩讀書萬卷登斯
臺少壯努力木有荻秋霜皜皜白日皚千年古蹟生青
苔潘侯踈踏淚盈腮重新輒璧漆灰点採蘅擷芷倒春
醅吾今弔古獨徘徊爲侯三酌手中盃象江玉筍何毡
璁乘風汗漫凌九陔

讀書臺

宋謝諤

莓苔點點路層層此地分明勝槩增天上樓臺山上寺

新淦縣志

卷一地理志

古蹟

八

雲邊鐘鼓月邊僧青松鶴弄飾金粉寶塔星垂見夜燈
消盡塵襟千萬斛石床閒倚聽殘經

讀書臺

明胡子持

雲物多蕭瑟高臺瞰遠岑偶臨今日地想見古人心松
焰畱餘照槐柯惜寸陰年年清淦水長伴讀書音

江西詩徵

讀書臺

明鄧伯言

兹山白雲裏古寺覺城東徑濕莓苔雨牕寒薜荔風傳
衣由惠遠洗硯憶陶公暫借禪牀坐心澄萬慮空

讀書臺

明宋一俊

臺上青天散曉霞
臺前風雨弄梅花
辛勤運甓渾閒事
忠孝留名有幾家
硯沼餘書經雨盡
竹林清致倚雲斜
我來縱目追前事
細和新詩小篆沙

以上冰壺集

讀書臺

明王佐

按部囊箱久不開
春風忽上讀書臺
泉分墨影池中水
花點芸香徑裏苔
滿目山河非晉有
幾人冠蓋爲陶來
石頭城下溫無語
此地於今一草萊

讀書臺

明劉守謙

大尉當年此故邱
惜陰軒畔幾春秋
讀書人去臺空在

新淦縣志

卷一地理志

古蹟

九

洗墨池荒水自流
江表山河揮客淚
中原戎馬使公愁
金川巨浪兼天湧
彷彿樓船下石頭

讀書臺

明陳琦

水色山光面面開
乾坤牢落此孤臺
寒煙老屋營巢燕
春雨殘碑臥石苔
千載英風猶可想
八州奇夢孰占來
輜車弔古增惆悵
笑爲先生闢草萊

讀書臺

國朝施閏章

山寺鴉啼灌木陰
荒臺有客共登臨
雲開對岸青峯遠
江擁孤城白露深
春草迷離絃誦地
夕陽憑弔古今心

野塘流水猶無恙舊刻殘碑何處尋

惜陰書院

在讀書臺側

國朝 施閏章

愁疾經秋感鬢絲素心惟與白雲期墨池千載存山麓
講席諸生共水濱把酒醉看初放菊臨風重續舊題詩
惜陰盛事誰堪繼長憶金川接坐時

和韻

國朝 胡之琳

花含籬菊雨絲絲良會今朝喜共期邀得青蓮驚倒峽
移來白鹿向清澹江風拂拂生新意石碣班班認舊詩
賴有大儒重發蔀無邊光景惜陰時

新淦縣志

卷一地理志

古蹟

十

讀書臺

國朝 王言

晴高天宇掃雲陰偕友乘春載酒臨濃淡百花開寺遍
微茫一艇釣江深風聲披拂詩書氣山勢崢嶸豪傑心
好景滿前難着句殘碑古篆可重尋

讀書臺

國朝 董謙吉

石壁垂山椒今古春雲駛爲憶千秋人澄懷照江水披
草出荒臺何處尋霞屺舊址在金川欲使斯人起我愴
烈士心惜陰寶寸晷尺練化龍梭虎視回天璽難酬封
鮮懷何用溫嶠指讀書如士行夫豈章句止夾岸滿溪

毛誰爲薦芳芷聞孫掛印綬高承
粲清美天地產名賢
斯臺應不圯

愚山施公集都人士講學於讀書臺卽事賦詩次

韻奉和

國朝熊 撰

霏霏玉屑寫烏絲異代徽音可並期勝迹長存山有徑
美人欣在水之湄晴雲護取書堂草夜月敲殘石壁詩
眼底分陰須共惜莫將燕坐負昌時

讀書臺懷古

國朝劉佳瑋

三啟讀書臺前賢留勝跡所志各有在萬卷供朝夕登

新淦縣志

卷一地理志

古蹟

十一

覽借山川懷古紛如積隔寺一聲鐘江流天外碧

聿修

堂續稿

宴集讀書臺卽席賦

國朝王泰姓

大尉勲名憶昔年願爲豪傑不爲仙高臺人去留荒草
臥碣苔生沒古篇春雨半江侵酒氣晚山幾點結詩緣
傳巖舟楫諸君事何必滔滔嘆逝川

邑百華寺有讀書臺陶桓公故蹟也下有洗墨池池今
爲井寺僧云往歲邑有占魁選者池水盡黑鄉先達劉
公麟占禮魁是歲水黑甲午黑先大夫應墨泉之號以

此戊午又異余復忝竊桓公母爲淦人第不知桓公會寓此否也池真偽尙未必然所謂黑者亦泉脉偶然不足爲異也

秉器集

五代宋

武帝源在縣東四十里尙樂山上有宋武帝廟山經云本禿女皇后廟禿女少孤後母苦之令牧豕於陂陂生藕因取食聚藕絲結爲履靈鵲銜於武帝殿帝異之取以爲后其說不經府志載之亦傳疑也或云唐光化中邑人劉輝以尙樂山羅公坑地形之勝創爲廟址而設

新淦縣志

卷一地理志

古蹟

十一

宋武帝像與禿女并爲一祠遂稱宋武帝廟要無所考

據云宋楊震有詩

帶經堂詩話

泥溪在治西南梁天監元年南海刺史蕭勃舉兵入遣將軍歐陽頽屯兵苦竹灘用拒官軍卽此地也

陳書

泥溪口枕上聞鴈

國朝查慎行

陽鳥踰彭蠡飄飄向南飛晨光若前導羣起泥江濬數聲枕上過傾耳漸入微彼非我同羣安得相追隨我帆十二幅取用常半之何以不用全波濤怕歆危下有無底寶旁有不測磯身乏雙羽翰爭先復奚爲汝往大急

急吾行故遲遲茲遊到嶺南諒亦難久羈歸時倘見待
入春以爲期 敬業堂集

陳

新淦故城本漢舊縣屬豫章南郡尉所居陳割屬巴山
郡開皇中廢郡縣屬吉州 元和郡縣志

新淦故城在今縣治北一百二十里 太平寰宇記

巴邛郡故城陳後主分新淦石陽兩縣置巴邛郡 輿地志

巴邛郡故城今隸峽江距縣治南八十里 豫章書

按峽江縣分於明嘉靖五年志中所載峽江卽新淦

新淦縣志

卷一地理志

古蹟

十三

地

隋

巴山縣故城距縣治六十里隋開皇十年移於今治其
城遂廢 太平寰宇記

唐

黃蘗館治西南二十里綿峯山上唐權德輿過此有詩

詩載黃蘗山

五代南唐

觴池南唐徐鉉與員外孟公流觴處徐有詩

憶新淦觴池寄孟賓於員外

南唐徐鉉

往年淦水駐行軒，引得清流似月圓。
自有谿光環碧嶺，不勞人力遞金船。
潤滋苔蘚欺茵席，聲入松杉當管絃。
珍重詩人頻管領，莫教塵土咽潺湲。

騎省詩集

觴池懷古

池爲徐騎省遺跡

國朝陳希獻

鑿石滌澗綠水香，昔人雅集仿流觴。
徐娘老去多情甚，白髮蕭蕭話夕陽。

戲魚堂在治東東山下，宋劉次莊謫居臨江卜築東山鑿池其前，因名堂曰戲魚。自號戲魚翁，手摹淳化帖十

新淦縣志

卷一地理志

古蹟

十四

卷刻石置堂中，時稱爲戲魚堂帖。明黃體方陳獻章國朝施閏章翁方綱有詩，明知縣王立穀有論。

戲魚堂石刻歌

國朝施閏章

南山有時平，何況南山石。剡瓊刻玫良可憐，尤物摩挲成弃擲。請君且勿誼聽歌，戲魚堂御史風流劉次莊。謫居江畔歌滄浪，臨池築室好心眼。法書鈎勒窮微茫，俯駕潭州方絳帖。寸紙片石稱琳琅，文魚何蕤蕤。遶檻各成行，叢篁夾古木。林壑交清光，隄傾石泐竟何往。野水東鹵空夕陽，君不見周宣石鼓刻爲臼。嶧陽秦碑踏已

久填橋堦壁半沉埋。雨剝雷轟恣擊掎。礮火摧燒瓊瑤
文馬蹏蹠。蹋龜龍紐。負郭東山百戰餘。城市凋殘物銷
朽。苦心搜索抉泥沙。隻字斷文無一有。翻天覆地海揚
塵。古來萬事終沉淪。於乎古來萬事終沉淪。醉看江上
捕魚人。愚山集

臨江戲魚堂帖歌

國朝翁方綱

西江古帖誰著稱。我聞清江與廬陵。廬陵之帖久散佚
清江卷帙尚可徵。此皆祖稱閣前本。不比絳汝滅與增。
辰申相隔一百載。閣帖初刻在淳化三年壬辰至
是臨江再翻爲元祐七年壬申皇祐

新淦縣志

卷一地理志

古蹟

十五

却想蕭殿亟清池。蓄魚鬪於牴堂堂。策策交蒲菱長沙
侍御意忘謫。築堂伐石摹縑繒。呂和卿本那易得。王侍
書目相然。鷹爾時郡邑爭拓。致江空壁響傳登登。大觀
大清樓未啟。臨摹初見長沙僧。江左風味誰貌得。詩家
比擬奚愛憎。元遺山詩詩家亦有長沙帖莫作
宣和閣本看正用東坡跋潭語後來一
例。啣瘦媚洗出前輩看飛騰。劉潛夫云潭絳
大瘦臨江大媚十卷釋文
頗訂誤。二王別軸猶絳綾。百年故物逮淳祐。鋪敘亦到
廬陵會江山。秀氣非一藝。往歲權過屢。歎興東山尙聞
堂址在生徒。倘一弔古能荒煙。殘礫豈易忽。或恐光怪

雲霞蒸

覃溪詩抄

觀戲魚堂帖

國朝 劉佳珣

宋臣世系本長沙謫宦耽書亦可嘉洗墨餘波猶駿隼揮毫落紙似龍蛇帖摹淳化閣前本人擬莊周濠上家郡邑一時交拓致武岡諸刻未須誇

聿修堂續稿

李後主命徐鉉以所藏古今法書入石名昇元帖爲法帖之祖帖之成帙可置案頭者自昇元淳化始臨江帖卽戲魚堂帖元祐間劉次莊摹閣帖十卷於臨江除去卷尾篆題而增釋文用工精緻當時謂可以亂閣本真

新淦縣志

卷一地理志

古蹟

十六

蹟然所鑄過巧失真一對質則自徑庭矣又別有二王帖亦石刻自述釋文之誤慶元間四川總領權安節以戲魚堂帖並釋文重刻於益昌官舍釋文字較原帖稍大次莊爲江西漕使過敷淺原云桃花雨過碎紅飛半逐溪流半染泥何處飛來雙燕子一時銜在畫梁西不但工書其詩亦多姿媚今戲魚遺址東山禪院清江新淦並載其事而宛陵公則專屬之新淦按閣帖初刻在淳化三年壬辰至次莊翻刻於臨江爲元祐七年壬申相距百載劉潛夫云潭帖絳帖大瘦臨江戲魚堂帖大

媼

國朝翁覃溪云爾時郡邑爭拓致江空壁响傳登登豈當

日交相藏弄以誇美歟

孫承澤閒者軒帖考

高士嶺在治東三百步以次莊寓名

旌忠官田韓世忠嘗議買新淦官田高宗聞之特札賜之

由澹湘官田至竹城相傳為韓世忠旌忠故址居人鋤牧每獲古器好事者編為檢窖錄希冀創獲何其愚也然實有由此致富者古樽罍瓶爐插空石硯每落人間

新淦縣志

卷一地理志

古蹟

十七

乾隆庚子獲銅鼓銅鑼三十餘器悉屬行軍之物按蘄王之寶以神臂弓為最韓步卒目見有人以神臂舊樣獻於韓韓令如其式制度以進賜名克敵制勝強遠能破堅於三百步之外是瘞器埋金亦英雄不玩物喪志之意乎

揮塵後錄

紹興十三年改岳飛第為國子太學堂曰崇化金陀粹編先臣刺繡為袍有誓作中興功臣鶴林玉露韓世忠嘗議買新淦官田高宗聞之御札特賜號旌忠當時諸將各以姓號如張家軍岳家軍朝廷頗疑聞其買田以

爲喜故賜之趙昱詩云崇化堂新故府遷傷心刺出繡袍鮮岳家昔與張家並今日韓家有賜田

南宋雜事

韓蘄王旌忠碑

國朝沈嘉轍

宸書曾爲擬汾陽勲業淮西亦可方一字裏頭一把雪

一把雪王馬名慚無秦蜀人封疆南宋雜事詩

賓退錄紹興癸丑岳武穆提兵平虔吉羣盜道出新淦

青泥市按青泥一作清沂題詩蕭寺壁間云膽氣堂堂貫斗牛

誓將直節報君讐斬除元惡還車駕不用登壇萬戶侯
淳熙間林令梓欲摹刻於石會罷去不果今寺廢壁亡

新淦縣志

卷一地理志

古蹟

十八

矣明周謨武穆碑記言江水嘴岸寺遷碑亦隨之嘉靖
間始改名新修寺武穆佳句如潭水寒生月松風夜帶
秋真有雅歌投壺恂恂書生之度朱檢討竹垞云鄂國
英雄士淮陰伯仲間此豈灌絳無文者可同語哉

參引

明詩綜

岳忠武碑

明周謨

寺閣山腰別起臺光明藏得老僧開喜無俗客閒評賞
幸有高人費翦裁傍柱曾容同聽法渡河每見獨乘杯
蘇吟又借劉君筆凜凜寒霜逼隴梅

岳忠武碑歌

國朝 劉學瀾

武侯出師表睢陽聞笛詩傳文卽以傳其志文生於情
情見詞趙家少保昭忠節半壁山河好護持劍淬成花
常耀彩弓開似月共驚竒以少擊衆衆披靡盜兵赤子
沸潢池虔州之役民安堵得請於帝從寬施撫綏保障
多此類軍無見糧士忍饑崇德猶將十世宥莫須有事
忍加之孱王不灑新亭淚滎河溫洛非故基南人自南
北自北湖山歌舞忘其悲壯哉虎臣何矯矯二聖若返
事可疑名將工詩匹競病一韻吟就百代思石猶可轉

新淦縣志

卷一 地理志

古蹟

十九

心不轉千古血誠珍此碑

聿修堂稿

岳忠武碑

國朝 周天琳

武穆畱詩泣鬼神只今碑影護苔茵功勲百戰委塵土
遺恨孤忠淚滿巾

薊林見通志出新淦東門三十里許有南宋向子諲之
薊林考子諲字伯恭建炎初金人入汴梁子諲南奔遯
跡新淦東門外三十里之三峯寺手植薊林木二株於
前署所居曰薊林院紹興元年高宗定都臨安召子諲
授職十年後子諲入覲陞見奏事久廷臣以爲稽遲叱

令退次日子諲朝自言有終老薌林之意高宗因書薌林二字賜之是薌林原在新淦之三峯寺也今薌林木二株歷宋元明至

國朝此枯彼榮循環不已其葉似梧而小土人取枯枝爲香較沉檀爲靜真異產也子諲沒葬寺後墓存碑漫漶矣

薌林碑

宋孫覲

兩浙轉運使右朝請大夫秘閣修撰向子諲博極羣書尙友千載治一室手植衆香草環之而讀離騷其中自

新淦縣志

卷一地理志

古蹟

二十一

號薌林居士建炎末崎嶇兵亂轉徙江漢間年四十餘上書謝事徘徊玉笥之下淦水之濱登高擇勝築室居焉藝蘭九畹采芝三秀千葩萬卉羅生堂戶蓋真得所謂薌林者則欣然笑曰孫興公賦遂初韓吏部賦復志皆謂此耶紹興五年詔起爲江東轉運使明年徙兩浙召見奏事勞賜甚寵因從容自言終老薌林之意上嘉歎良久親書薌林二大字賜之龍文龜畫妙絕一時羣公在廷驚顧動色於虜盛哉未曾有也子諲後上之賜移書屬孫覲爲銘銘曰肝膽一如薰猶殊臭鼻識妄聞

六鑿交關螂蛆甘帶蜚蜋轉圜嗜痂臘鼠逐臭則然一
國之香人所服媚君子好修紉之爲佩手援紫藟掉芙
蓉旗蕙肴蘭藉飲芳食菲芳菲滿堂薦馨在德蔡傾草
靡偃風就曰帝闈九闈孰播厥芬神交夢蘭基於獻芹
扁榜峩峩來從天上璧月流輝浩褰帷帳天命不諂惟
德典諸錫慶毓充公之間慶鴻集

題薌林

宋孫觀

祇爲登山遠當門疊石爲人來嗟故迹景勝入名詩立
鶴高過檻欵花半在池百年庭際木新長挂冠枝慶鴻集

新淦縣志

卷一地理志

古蹟

廿一

發新淦城

宋朱子

朝晴許我看薌林頃刻浮雲萬里陰拂袖凌風三十里
依然寒日照長林文公詩抄

近江樓卽治西門澄江樓

南市買舟

朱子

征驂聊駐近江樓南市津頭問買舟共說明朝乘雪水

長歌一日到洪州同上

劉仙丹井其井在治南楓岡

岡南梅月臺

宋學士曾三聘別墅方一百六十畝曾自爲記

岡南郊居記

宋曾三聘

岡南在新淦之郊由縣而南橫兩溪間渡大小石梁距縣可二里自爲一區以水分畫也紹熙甲寅予自中秘黜官泝大江而歸先人之敝廬在吉水蘭溪未至百里舟泊淦津親故規以築室乃之岡南左田澗右市路予攸樂之盡買其地高岡下田週遍延袤因歲有水潦之虞故求田者弗之睨亦不可以爲家也余鑿池就其汚畚土築其高位置畧定而水大至度不能升余之堂余喜曰馮夷海若何至數懷襄也時將之郢室未及成居

新淦縣志

卷一地理志

古蹟

廿一

郢不三月復以與祠罷歸顧新築之室踰二十間望之巋然如郵亭驛舍人皆謂未可以居予自度終無力葺之使備上瓦傍壁僅蔽風雨予心安焉舍之東不可以田稍夷其畦塍樊以爲內圃躬自荷鋤藝種封殖三年水幸不至土腴弗波地墊而沃松竹杉桂相爲茂密其柯葉已可蔭桃李梅杏茶蘼海棠欣欣向榮其花實已可玩又東臨澗水並澗皆曠土牧野築堤絕之繚澗而南拓爲外圃水多折旋舊名九曲陂有泉出於岡之趾陂之澣旱乾霜涸陂水不竭於是乘塗泥斲葑藻回環

曲折可以運舟余步自東登梅臺入海棠洞之雲岑玩
東南諸峯眺牧野俯蓮灣還憇林屏以會於西徑經杏
園登松臯晞朝陽之溫仁夕月之輝意得自適非飢與
寢輒忘還也叩扉呼家人啟堂隅之戶可數十百步至
於堂矣自堂而出西徑門之外道由芙蓉池上於桃川
之石度小橋入釣壑泛野航於九曲之陂沂水雲鄉酌
流泉夷猶鷗社舍舟而登月臺翺翔四顧余廬依映竹
樹間環以農家十數茅屋有雞鳴犬吠無車馬之喧樵
人孺牧相接攜杖徐行極目所到桑麻黍麥四時之景

新淦縣志

卷一地理志

古蹟

廿二

不同莫不與余心會而余年五十有八矣三黜而罪大
上赦之弗誅弗竄得投老鄉縣又幸有此屋廬盡謝賓
客屏書疏與老妻稚子從事於是間蓋亦不知歲月之
度也人生墮宦海中其不爲木偶人蜉蝣者幾希老歸
故園得以尋其兒時遊嬉漁釣之所豈非大幸余多兄
弟者以口衆故先廬莫能容各謀別築方去國時意實
在廬陵郡城中三度其地乃在淦也艤舟休舍而遂定
焉莫之爲而爲之也嗟夫是邑改於隋越今六百年南
岡一區居人十倍疇昔而茲地若棄片瓦尺椽一無有

焉鞠爲草樹之野蔬黍之場一旦屋廬而園林之自余
始予之子若孫能嗣吾志是殆山川之神秘以啟曾氏
否則如釋家者流姑俾予服開山之勤不患無嗣之者
又安用自必以爲己有也地方一百六十畝小澗經其
間爲園者居五之一廢田以爲屋爲園爲池者又居其
一澗水東注折而北流並澗而下其西仍爲田其東則
外圃也凡憑其高倚其隈垂其涯而周流有趣可覽者
十五六或當築而爲臺或當覆以爲屋力皆未及而位
置具在畧疏其名可也予欲歲辦一二初結小亭三間

新淦縣志

卷一地理志

古蹟

廿四

爲費已三萬去年又立四楹於桃川費亦如之而工未
畢噫亦難矣因併述以屬後人

三聘在孝光甯朝臨利害遇事變史稱爲歲寒松柏
可謂有君子之守矣其父子兄弟或出或處所與交
遊如趙相汝愚文公朱子皆一代偉人其隸籍新淦
也實光宗紹熙甲寅至理宗淳祐丁未其子宏正與
修淦志其姪朝議大夫兵部侍郎宏迪復爲令君高
公斯從書琴堂箴後周必大稱曾氏家門學業浸興
浸盛而淦志未詳三聘所來由并不爲侍郎立傳茲

從曾氏圖籍得忠節新淦岡南郊居記一篇蜀人劉
光祖爲作墓碣一篇補編宏迪傳一篇舍而觀之然
後曾氏之原委始備宏迪墓在玉笥鄉之漚岡三聘
墓在瑯中岡面沂江口中溪坪與明之水部郎張堯
文克文助教叔鏜墓隔水相望

願豐亭在治南瀕江舊名四望宋高斯從改今名取杜
甫憂國願年豐之句

漏月亭在縣治

秀溪別墅在治東北二十里宋兵部侍郎曾宏迪別墅

新淦縣志

卷一地理志

古蹟

廿五

有宸翰篆書秀溪二大字刻石

元

金水亭在金川館西今廢何中有詩知非堂稿

發新淦金水亭

元何中

振衣上野航回首謝山阪日淡秋水空風清片帆遠沙
光侵岸發峯影隨人轉前湮渡火深離亭路今緬以上
知非堂稿

整駕亭在惠政橋南今廢

鳴水臺在閤皂山知非堂集

慶源別墅在治東一名隆中山龔舜咨建吳澄記 吳草廬集

慶元別墅記

元吳澄

新淦龔舜咨貽書云去家三十里許介新淦樂安之間有山形勢迴複山麓有湫四時不竭心樂其地營別墅焉將逸吾老於斯他日幸全天年而歸於斯也榜其屋曰慶源敢祈一言以療吾癖予素聞舜咨喜佳山水今慶源之額扁甯不謂人傑因於地靈而期子孫衍無窮之慶乎予言於龔之客鄒志宏可道曰前儒或詆葬書

新淦縣志

卷一地理志

古蹟

廿六

本體骸得氣遺體受蔭之說蓋未之思也夫以慶之源於地爲非者非也以慶之源於地爲然者亦非也得地於今延慶於後是慶不自天而可以人力致也然則慶果有源乎抑無源乎夫子言之矣積善之家必有餘慶善者慶之源也何也地之吉可遇不可求也其遇不遇由善之積不積爾鄒可道曰舜咨弱冠失父能亢其宗生業愈拓苟有一善輒稱父訓母早喪廬墓側展省孺慕叔父與其父同甘苦父旣終奉叔父如父叔父亡又恭順其兄兄亡又扶植其孤就高祖葬處構追遠亭譜

一族之昭穆其倫紀之篤有如此者接待四方賓友居
不足以容則增創亭館暇日領客焚香啜茗共賞清勝
觴咏相歡其交契之厚有如此者一造京師謁中朝諸
公不干進而去識者高之其器識不歆外慕有如此者
讀書爲詩句律穩妥辭翰俱優而猶以記未博語未文
自歉其志趣不倦內修有如此者予謂可道所揚舜咨
之善予所欲聞也今復舉善之一言指爲慶之源者善
也者仁義禮智之根於心也舜咨嘗以心一倅其字心
之一則固有之善具存而處己應物一一純乎天理之

新淦縣志

卷一地理志

古蹟

廿七

公畧無纖毫利己之私若其倫紀之篤高契之厚器識
志趣之不羣固善中之一端也夫如是則心合乎天而
天之福之斯其爲慶之源也地之吉不待求而自遇其
慶也非源於地之吉原於心之善也可道曰大哉言矣
其可愜舜咨之所祈也遂書以遺之

草廬文集

竹深亭邑鵬溪廖隱君叔敏性嗜竹自號竹窻其孫中
如其祖屋傍多植美竹築亭其上因名

傅若金記

山間明月樓在栖碧山龔舜咨取蘇軾辭意建樓吳澄

記 草廬文集

山間明月樓記

元吳澄

龔舜咨居於新淦之遠郊志氣卓越嘗游京師將有命自天而登仕版矣一旦幡然而去別予於禁林曰吾欲歸玩栖碧山中之月予甚高之贈以詩末句有云浩歌歸去渾無事栖碧山前月上東舜咨既歸而予亦歸過客來言舜咨有樓扁曰山間明月予亦高之夫萬古常峙者山也萬古常明者月也蘇子指山間明月爲用不竭無盡藏是矣又謂月之盈虛其卒莫消長則不無疑焉月固無消長也而豈有盈虛也哉古今人率謂月盈

新淦縣志

卷一地理志

古蹟

廿八

虧蓋以人目之所覩者言而非月之體然也月之體如彈丸其遡日也常明常明則常盈而無虧之時當其望也日在月之下而月之明向下是以下之人見其體之盈及其弦也日在月之側自下而觀者僅得見其明之半於是以弦之月爲半虧及其晦也日在月之上而月之明亦向上自下而觀者悉不見其明於是以月之晦爲全虧倘能飛步大虛旁觀其側則弦之月如望乘凌倒景俯視於上則晦之月亦如望月之體常盈而人之目有所不見以目所不見而遂以爲月體之虧可乎知

在天有常盈之月則知人之曰盈曰虧皆就所見而言爾會何損於月哉登樓玩月其有悟於斯乎若夫春之花月夏之竹月秋之桂月冬之梅月影淡香清興致無極足以快賞心足以供樂事如蘇子所謂用不竭此衆人之玩月者而已客喜予言書以予舜咨王與客試共登斯樓對酒浩歌而以予之言問諸月

石洞在一都元廬陵劉詵與郭德方坐溪石論文處劉詵有詩

桂隱集

石洞雜賦

元劉詵

新淦縣志

卷一地理志

古蹟

廿九

廬陵羅士奇都事葬母新淦石洞山水甚佳丙子冬其姪履貞邀同游穿幽覓勝相與徘徊者連日擇其景之尤佳者賦詩

石洞

蜿蜒辭夷皋迢遞陟穹巘綿綿千萬峯蒼秀入遙見既疲猶穿雲小息仍下阪崎嶇到祠庵高檜挂日晚人家繞稻田窅然復平遠園廬接煙火籬落散雞犬雖知非仙源諒亦樂農畝卜居茲未能撫景徒繾綣

石溪

是日與郭德方坐溪石論文把酒忘歸

冬旱水愈涸微流行石間炯如玉璫窓屈曲相交關冷
然落幽罅隱約聞珮環擇石踞其高兀兀相對閒日宴
遂相酌持觴看青山疎雨作還止徘徊澹忘還

石泉

重巖括元氣雲竇出涌泉迸流絡廣石百尺高簾懸微
風度午日熒熒生紅煙始知窮幽討竒觀滿垓埏我友
趁奔鹿褰裳陟其巔蹇步獨矜峭矯想爲欣然瓢汲試
茶鼎庶足凌飛仙

盤谷李國隱居處取李愿盤谷遺意宋一俊有詩

冰壺集

新淦縣志

卷一地理志

古蹟

二十一

題盤谷圖

并引

元劉詵

廬陵郡幕賓盤所李君字長翁家藏盤谷圖非必
盤谷也志隱耳爲賦長句

千厓蒼蒼倒石懸老檜下瞰空闊森白根上有縈絡斜
下之瀑泉下有縹緲半出之窻軒忽然漁舟散浦潏疑
是秦人桃花之仙源叢林盡處長堤繞柳外沙邊行客
少汀煙漠漠不成雨汀樹疏疏似飛鳥依稀水檻知誰
家疑是唐人洗藥之溫沼問君此地何處尋可買不惜
捐千金君言此亦盤谷境我已先從畫中隱嗟君才氣

何堂堂胸藏霖雨未入荒平明走馬入黃閣日晏文書
紛鴈行峩峩奎章九天上白日旌旗下仙杖秋風插翮
高頡頏雖有此境何由往丈夫英氣多難攀九環寶帶
懷青山輞川墅龍門灘會買青鞵待君還

柱隱集

盤所爲李國賦

明宋一俊

紫淦盤中隱者居人間勝地總無如山凝翠黛圍金屋
泉瑩玻璃浸石渠花底傳觴春繫馬柳邊垂釣晚求魚
蹇予天上歸來後得與徜徉共讀書

明

新淦縣志

卷一地理志

古蹟

三二

友鶴軒黃伯原建解縉記

文毅集

友鶴軒記

明解縉

蘇子瞻作放鶴亭記謂山林遁世之士雖荒惑敗亂如
酒猶足全其身而名後世南面之君雖清遠閒放如鶴
好之則亡其國故隱居之樂雖南面之君未可與易也
夫鶴之爲物固不爲非常可喜之觀如金珠犀象之可
悅以邀世俗珍重然丹硃其頂潔其毛羽馴而善飛又
能舉其翼高下起舞稱適人意雖世俗之徒鬪雞走狗
雄俠馳騁之暇或一見之亦未有不忻然者也然終無

篤好而畜之者每思寄託於山林之野逸夫山林野逸之士豈

嗜書以至商山竹林之徒莫不各為有所好是豈真有

聲色臭味足以窮心志極嗜欲也哉寄情於物不拘於

物也新淦黃君伯原自謂友鶴翁未及識其人觀諸君

子所以稱道之者則其人固清真冲散不驚於外者非

友鶴也有鶴者也莊周嘗稱莊丈人曰其釣莫釣非特

其釣有釣者也吾故以云 解文毅公集

水竹居在楓谷練子甯有詩 玉屑集

新淦縣志

卷一地理志

古蹟

三二

水竹居詩

明練子甯

高閣結宇修篁裏軒戶玲瓏瞰流水庭臯月轉翠陰生

溪上風回青浪起翠陰青浪映窻屏曲徑苔深客到稀

林下移牀揮塵坐沙頭繫艇釣魚歸柴門無事臨流敞

高臥支頤聽清響千山暮雨石泉通一夜春雷籜龍長

几席清幽俗事疎波光盡日映圖書何年得遂辭塵鞅

杖策相從此卜居

跋水竹居詩序後

明練子甯

洪武七年子甯始從竹庄鄒先生遊見先生為明德作

水竹居詩序且曰諸生試爲賦之子甯詩有云千山暮
雨石泉通一夜春雷籜龍長先生甚奇之曰此子後必
有異於人因令書之卷尾後三年先生卒於邑庠而子
甯以諸生入鄉校大成均當天子偃武修文之秋以科
舉取天下士而子甯荷父師之訓獲在第二於是方慨
然有志於斯文以求不負朝廷獎擢之意而不幸以家
艱歸孤窮困踣倏踰禫服明德手是卷重徵序於余追
憶往事爲之歔歔感愴者累日非不能更作不敢僭齒
先生之次也遂書之而併記此語於後以見子甯之不
敢負先生之期望者不止於是而將有徵於他日也

待月樓在華光寺後

待月歌

并引

明練子甯

昨夜露坐東山停杯待月俄而桂香西來皓月東
上清興灑然殊有塵外之想遂成短歌一章馳寄

一二同志

天風吹桂香夜久露華結清興誰與同停杯待明月明
月須與海上來青天一望無塵埃人看明月皎如昨月
照人間知幾迴人生何用嗟興歇月本無心尙圓缺玉

兔搗藥能長生不管麻姑鬢如雪月既照我飲我且爲
月歌舉杯勸月月亦喜清樽歷亂揚金波願把紫鸞笙
雙吹向寥廓直上蓬萊第一峯坐聽霓裳奏仙樂

重修待月樓碑記

國朝 奚又灝

華光寺後閣之北榮有連甍而屹構者曰待月樓樓何
爲作也壬戌九日孫生超延余與學博曾君龍君及邑
之紳士佩萸飛觴於東山之禪院乃陟危巔步林麓求
明忠貞練松月先生故居待月樓遺址而故老無能指
而識者喟然曰古之各賢雖風微人往苟得其衣冠馨

新淦縣志

卷一地理志

古蹟

三四

欵之所經斷碣殘碑間畱題詠輒爲之低徊憑弔慨然
想見其爲人晉陶士行之於是地因幼依外家偶焉寄
跡耳而上下二千年間若讀書臺若洗墨池遊而歷者
咸嘖嘖於綺歲惜陰之勤而追嘆爲致力中原勒勳鐘
鼎所自始至如待月樓則松月先生之聚族生長於斯
者也讀書養氣鍊成赤膽忠肝於是乎在一且捐軀殉
國覆巢毀卵室廬塋墓蕩爲榛墟後之人欲求其片碣
寸垣以識感久已靡有孑遺矣忠良誅夷之禍一至此
哉相與歛歔久之而從遊之士請曰公去今幾四百年

矣而忠義之氣凜凜猶在人心寺之北隅地塏以爽建樓三楹以追遺跡以寄慕思可乎余曰是役也攬山川之勝壯都邑之觀且令後之學者得所尊崇以增益其志氣一舉而三善備焉矣爰捐俸以爲之倡而邑中紳士競勸輸鏹卽於仲冬月庀材鳩工董君繩舒鄧君大滋董其役不五旬而樓翼然綺牕曲檻維備繚以圍墻升以石級工旣竣而請名仍以待月顏之表建樓本志也當公之靖忠報節於故主也刀鋸鼎鑊甘之如飴不有髮膚不有肢體不有其妻子族屬而何有於區區一

新淦縣志

卷一地理志

古蹟

二二五

樓之存亡然人情無所觀感而氣靡有所觸發而志抗存是樓而後進之藏修息游其中者瞻几筵仰棖桷恍若公之神明臨我質我而典型我者於以讀書養氣卓然思爲經常名教不可少之人心公之心學公之學頑廉懦立勉勉於三不朽之盛烈於樓之成實先導之則斯樓也爲松月先生所輕若鴻毛而不必有而景仰先生者直等之黷宮泮壁之陶冶人材而不可不有者也豈止憑欄俯檻挹江山眺城市遊目騁懷爲梵王宮之一鉅麗之觀而已哉

遊東山寺待月樓記

國朝譚尚書

予讀明史新淦練中丞殉難事慨慕咨嗟不能自已今秋九月司訓是邦閱邑乘知公世居東山之麓少日讀書山寺夜深興到作待月歌以示同志後人仰止高山建待月樓於其旁迄今歸然猶存欲遊未果適公之裔孫秋軒名雲鴈郡廩生授徒寺中來邀涂君名士璉新城拔貢與予飲遂偕陳生鏡川出小東門從容散步過桂湖湖水已涸遠眺鳳凰山何狀元之故居慨歎久之復前行隴麥青綠山邊一寺曰在乎庵有小沼爲宋劉次莊御史戲魚

新淦縣志

卷一地理志

古蹟

三六八

池又半里許長松夾路則東山寺在焉拾級而上棟宇宏廠左室有井清冽異常俗傳其水由地中潛行通城頭文昌塔下事或有之登觀音堂地益高折而右則待月樓樓高數丈深廣如之壁上大書待月歌筆力遒健爲七十六叟明經董悔齋書倚欄前望青山矗立嵐煙數里左右峯巒拱揖林木蔽虧樓下有廳前令范公聯云三年宦蹟東山寺滿眼詩情待月樓味乎其言之也俄相攜而下入別室秋軒揖客坐酒間道邑縉紳士議倡修公祠皆歡欣鼓舞無少吝將與待月樓彼此相輝

予聞而喜甚連舉大白頽然醉也薄暮歸署涂同寅語
予曰今日之遊樂矣不可無記夜闌翦燭遂舉所見書
之

春草堂文集

東山待月歌

國朝楊殿梓

夕日欲入羣峯紫清磬一聲白雲裏穿雲深山山轉深
滿徑風林落松子林間曾起讀書臺名賢勝跡空蒿萊
商量舊雨幾人在尙憶軒窗臨月開我來山中待山月
幽興還因山月發山月未上山氣寒山中猿鳥亦愁絕
呼童竹葉傾芳尊蕭然萬籟俱無聞心賞一失不再得

新淦縣志

卷一地理志

古蹟

二二七

拚飲直欲從宵分少焉月出東山上水鏡澄鮮宛相向
愛月添殘勸月杯入夢瑤華清斗帳

雨厓詩草

待月樓

國朝陳希獻

何地無樓樓不稱千秋一月爲中丞禪門那管興亡事
睡殺蒲團月下僧

浩然堂在練公祠後

浩然堂記

明李夢陽

浩然而塞乎天地之間者氣也人孰無之然存之者寡
焉其見也則係乎時時有幸有不幸也士有是氣嘗苦

抑而不伸焉鼓之而使之伸則又係乎上之人焉雖然其幾微矣幾微則風神風神則颯颯溶溶被物而物不自知江西以忠義推士尙矣推者以文山疊山爲最文山之後則有練子甯黃子澄焉夫二人者其禍烈矣乃其後則又有劉公球鍾公同相繼而起此亦謂之風非耶文皇帝嘗曰使練子甯等在朕固當用之嗚呼帝之德至矣豈欲鼓天下之氣而慮其有弗伸耶不然何聞其風者之興之勃也夫忠孝常變一也有不一者係乎時者也苟時矣卽不幸有幸也故曰其見也係乎時反

新淦縣志

卷一地理志

古蹟

二二八

是則人矣非氣之罪也知風之自與時偕行煥乎事業炳乎文章沛乎與天地流行嗚呼非斯人其孰當之哉此所謂浩然之氣也余至淦川顧瞻公故里旣令立嗣祀之刊其遺文以布之又名其嗣之後堂曰浩然堂

峒集

浩然堂記

明聶心湯

舊祠練忠貞公於北關外草宿翠煙鶻啼碧血弔古者每增慨焉因循七十年改祠事於學宮之西者自餘姚楊侯始又七年而召嫡裔典祠事俾公之靈獲歆其類

者自宛涇王侯始顧歲久祠漸圯丙辰夏洪水三至寢門而廡垣頽矣時臨海王侯甫下車以釋奠

先師之明日拜公靈於祠下顧瞻廟貌慨然曰明祀之不崇有司責也遂捐俸庀材石作門觀葺兩廡規制煥然一新於時練氏之美秀而文者學頤學碩實講肄其中沐侯之教澤因請記於余余曰忠貞祠宇昔人記之詳矣余無能爲言獨是舉也侯將大有造於兩生直壯麗爲觀哉蓋人臣以死勤事誰不秩祀典其子若孫之守宗祐者誰不列章縫倘趨踰俎豆之側而文采不少槩

見奚以妥先靈而光闕闕耶以余所聞侯雅意育才尤加惠兩生餼廩以時膏火相繼無或荒於他務而得潛心大業侯之造兩生也不啻萬間庇之矣兩生勉旃如其立身揚名以雙聯發帝夢則仰答有司之勤者既厚而先靈之堂構夫亦愈增重也乎余爲諸生時與練氏結社聚奎山房有友誼焉故誦侯之德意致勸勉者如此然余又竊論之祠介澤宮從事之義也規前人所未圖旁求遺嗣繼絕之仁也得前人所未有子弟誨訓不倦且大其門閭以俟亢宗者豈第作人之雅也不遠軼

往事而大集其成哉雖皆原崇獎之意而侯深遠矣侯
姓王諱立穀台州臨海人 崇正志

傾日在練公祠後縣令楊意白建朱孟震記 秉器集

傾日樓記

明朱孟震

邑故中丞練松月先生舊有祠在郭外三里許道官之
傍大夫分守景孟劉公謀於邑大夫意白楊公謂其遠
而褻非所以表忠義勵士風乃爲祠學宮之西又慮無
以妥先生之神也復建樓其後扁之曰傾日而屬孟震
爲之記孟震先生之鄉後進也居常慕先生大節不及

爲之執鞭茲得執管爲役竊有厚幸矣夫忠義人臣之
大閑自天地以來未之有易也旭日之中天葵藿所共
傾亦未之有易也革除之日墮盧淵入昧谷矣而先生
之心不忘忠義直以身殉雖十一族而不悔天植之忠
蓋誰得而易之樓成之後先生之靈歸來故鄉撫檻抒
懷二百年來身雖隕而人心之景仰有如一曰神其妥
是哉公所以扁斯樓者蓋得先生之心矣鄉之後進其
亦知公命扁之意與先生之心乎忠義之心油然而生
百千年而後風化懿美冠於豫章過吾邑者將指爲忠

義之鄉浩然正氣流布金川之間而塞乎天地自今日始之矣

練子甯故宅在東山下羅洪先自靖祠記公本新淦東

山人父伯尙遷三洲公及第復居淦城

安志

聳翠樓在中洲胡進用建副使周謨有詩

聳翠樓爲胡進用題

明周謨

中洲勝地擁層樓環抱皆山景更幽初日到簾朝翠藹
淡雲飛棟暮煙浮丹青摩詰宜圖畫詩酒東坡稱賞遊
老子青藜何日過曲欄高倚賦重留

新淦縣志

卷一地理志

古蹟

四一

梅溪在金灘宋惟學所居種梅蕃茂作軒臨溪榜曰梅
溪清隱金幼孜記

梅溪清隱記

明金幼孜

梅谿在金灘新淦故族宋惟學之居惟學種梅溪上歲
久蕃茂大者交柯屈鐵如龍盤虬攫偃蹇樛曲不可名
狀其小者雜然以生挺然以遂彌布於水濱籬落之際
者尤衆也當窮冬沍寒百卉凋謝孤芳獨秀鮮妍高潔
而殘雪初霽溪流淺清月色澄映幅巾杖屨延伫徘徊
詠歌逍遙招逋仙於天外揖姑射於雲間芳馨襲人萬

籟俱寂恍然如入羅浮之境遊西湖之涘一時高懷雅
致邈不可尙作軒俯臨溪旁曰梅溪清隱士大夫相知
者爲之作詩以寫其幽逸清曠之懷由是梅之植日盛
而溪之名遂顯

映雪齋在治南沂江孫孟修建慕孫康遺意金幼孜記

映雪齋記

明金幼孜

映雪齋新淦沂流而上曰沂江沂江之上衍迤清曠聚
處者數百家而孫氏爲最盛多衣冠之士所居有佳樹
茂林清泉白石前睇大秀玉笥諸峯左挹楓岡右枕大

新淦縣志

卷一地理志

古蹟

四二

江之流雲嵐蒼翠山光水影迴抱映帶宛在門庭孟修
占其勝焉孟修襟懷灑落資質秀爽好爲歌詩袖所作
數十篇與談論累日慕先人之遺芳齋名映雪雪之爲
物極天下之至潔至白而無以加當嚴冬沍寒續紛交
下萬籟俱寂月輝向夜居是齋也洞然虛白超然自得
將與造物者爲徒而遊乎太素之表矣

雞曙山軒在治南鄒宜昇建金幼孜記

雞曙軒記

明金幼孜

雞曙軒淦水之東鄒氏居也其居書田者蓋數世矣至

宜昇兄弟始徙居歷山築室買田家益饒裕尤嗜學不
怠嘗闢一軒而名之曰雞曙所以示勤勵以警懈惰也
夫羽虫之類可愛者衆若鳳凰有九苞之奇鷓鴣有萬
里之運野鶴之清唳山雉之文采鶯之遷喬鵲之送喜
鸛鷺之行鴻鴈之序至於戴勝之知時王雎之有鳴皆
有足稱焉而古今人蓋嘗託之以資詠歌或擬於圖畫
以傳示永久若雞者無羽毛之奇聲音之美乃獨有取
於斯者何哉蓋嘗聞是禽也備美五德專識司晨稱於
孟氏見歌於詩人其來也尙矣宜昇兄弟當東方未曙

新淦縣志

卷一 地理志

古蹟

四二一

之際旦氣旣清之時惕然而省恍然而寤謹之於幾微
之始防之於念慮之初使吾爲善之心無一毫之敢忽
而怠慢之志無一息之敢萌夫如是則朝斯夕斯惟日
孜孜所以致勤勵以警怠惰者甯有窮哉彼有自暴自
棄終日沉酣如醉生夢死而恬然弗省者視宜昇所志
豈不有愧焉

雲谷在治東御史姚伯良建爲藏書別墅宋一俊有詩

冰壺集

雲谷

明宋一俊

幽人托跡在空谷鎮日白雲掩茅屋石橋有路鳥飛過
流水琤琤响寒玉

舒嘯軒在縣城毛仲鼎建解縉記

舒嘯軒記

明解縉

聲之動也未有不由所感也雷霆之砰訇風水之震蕩
聲之出於自然也鐘鼓之鏗鏘瓠匏之激越笙磬之擊
發聲之出於使然也假於器以出是聲也人之歌呼悲
號笑嘻哭吽噫嚶呻吟慨然而太息劃然而長嘯者假
於口吻喉舌鼻嘍嗚呼轉運動定以出是聲有萬不齊

新淦縣志

卷一地理志

古蹟

四四

感有萬不齊齊之以不齊而自然者出於器矣器虛而
感生焉虛實相形動靜相摩也孰爲有形氣爲之感孰
爲無心理爲之主彼有無虛實動靜皆賓來而予從此
之謂齊之以不齊也淦人毛仲鼎兄弟卽山林之清逸
無市朝之紛拏主於靜也而以舒嘯名其軒豈七聲體
備乃獨有適於嘯乎登高而望遠感物而興懷雷霆風
水自然之聲日變其前而不能動其嘯之靜也舉足而
近涉覩物而匱煩感人而匱應浩然思安而劃然之意
塊然其中不實其虛也然則其主也固無時而非恬淡

冲漠之地其感也固無往而非清和會適之天也得於
嘯不泥於嘯非若成公之賦蓋拘拘也歌呼悲號笑嘻
哭咷噫嚶呻吟喜未嘗不嘯怒亦未嘗不嘯也嘯以舒
其志意之所觸所傷亦必舒而後能嘯也何也山鳴谷
應風起水湧此何如其感也仲鼎知使然之聲不異於
自然之聲也天地萬物固一體也則一軒一嘯也心齋
坐忘無以異也不然則春蚓秋蛩嚶啜灌莽之中皆有
聲也彼且何所感也此非知道者不足辨焉仲鼎兄弟
與吾友子甯練君善既已求其記他日以予言告之則

新淦縣志

卷一地理志

古蹟

四五

聲感動靜之妙必有相契於微者焉諸大夫喜爲舒嘯

軒詩因以弁之

解文毅集

蘭室書堂在治西釋蘭室讀書處周謨有詩

東臯集

蘭室書堂題壁

明周謨

昔有釋門老超然脫塵纓所居僅盈丈揭扁蘭室名我
曾此讀書幾見歲月更別來三十年人逝室未傾矧有
湯休徒心靜跡亦清金篦刮眼膜炯然明雙睛邀我坐
蘭室孜孜話無生殷勤洽欵語宛有平生情酌我以香
醪享我以大羹感此意氣嘉欲別仍畱行題詩就石壁

匪報曰瑤瓊

湖陰書閣在治西北二十五里蓮湖上朱文紹建羅洪

先有詩

府志

文昌塔在治北五里淦水口關欄處明萬曆乙未縣令

王文燿建太子少保吉水會同亭有記

泉湖山房集

國朝嘉慶初縣令趙增率紳士捐貲重建學博張濤記

城頭文昌塔記

明會同亭

繇庾嶺而北抵虔下流崇岡複嶺透邈磅礴三百餘里
至白下平行宏敞居然一大觀矣又百里爲螺川吉安

新淦縣志

卷一地理志

古蹟

四六

郡治在焉夷曠視白下爲最又百里爲同江則郡西北
盡處也有山隆起橫峙江中爲一郡門戶以故吉郡賢
才輩出民物殷阜甲於諸郡爲江以西一大都會自是
而北爲峽江境形勝稍稍迫隘又六十里至新淦始復
平夷似白下螺川無以甚異縣治之下流五里爲城頭
山突起其側亦若吉之有同江諸山者蓋又一邑之門
戶也故淦民風土習又獨甲於臨郡諸邑豈非扶輿清
淑之氣所鍾者然與先是城頭山崇建木塔其上歲久
漸圯自是文運凌替閭閻日益凋耗識者咸知其故然

卒未有倡議修復者嘉靖中平湖南滇陸公以郡別駕
後先來署邑篆政通人和百廢具舉慨然念邑下流曠
缺茲山實天所造設以拱衛一邑顧勢稍下增高障缺
以全形勝是不可不亟圖因詢之士人行求廢塔舊址
鳩工度地聚石平基經營方始而新令至得代去又四
十年邑人士追思謂陸公所衽席吾淦者非一其所攷
攷注念經營而未就者此一塔耳今祠公而不畢公之
志將奈何遂以請於今侯宛涇王君君曰此吾責也卽
日捐橐中俸百金以付首事又請於郡首青崖高公續

新淦縣志

卷一地理志

古蹟

四七

捐二十金助役而邑人朱侍御璉張郡守堯文劉少府
正亨等相與協贊無間經始於甲午年冬十月越丁酉
秋七月工成計崇十有一丈一切工料費凡爲金錢一
千有奇自是中流聳秀四望增雄若金鰲之護地若玉
笋之干霄巍乎一方之巨觀也已朱君爲予同籍致王
侯之命屬余爲記夫澗瀍卜周升虛望楚形勝之繫重
於都邑所從來久矣今攷淦邑百數十年之隆替與塔
之廢興其時不謀而值形家之說儒者烏得而盡誦之
故興作之事莫難於得人尤莫難於得時往陸公甫計

事而遽以代去是所謂得其人不得其時者蓋至於今而王侯始成之則人與時兩得之矣然距陸公經始之日五十年於茲何其難也事之成否遲速豈不有數存乎其間哉數之既至是傾否而泰之會也繼自今豈惟淦之民物殷阜科名飈起迥軼曩將真才輩出如練中丞金少保胡祭酒其人忠節勲猷裊然鳴世以答有司之勤可翹足待余故備次茲塔始末歲月以無忘兩賢加惠淦人之意而因致望於邑之人士如此若夫江山之秀麗規制之宏偉異日者倘不憚跋涉百里登覽

新淦縣志

卷一地理志

古蹟

四八

其上尙當爲諸君子賦之王侯名文燿字叔舉萬厯壬辰進士蚤以文行世其家筮仕巖邑循政未易縷舉塔成邑人卽其左偏建陸公祠歲時報祀以無忘公之功德明年又建侯生祠於右偏與陸祠並峙以報侯成終之績侯不能拒也余因而并記之

泉湖山房集

新修城頭文昌塔記

國朝張濤

章貢東南來歷十八灘之巖巘容與乎鷺洲滌洞乎字水逶迤而滙於淦天水相涵浩曠無際其淵渟瀦蓄勢不至於直瀉則恃有城頭九龜山之屹然爲砥柱也山

距城西北五里許闖然奔赴於水湄若虎豹蹲而將飲
焉者昔人置塔於其巔以作鎮中流爲淦城拱衛而說
者謂人文盛衰視於塔之興廢理或然歟然予考淦之
人材抗志如陳子喬殉節如練中丞敢言如黃給諫博
雅如曾得之調燮如金文靖邊功如陳簡襄未易更僕
數何其盛也謂非山川秀氣磅礴鬱積鍾而爲傑歟抑
亦茲塔之聳峙於山川間有以大發其靈異也塔廢久
矣士大夫有志修葺往往憚經營之費用舊制殆不可
復嘉慶二年戊午秋趙益堂明府以廉明宰是邑政修

人和加意文教亟謀所以新之適劉戶部幹齋先生致
仕里居出而集紳耆勸輸擇邑中公正老成董其事飭
工庀材越五年庚申七月乃告葺焉歷時兩載計高十
有一丈植土拔地壘石干雲裊然若神虬矯首天風浩
浩勢鸞騰而不可畔援也巍乎與玉筍閣皂百丈諸峯
拱揖於前後左右嶺峯而不可攀陟也自贛以下綿纏
數百里之形勝悉薈萃於斯爲之殿奔以蓄其氣俯仰
縈帶基崇而址厚是固由邑之人士趨事赴功而非有
倡之者亦安能聿觀厥成哉然則多士於此可勃然興

矣方今

聖人御宇文治日隆淦以文獻名區節義文章風流未泯苟
毅然蘄至古人敦品積學以應作人之化何難有志竟
成彼謂地氣足以限人形家者言耳詎可以囿豪傑之
志况賢令尹鄉先生復能修舉廢墜以培地脉而昌文
運如此其勤且至也則尤當淬勵奮興無誘於勢利無
移於習俗儲有用之才以無負作者之意豈不休歟余
與邵君秀堂司鐸於茲方期庠序間經明行修蔚爲國
華繼往哲而開來學願多士勗之余且拭目而觀人文

新淦縣志

卷一地理志

古蹟

五十一

之盛也

見滄文抄

重修城頭文塔記

國朝趙增

距淦城西北五里有半截塔塢據山臨水砥柱中流爲
一邑形勢所關詢之父老不審頽壞於何年地險費繁
增惆悵久之思商其可致力觀察劉幹齋先生邑君子
也以耆年主學濂溪書院嘉慶丁巳解館來謁增問以
邑之風土人情曰敝邑之不古若也形家者言自塔塢
塌以來科名漸替天下事有廢有興固各有數若加意
修飾豈有不舉者增曰此守土之責也當節俸以倡之

適郡伯邱公蒞淦樂成其美邑人士感兩公之誠遂各捐輸有差鳩工興作撤而新焉越五年庚申而塔巍然峙立於河濱主之者倡於前輔之者成於後自觀察公而下陳公曰芳張君增齡李君學瀾周君毓珀鄧君錫疇楊君黃鄧君明始之終之任勞不倦往來勦督難更僕數而按日程功冒寒暑忘饑渴心籌目視則楊君黃之力尤多塔成增不避固陋爰命工勒石記之以示來茲

勸修城頭文塏引

國朝 劉世甯

吾邑之有九龜山也距城頭北五里許上挹章水貢水下矚鹿江劍江舟中遙睇闐然奔赴於江澗如虎豹蹲而欲飲焉者昔人置塏其巔砥柱中流爲淦門戶形勢之盛通邑賴之有塏以前人文鵲起自傾塏後科第寥寥據形家言塏之不修實執其咎予以望八老人思欲挽回而苦力有不逮然不急爲之謀則文風日靡揆諸春秋責備之言何所逃罪或曰君宦遊冊載典衣而歸塏之費不下數千金將焉取諸予曰衆心成城恐邑人不皆予若耳心苟僉同於塏何有人縱不爲通邑風水

計獨不思培元脉爲異日子孫計耶爰萃鄉城好義諸君子多方籌度力圖共修以其事請於邑侯趙侯有同志節俸爲倡適郡伯邱東河先生按部至淦亦樂捐廉以助夫爲賢守令者目擊斯墉之傾頽尙恐重修之不及則吾邑人士得無更加勸勉爭先解囊樂爲衆擎之易舉乎果爾吾知廢者復興厚報桴應從此科甲聯登漸臻顯達誰謂人文不媲美於前哉是爲引

跋劉幹齋先生勸修文墉引後

國朝

邱學敏

東河

讀觀察公勸修文墉引知公一片婆心畢露於行墨間

新淦縣志

卷一地理志

古蹟

五二

敏不能不躍然心動顧倡者在觀察而踵而和之者在諸同岑之共襄盛舉也諸君各有賢子孫咸思由科第起家安可無實心實事以共底於有成哉用書青蚨貳伯貫以助觀察之義舉兼以鼓諸君子之善念將美舉速成厚報立見敏實有光焉謹跋

肉身楠鐫在大洋洲蕭公祠楠燬於火鈔在祠前

募修英佑侯蕭公肉身亭疏

國朝

劉佳琦

神仙羽化遺骨人間存於山者有矣武夷王子鸞華山陳希夷是也塑於龕瘞於塔者有矣南華六祖青原七

祖是也存於桶者則惟吾淦英佑侯相傳侯年八十餘
啖一白石而化遺命貶以巨桶以亭覆之今廟左肉身
亭是也某歲不戒於火神像併肉身不存說者謂侯實
前知天災流行願身受當信如是侯之禦災捍患爲何
如哉昔壬子侯裔某曾請先大夫爲疏勸捐四方之士
爭相解囊不數月廟貌一新惟肉身亭未建繚垣亦多
傾圮再商於里人以書來蜀屬予引其端予維川蜀爲
侯舊遊地予自筮仕以迄乞假往來川中垂四十年仰
侯之聲靈以濟其危急者多矣此固予所急欲爲者夫

新淦縣志

卷一地理志

古蹟

五三

成而毀者數毀而必成者理也蘇軾言自其不變者而
觀是造物者之無盡藏也信哉

蕭公鐵鈔公於永樂中屢著靈異加封水府靈通廣濟
顯應英佑侯相傳公客遊四川時從舟人求寄一鈔重
千餘斤舟人難之公曰第許我我自能致之因去不知
所在舟至洋洲舵淺不進前夕其家夢公云吾寄一鈔
在客舟明日可往取比出至江問客舟鈔所在舟人恠
訝家人云昨夕吾翁夢報我因共曰昔發舟時有一老
人求寄鈔後不果來豈卽此也因共從舵尾索之鈔繫

其上又客舟載芝麻江上舟忽漏然不可尋因共祝神
漏輒止比艤舟出所載舟漏如故索之有一魚從漏中
出腐矣年八十一坐化洞庭之上成祖北征見有神從
空中助旗幟書蕭字因加封順天王今其鈔在廟門之
右大可盈屋又有靛桶一在門之左家人謂公死時囑
無葬我第以靛桶覆之今其尸尚在凡從江行叩之無
不響應於蜀尤著云

秉器集

流觴曲水石在城南里許雷塘寺側鄧姓邨前相傳明
初十才子會飲於此其石方廣丈許中稍隆四面可坐

新淦縣志

卷一地理志

古蹟

五四

十人中鑿水道灣曲迴環每至坐處一灣飲時注水置
觴於中間水面揮之令自流轉到座處坐者賦詩飲酒
洵風雅盛事也 考明初才人新淦爲盛有臨江十才
子見志者八人清江劉永之新喻梁寅新淦張美和周
所立黃體方宋一俊鄧伯言婁仲實又有新淦十才子
見志者美和以下六人後皆膺薦惟伯言仲實未出仕
今其石猶存其人已古流風遺韻令人興懷前哲也

何將軍山林圖詩

有序

明金幼孜

同邑何叔安所居在金川之潭溪左右皆佳山水

因追慕何將軍山林乃命畫者爲圖而求余作詩
其上遂爲長歌一首以寫其山林之趣且以徵後
會云耳詩曰

寰中山林無處無奚獨將軍名最都不因工部有佳句
後人那得知其故金川玉峽秀且竒潭溪更在金川西
將軍奕世遠孫子繼承文采尤光輝名園綠水南塘麓
第五橋邊富修竹真宰何年驅六丁掇取靈區過潭曲
石欄點筆聽流鶯銀甲金魚舊日情四時佳致宛猶昨
一段勝景真天成何郎意度尤瀟灑貌取山林入圖畫

新淦縣志

卷一地理志

古蹟

五五

朝來訪我歡相持索我題詩說鄉社臨風濡毫爲寫之
却憶故山勞夢思濠梁谷口未應遠白雲流水還相期
明當乞假向天子錦衣快着歸鄉里預擬山林作勝遊
馬蹄踏徧煙霞裏

文靖集

國朝

施公講堂在讀書臺下邑令胡之琳建

康熙壬寅使君施公閏章分守湖西振興人文昌明理
學講學清江白鷺之間紳士多景從之乙巳駐節吉陽
道過金川邑令胡之琳偕紳士迎公講學於讀書臺下

惜陰書院舊址畱韻誌別是冬邑令胡之琳建堂三間
中爲施公講堂復祀陶公及公孫潛又移勉齋黃先生
木主並祀焉使君以裁缺議下去士民畱之龍岡書院
請講學三日乃送之使君江使君江者臨江城外清江
也民以其名清曰是江如使君因改名之至是不能別
復送至湖會湖漲使君所乘舟御史贈物輕不能渡民
爭買石膏填之以渡乏食賣其舟而歸作賣船行云誰
言在官有餘祿倒篋購書猶不足誰言薄宦無長物故
人贈船如大屋載書千卷船未滿四座詞人命絃管清

新淦縣志

卷一地理志

古蹟

五十六

江白鷺伴往還楚騷歌急吳歌緩自擬相將汗漫遊歸
來蕭索妻孥愁親朋爰顧只空手不如棄此營菟裘近
日括船軍令急戰艦連檣如雨集大船被執小船破長
年竄伏吞聲泣去官那敢說官船汎宅終輪枕石眠欲
藏無壑賣不售且繫青溪蘆荻邊

參合毛西河集

浮邱王郭三仙修真於玉笥閣阜後又至玉華峯頂玉
華之丹壇遺址四面皆佳境仙壇之前有巨石狀如龜
頭朝壇門各曰朝仙龜壇之東南有石天將風其石自
轉石定風輒止各定風石壇之西南二石削立中屈曲

爲登峯路名朝天門正西有洗眼池人有患目疾者禱
仙汲水洗之卽明其下爲捨身崖懸巖數十丈崎嶇令
人怯視壇後石如城門長五六丈前後僅能側身行名
穿仙洞北有犀池廣四五十丈其水大旱不涸履其旁
則搖搖欲動相傳池中有三仙驅怪犀隱此壇東數武
又有石鼓扣之其聲夔夔又數武有石洞可坐名仙人
洞自三仙後有百餘歲道士修鍊於此忽見美婦前知
爲狐遂去又有石屋廣六七尺深五六尺四面石壁屹
立皆三仙遺跡向有壇久廢

國朝同知銜李秉旭倡首復建將壇移前數丈游人坐壇
中拭目顧瞻佳境歷歷在目

新淦縣志卷之一

地理志

風俗

四民之業審其趨驚而抑其偏尚轉移之風被於土所以成之者行乎人首而士習次而農工商賈大而冠婚喪祭細而日用飲食顯而人事幽而鬼神皆應書也因編風俗

新淦自漢以來建置甚古爲邑最大理學忠節文章之士踵接肩比史冊爛焉闢門挹秀人文之氣見於山川

新淦縣志

卷一地理志

風俗

一

憑高望遠可以奮然而興矣

施閩章淦學記

自清江鎮徙南市村與郡治兩江渝水若義宓之在唐虞前而斗樞之出星辰上千有餘歲人文代興絃歌俎

豆彬彬郁郁

施維翰淦志序

米粟之藏方舟而出保介山谷其土沃其泉冽宜秬者十六種稻者十四時其登耗量其多寡察其稻秬民無滯積亦無露李

楊爲棟泥江湖橋記

邑之山川扶輿有待而顯聲氣感召不知其然而然淦玉笥金川固才雋之藪也士不釋佔嗶而務敦孝悌忠

信之實文不沒於異端而原本六經府志

衣冠多所萃止藝文儒術斯之爲盛雖閭閻賤品處力役之際吟咏不輟府志

君子貴玉溫潤而澤仁也縝密以栗知也廉而不剝義也垂之如隊禮也叩之其聲清越以長其終喏然樂也瑕不揜瑜瑜不揜瑕忠也孚尹旁達信也氣如白虹天也精神見於山川地也圭璋特達德也天下莫不貴者道也嗚呼其忍棄之哉金川有義士類此者王佐金川

玉屑集序

新淦縣志

卷一地理志

風俗

一一

明季士子倡爲社集如復社幾社與東林遙相應和致成門戶之禍此橫議之壞習也宋時新淦之士有鄉約專講立身制行之道如青雲約魁星約鄉邦之士來遊此土或應舉赴都者皆有資助見於文文山集序稱新淦風土之厚不但高區區周急之義也吉水文天祥文

山集

淦水之東涉牽水而北距余邑六十里而近趾相錯也俗好疆井相若也賦庸之所入歲相若也星祥之告月相若也士之敦學知相若也余邑父老有言曰我生乃

不逮淦人

楊廷麟淦志序

晉羅綏嘗宰新淦後其子含送楊羨到縣新淦人以含

舊宰之子咸致賂遺

晉書

川嶽之秀發於人也其奮激而峻烈者往往若飄風迅

震不能以日乃其沉鬱抑塞當發也而未盡洩必停蓄

融液薰為和氣而又悠長紆遠愈久而著

朱孟震秉器集

金川古廬陵併入巴邱地也村落棋布民居鱗集於城

則廛舍輻輳臺榭帷聯誠為豫章巨區觀四野桑麻知

萬姓豐儉可憂民之憂而樂民之樂

董謙吉淦志序

新淦縣志

卷一地理志

風俗

二二

筆工市傭與歐褚通進技進道衛霍摧鋒傅管抽毫求

售不同

岳珂玉楮集

地當舟車四會之衢山峻水清逐末者多

鄧元錫方域

志序

峯巒秀拔巖谷杳密煙簑雨笠遠近相望行旅遊人後

先雜還田有稻秫林有桑麻圃有菜茹池有菱芡芙蓉

場有雞犬牛羊溪有魚蝦鳧鴨可以給衣食賦稅為賓

祭之奉

金幼孜北征集

其君子善居室小人勤耕稼俗少爭訟勤於紡績有夜

浣紗而且成布者俗呼爲雞鳴布

隋書地理志

淦俗女功尺布條棉皆可以有易無婦以紡績持家七
夕乞巧亦鮮設瓜果於庭但望河箕星以爲占候諺云
河箕來得遲米穀甚便宜學博饒夢銘風土詩家計端
憑大婦裁刀頭何日藁砧回無錢也沽當壚酒尺布條
棉質得來半簾秋月照娥眉少婦婷婷乞巧時却怪拋
梭人靜後牛郎不看看河箕戴石屏云天河司米價太
乙照時康天河顯晦可卜米價之貴賤

石屏集

地爲黃勉齋過化存神之地民服其教不令而善行宋

新淦縣志

卷一地理志

風俗

四

季迄於明初相距百數十年故家遺俗流風善政猶有
存者淦人不輕去其鄉父子有親兄弟妻子不忍離散
宗族相卹凶年獲免於死亡俗猶近古廬陵爲節義之
鄉淦之士氣頗類廬陵讀徐子權翹首謝京國飛魂歸
故鄉之語此豈後於周是修者哉高或類於狂次亦有
不屑不潔之操焉昔朱秉器之見黃仁山也酒酣泣別
時分宜當國戒以此行斟酌勿失身於權門及授南刑
曹復寓書戒之曰南都多鄉人士每來就訪攜鰥鰥候
門甚虧雅道固不宜拒禮遣之可矣心服其言歎其愛

人者至此可得士習民風之大凡矣

參引楮談

輜軒所采稱此邦之人民良士秀上之詩書之澤祖而
父父而身者孝悌之詒也次之溫飽之志祖而父父而
身者力田之詒也析薪克荷肯構肯堂斷不能不稼不
穡弗狩弗獵享也闇於貪天愚於效人此俗之敝也明
台州守楊爲棟言淦東土之民逸鮮長慮西土之民勞
好逐末富者賤五穀而貴金玉貧者棄耒耜而好遨遊
又其甚從與爲奸冀彼竭而我盈卒之交相濟者乃至
於交相困可爲長太息矣不士不農遊手遊食伊於胡

新淦縣志

卷一地理志

風俗

五

底讀練忠貞集言元之盛時淦稱富庶富民之居誇奇
鬪靡窮丹雘而被文繡一旦勢衰運屈求其敗瓦遺垣
無復存者又讀吳志紀聶侯事言侯少爲吏有唇吻不
知今之所見或異於古所云耶抑古今人之不甚相遠

也

舊志參引吳志

種稻清明前樂事我能數毛空暗春澤鉞水聞好語分
秧及初夏漸喜風葉舉月明看露上一一珠垂縷可謂
苗而秀矣淦水鄉六餘多山田投種獲稻微分先後水
田插秧差早獲稻如之蘇注云稻初生時農夫相語稻

鍼水矣鍼水之法投種之後決去其水晒之三日使泥
作龜坼紋引水灌之稻芽經夕便青山田之稻投種卽
不可晒晒乾則牢不可拔陸放翁詩泥融無塊水初渾
雨細有痕秧正綠殆謂此也

施注蘇詩參引放翁集

雞鳴夜績謂之雞鳴布東方未明布僧列屢市布如北
方曉市布之佳者一疋值千八百文鄉人入城賣布城
門未啟坐守以俟漏殘啁啾笑爲蝦蟆更東坡云草木
之長皆在昧明之際凡人五更失眠則面色黃瘁肝血
失所養也故不得睡者爲打蝦蟆更然杭城記五鼓已

新淦縣志

卷一地理志

風俗

六

畢再打六鼓爲打蝦蟆更楊誠齋詩天上歸來有六更

誠齋集參引林志

婦以蠶織爲事無才爲德而危急存亡之秋又才以濟
德也城南羅氏婦勤於蠶績少而寡夫病瀕危問之曰
若以直稱我死若嫁耶氏曰許身先許心若欲我許身
耶許心耶曰許心耳然則盍俟諸曰誰能忍死而久俟
也夫卒氏三年不笑亦不戚休其蠶織或問之曰十指
之功安能活八口之命吾其爲百指計可也於是銖積
寸累酌盈劑虛以致富歲除夕必潛詣夫靈擊磬一聲

拜且泣曰我爲若又一年矣歲率以爲常年五十子婦已成立夜深分歲家人復舉前磬以待擊氏笑曰毋須吾乃今知免矣按漢書李善傳善爲李元蒼頭建武中元家疾沒唯孤兒續諸婢欲殺續分其產善深傷李氏而力不能制乃負續逃去自哺養乳爲生湏後瑕邛令薦善行狀辟公府過李元冢拜泣甚悲曰君夫人善在此傳言男智莫如夫女智莫如婦羅氏婦智以成仁歟

參引後漢書

雇役有長募短雇法以歲計日計皆謂之客作歲計者

新淦縣志

卷一地理志

風俗

七

則忠於所事視若家人非有吉凶之事不能給假也其去率以小除日俗於是日掃塵具酒食以勞其終歲之勤動客作之不能終歲者羣訕之曰渠已掃塵矣小除夜照田蠶擊如願點耗虛聽犬吠以下吉凶荆楚歲時

記

乾隆己卯年重修城垣之役首士廖峻身肩其勞督役頗嚴而羣下服其指揮畏若師保淦舊志稱淦土穰地廣民物蕃阜貢賦征徭倍於他邑而事恒先集江右所統數十邑未有能過之者

周叙序

淦俗奢儉頗得其中國初士大夫多服紫花布袍履綦
皆布比齊書楊愔傳愔曰此縑出自內人機杼黃山谷
詩垢襪春汗黑俗儉而文猶然可想靜志居詩話劉宗
周家居恆服紫花布衣士大夫爭效之布爲長價

明詩

綜

食物之美曰黃雀曰白醪一謂之梨花白卽今之冬水
白清江劉永之詩市南美酒梨花白最憶青絲繫玉壺
水多味薄市以三錢則失古法矣梅都官詩白醪燒甕
美黃雀下田肥楊誠齋作黃雀醪云賣身不值程將軍

新淦縣志

卷一地理志

風俗

八

却與彭越俱策勲平生學仙不學禪剗心洗髓糟床邊
是糟之味美也

參引誠齋集

烏骨雞雞黃雞皆可以治疾作膳雄雞則發風動火爲
病家所禁斂之則名線雞鄉俗斂雞用小刀去其勢旋
縫以線不線則劊口易開線之則劊口愈密飼久愈肥
然線雞之名初不因線縫謂別色成羣爲一線耳見於
戴復古詩云區別鄰家鴨羣分各線雞註謂闔雞一線

作一羣各線則別作一羣

石屏詩集

傳柑令節富家多以酒食珍異相餽遺東坡云貧者謝

不能微質出春磨屑梳搓酥謂之元宵子或以水煮之謂之浮圓子周必大平園集星燦烏雲裹珠浮濁水中歲時編雜詠附此說家風新淦則呼爲水銀子按水銀草卽鼠耳草也一名茸母苗長尺許似馬齒莧而細有微白毛花黃江西人呼爲鼠耳北方生於禁煙節極南地煖上元節已抽臺而出採搗擠汁揉合雜和青翠之色欲流柔嘉且韌經宿不易味亦土物中之佳品宋徽宗陷遼詩茸母初生認禁煙卽此草

本草綱目

鄉曲婦人孺子皆慎生命每見醫士輒相慰勞曰父母

新淦縣志

卷一地理志

風俗

九

心然此語亦有所自勝國之初有劉先生者擅其術鄒輔星訪之題其室曰籠內君臣藥人間父母心至於左手檢方右顧金兩手雖殊皆劍戟則如近世醫來寇至之諱矣

參引輔星集

新淦娶婦彩輿將至父母必命子出門探望謂之望轎此猶親迎之遺意也婦至降輿以帕或綾紗蒙其首其禮不知起於何時杜佑通典曰婚媾王化人倫之本拜時之婦禮經不載自東漢魏晉及於東晉咸有此事按其儀或時屬艱虞歲遇良吉急於嫁娶爲此制以紗縠

蒙女氏之首而夫氏發之因拜舅姑便成婦合昏復飛其禮此儀容之弊法而今遂爲通行矣

彙書

鄉人婚娶重族望問各必曰門戶相當否新婦入房合昏後盛飾拜天地祖先行交拜禮拜舅姑次拜夫之長屬親戚故舊故有拜客之名拜時非親非舊亦列於庭以覲婦容謂之看新婦

懷秋集

淦俗婚配無力之家多廝養媳大婚成禮謂之檢攏新婿過門呼爲嬌客然此風不始於近代宋時已然黃山谷詩云污泥解作白蓮藕糞壤能開黃玉花又曰婦翁

新淦縣志

卷一地理志

風俗

十

不可撓王郎非嬌客淦諺語有祇圖妻子樂何惜婦翁爲任淵注黃集云後漢第五倫傳光武戲謂倫曰聞君爲吏笏婦公甯有之乎

山谷內集

鄉俗迎神多以鼓聲爲節正月謂之元宵鼓五月謂之端陽鼓七月謂之中元鼓十二月則謂之臘鼓臘鼓鳴春草生中元南市試燈更深人靜鼓聲徹於十里而端陽龍舟易爲綵紉謂之乾船鬪巧爭奇金碧絢燁殊爲敝俗然此風不獨新淦清江其始事也宛陵公神船行云塵飛處水東去梅花已落江臯路年年賽社不愁貧

典衣又辨蕪田賦

參引愚山集

祥符觀未毀以前道流祈禳之術頗行有某道者矮而
胖嗣其教致富投正乙真人署以道職行招魂法夜三
鼓星冠象簡袍服當道有巡捕者於月影燈光下遙見
之詫問曰彼何人某懼持簡障其面徐答曰乃卑職也
聞者莫不掩口按丹林之官始於徽宗神霄萬壽之名
遍天下天書雲篆務以惑人道流皆加冠服何得一輩
皆侍宸羽客之流共爲神怪者也

參引宋史林靈素傳

淦俚語有舩趨之談蓋含怒意訾笑人爲風所吹也東

新淦縣志

卷一地理志

風俗

十一

坡舩趨風詩引吳中梅雨旣過颯然清風彌旬歲歲如
此謂之舩趨風三旬已過黃梅雨萬里初來舩趨風殆
謂中其風者爲舩趨

東坡詩抄

落離蓮離落蓮厯厯落落太平年此市井歌謠合唱之
尾聲乃花開蓮花落之同調也王元美高自標舉評論
諸家嘗謂唐六如曰伯虎棄落之餘務諧里耳如乞兒
唱蓮花落矣其少時亦復玉樓金埒

靜志居詩話

五月靈誕天符帝人人捲却舊棉被七月迎來張大王
一番雨過一番涼九月羅拜郭令公家家準備火爐烘

此卽夏至數九之謠按冬至數九云一九二九相招不出手三九四九沿河看柳五九六九尋親探友七九六十三行人脫衣衫八九七十二猶犬行陰地九九八十一犁耙一齊出

廣羣芳譜

卑幼敬其長上吉凶之禮每服襴衫奕葉清門以此爲貴士子初補學官弟子製爲襴衫或苾或絹其服儒雅相傳其製始於明之孝陵二十四年三易其式而後定用玉色絹布爲之皂緣繫帶今則易以藍無用布者

明詩綜

新淦縣志

卷

四志

風俗

十二

淦鄉俗家有喪事每弔客至鳴鼓爲信按吳隱之傳早丁父憂事母孝謹及其執喪哀毀過禮家貧無人鳴鼓每至哭臨之時恆有雙鶴警叫及祥練之夕復有羣鴈俱集時人咸以爲孝感所致乃知此俗在晉固然矣

秉

器續談

喪祭雖未盡合古經富者不受賻卽貧者亦不願受他人之惠以爲殯殮延僧道做七做中元此牢不可破之習也父母有疾爲子者皇皇然衣不解帶疾度不起受遺訓書而藏之友之尊而密者同受遺若師保然倘背

棄信誓則覲顏無以自立於士林故淦之月且視他邑
爲尤激切以牲醴來祭答以布帛棺以紗枋墳以磚石
富者納雄黃朱砂貧者納灰炭擇地之可葬者告啟期
擇日開塋域祠后土穿壙刻誌石造明器大舉功布作
神主告遷柩於廳事親賓至賻奠厥明設遣奠遷柩就
舉祀奉魂魄升車發鞞乃窆

文公家禮

堪輿擇地之術本於晉郭璞所著葬書二十篇後人附
會之說蔡元定常去其十而存其八後世言地理者此
其祖矣江西之法肇於贛人楊筠松曾文迪賴大有謝

新淦縣志

卷一地理志

風俗

十三

子逸爲說專主於形勢溺其說者或妄希富貴或拘牽
忌諱多致不循古禮以葬三孔之先本田家翁常步行
入巖谷間少憇覺和氣燠然心甚愛之已而忘歸近暮
家人尋至其地問故翁曰我覺此山中氣暖與他處異
若我死當葬於此踰年而沒其家從其言後遂生司封
君再世而生經甫伯仲其地今在新淦縣之西岡

青巖

叢說彙引春草堂集

正月諺語占候元旦暗早稻齊著勘元旦至十二日每
日取水一瓶稱之一日至一月其日水重則其月雨多

輕則少又元旦宜暗四邊天大雪紛紛是旱年此與元旦雪百穀豐所占微有不同農圃六書

二月諺語占候未曾驚蟄先雷鳴四十九日半陰晴社公要晴社婆要雨社公不喫乾糧社婆不喫舊水圖史

三月諺語占候三月三九月九無事勿向江邊守光清明暗穀雨雨打墓頭錢今年好豐年羣芳譜

四月諺語占候穀雨立夏漂犁泊耙樹無梅手無杯五果生於五穀田家五行志

五月諺語占候芒種火燒天夏至雨連綿日暖夜寒東

新淦縣志

卷一地理志

風俗

十四

海也乾

五雜俎

六月諺語占候小暑將大暑割六月霧要雨待白露彙

圖史

七月諺語占候開眼秋物物收朝立秋涼颼颼暮立秋

熱到頭

五雜俎

八月諺語占候八月中秋夜益沉繳起金車上陸程陸

程一云是六塵

中秋矇矓月雨打上元燈白露有雨陰

焦禾分後社米粟遍天下

農圃六書

金車耕車也崔豹古今注

九月諺語占候九月重陽柑子蜜黃師曠占米穀以九

月九日爲本自一日至九日以日占月遇此日大風則
來年此月穀貴 圖史

十月諺語占候十月無霖落高田不用作十月初一晴
柴炭灰樣平河射角好夜作言夜長可補日短也 師曠
占

十一月諺語占候冬至霜白夏至田圻十一月風氣多
與六月相應煖火向一爐煖酒餉一壺乾冬溼年坐了
種田 嘉興志

十二月諺語占候一年又一年買那處庄田貧兒致頌

新淦縣志

卷一地理志

風俗

十五

富室之詞長長成成做個好人長者勞勉卑幼之詞爆
竹聲心易驚窮苦無以卒歲之詞兩春夾一冬無被煖
烘烘兩春夾一冬牛欄九處空除夜不犬吠新年無疫
癘 五雜俎

俗傳賽會歌謠

人日歡場好賽神康王祠畔鼓振振就中只有扶犁叟
早引春牛試吉辰 正月

燒燈過後又朝雷快活生涯寶押開大石橋頭茶酒便
穩晴天氣典衣回 二月

插柳門庭舊俗仍
南山雷雨勃然興
誰家稻種投陂滿
恰坼龜紋活水蒸

三月

四月餘寒麥報秋
香傳餅餌綠如油
蘆芽已老河鮑罷

打麥江鄉薦麥魴

四月

竹龍又替水龍船
鬪巧爭奇色色鮮
笑殺城東王畢節
聽人齊唱落離蓮

五月

日午鋤禾汗似漿
倉箱有慶顧丁忙
兔園夫子嗟何事
漫捲詩書喜欲狂

六月

中元南市試燈初
鼉鼓聲搗响疾徐
大家拚費金三鑑

新淦縣志

卷一地理志

風俗

十六

聘取村優當說書

七月

豐年佳節餅如盤
兒女青紅月夜闌
一事關心頻問訊
木棉花涇露成團

八月

閉閣聽經不作忙
不知風雨近重陽
祥符道士工焚誦

一朵紅雲降玉皇

九月

白炭黃柑并綠醅
小春時候集江隈
青原寺裏光明佛
只問廬陵米價來

十月

冬至陽生感倍虔
霜庭稽首淚洟漣
士貧只病供牲殺
何處能營負郭田

十一月

何物佳兒號甯馨百忙時節聘娉婷雙星度罷春星動
又喜人家拜歲星 十二月

新淦縣志

卷一地理志

風俗

十七

新淦縣志卷之一

地理志

物產 素無貢物

新淦地非膏腴素無異種佳產惟稻糧以資貢獻取土物而分疏之疏五穀食為天也疏布縷紀被服也疏菜果備歲儉也疏牛馬禽魚備燕享也疏草木花卉疏蟲疏石儲藥物供玩好也因編物產

五穀

粳 李時珍曰粳乃穀稻之總名以晚稻為粳者非有早中晚三收六七月收者為早粳八九月為遲粳十月

新淦縣志

卷一 地理志

物產 五穀 一

收者為晚粳其種近百各不同俱隨土產而異也晚粳氣涼色白入肺早粳得土氣南方氣熱性溫赤者益脾胃者益胃新淦大約春社前後浸種最早者名驚蟄種立夏前後蒔秧謂之栽禾有一種秬米最早熟者謂之五月早羊鬚粘救公饑五月賽會迎城隍神則新米入市矣晚粳八月熟者名八月白九月熟者名冷水白二種為白晚粳之上品有名秬禾紅者其米又分精粗二種蘇軾詩翠浪舞翻紅穉極是也吐血不止陳紅米泔水溫服一鍾日三次即止 普濟方

稻

一名秬一名糯物理論所謂稻者漑種之總稱本草則專指糯以為稻字林云糯粘稻也秬不粘稻也秬糯相類以粘不粘為異當依說文以稻為糯為是古人釀酒多用秬秬乃糯粟故諸說論稻往往費辯也其殼有紅白二色米亦有赤白二色或有毛無毛新淦有早糯六月收作酒味永有大糯九十月熟粒最長大最白可炒為爆花糖粘為團有桂花糯八月熟有石殼糯即虎皮糯久洩食減糯米一升浸一夕炒

研入山藥一兩每晨人白糖胡椒末少許滾湯調食
久服補脾煖精止洩鼻血不止炒黃為末新汲水調
下仍吹少許入鼻
極驗 簡要方

秈 卽占稻早稻也光熟而鮮明故曰秈自占城來故曰
占似粳而粒小處處有之高仰處俱可種稈治反胃

燒灰淋汁殺蟲取覆厠坑多年陳久之稈洗淨煎湯
治膈脹不食解牛脯毒 普濟方

小麥 一來二麩秋種冬長春秀夏實具四時之氣止煩
除熱養心肝心之穀也故收汗止血浮麥卽水淘

浮起者
焙用

大麥 一名牟麥苗粒皆大於來牟亦大
也通作麩磨麩作醬甚美

蕎麥 一名烏麥立秋下種性最畏霜赤莖白花久食動
風和肉食落鬚眉能去五藏沉積滓穢最降氣寬

腸有濕熱者宜之稽燒灰淋汁入鍋內煎取白霜一
錢入蓬砂一錢研末酒服半錢治噎膈食不下 經

新淦縣志

卷一 地理志

物產 五穀 二

驗方

稷 稷與黍一類二種粘者為黍不粘者為稷稷可作飯
黍可釀酒猶稻之有粳與糯也今俗通呼為黍子不

復呼為稷矣苗似
蘆其粒疎散成枝

黍 稷之粘者為黍粟之粘者為秠粳之粘者為糯此出
江北江東雖有而非土宜汜勝之云黍者暑也待暑

也待暑而生暑後乃成也菘葉裹成
糲食謂之角黍以黍雪桃取其粘也

粱 粱卽粟也穗大而毛長粒粗者為粱穗小而毛短粒
細者為粟苗俱似茅今通呼為粟而粱之名反隱

粟 今人專以粱之細者名粟粘者乃
為秠不粘者為粟北人謂之小米

秠 一名糯粟北人呼為黃
米釀酒汁少於黍米

玉蜀黍 似蜀黍而肥矮子亦似蕙苡苗心別出一苞如
棕魚形苞上出白鬚垂垂苞拆子顛顛攢簇黃

白色可炒食炒之拆成白花

蜀黍

一名高粱如蘆荻粒大如椒紅黑色稍可作箒可養畜作酒備荒以上俱本草綱目

大豆

有黑白黃褐青斑數色大小兩類黑者名烏豆入藥作豉黃者榨油作腐豆煮汁止痛散結逐水除

胃熱豆解百藥毒必加甘草其驗乃奇黑豆二合炒焦熟白酒一大碗煎至七分空心服治孕婦腰痛如折一名豆淋汁一名

紫酒 生生編

綠豆

水浸生白芽為菜中佳品製粉功用甚廣有觀音夢授散同金銀花煎服各金豆解毒湯治疫瘧瘋

瘴 東峯說疫

豌豆

苗生柔弱如蔓有鬚開小白花如蛾形子圓如藥丸磨粉甚白賦百穀之中最為先登

蠶豆

豆莢狀如老蠶蠶時始熟二月開花如蛾紫白色結角連綴如大豆楊萬壽翠莢中排淺碧珠名因

新淦縣志

卷一地理志

物產五穀三

蠶繭一絲綉

豇豆

開花結莢必兩兩並垂子微曲如腎吳偉業詩錦帶千條結銀刀一寸齊楊萬里詩晚紫豆花初總

角

菹豆

一名蛾眉豆沿籬豆花有紫白二色莢生花下其莢凡十餘樣白露後更繁衍止洩消暑除濕熱化

清降濁生研絞汁解

砒霜毒 永類方

刀豆

以形命名可蜜餞醬食子下氣歸元燒研調服止呃逆 時珍

黎豆

老則黑而露筋如熊指爪之狀子淡紫色有斑點莢有口茸毛溫中益氣 時珍

白豆

即飯豆新淦呼為白眼種味甚甘平可作醬作腐復可拌作粥飯四五月種之能殺鬼氣助十二經

脈煮食利五臟下氣 日華

胡麻 一名脂麻巨勝莖名麻蕪亦作稽脂麻謂其多油
也有遲早二種黑白赤三色其莖皆方胡麻性與
伏苓相宜九蒸九晒搗餌斷穀黑者通腎潤燥療痔
同連翹為末頻服消瘰癧麻油塗諸虫咬傷夫婦同
種則茂本事詩胡麻好種無人
種正是歸時又不歸慎微本草

蔬菘

芥 俗呼為春菜性能耐寒有耿介之操故名芥自冬徂
春故呼為春一介之微若甚草然可以禦饑歲新
淫家蓄而戶植之至春仲蒸而戾之曰乾菜鹽而醃
之曰鹹菜取其魁味美於蘿白摘其莖香逾於椿芽
可葷可素入茶入酒園蔬之上品士農之家珍咬得
菜根則百事可為也陰症傷寒腹痛厥逆芥菜子研
末水調貼臍上即愈眉毛不生芥子半夏等分
為末生薑自然汁調搽數次即生 集效方

韭 濱江之處土瘠民勤地屬沙澗居人鮮春糧多藝豐
本以自給疎畦小墟土軟春酥芽黃滿把新香撲鼻

新淦縣志

卷一地理志

物產蔬菘 四

萹蒿滿地蘆芽短何足以方此也當一葉報秋之初
乃韭花逞味之始楊少師帖云云更不貴肥腴矣五
月五日午時取韭葉搗汁水入石灰杵和極細為團
風乾久藏研末止金瘡出血合口如神漆瘡作痒韭
葉杵傅即止斗門方消渴引飲無度用韭苗三五兩
作羹勿入鹽吃至十斤即效過清明勿吃秦憲副方

藝薑 一名油菜薑心為世所噉子可榨油三
月開黃花王士正詩蝶影蜂聲滿菜花

菘菜 一名白菜四時常見有松之操其色青白一類數
種有美與不美小兒赤遊丹行於面上若下至心

即死白菜搗傅即止子作油長
髮塗刀劍不縮 陶宏景方

莧菜 陸佃云莧之莖葉皆高大而易見故從見不可與
鼈同食六莧並利大小腸白莧補氣除熱滑胎蜈

蚣傷人取灰莧葉擦之即愈小兒
緊唇赤莧打汁洗之良 聖惠方

馬齒莧 一名長命草九頭獅葉大者不堪用能治多年
惡瘡脛膝炊痒用之即瘥見唐李絳兵部手集

馬咬傷人成瘡煮食之即愈一治熱淋寸白虫風齒痛項上癩癧末破同旋花打摻日敷三次即消毛虫刺人赤痛搗熱封之妙靈苑方

蕪菁

一名蔓菁一名諸葛菜夏初起莖開黃花時珍曰蕪菁是芥屬子為油燃燈甚明新淦人呼為辣菜子女妬乳生蔓菁根打和鹽醋漿水煮汁洗之或和雞子白封之亦愈食療方生取汁飲止鼻血王士正詩掘將帶露和根煮也似東坡玉糝羹

萊服

一名蘿蔔能制麪毒南北皆有白而脆者宜生啖大者重至五六斤或一秤夏月復種者形小而長下氣消痰止渴治肺痿吐血治噤口痢解酒治豆腐積失音煙熏欲死塗湯火傷麻後腸痛偏正頭疼諸淋白濁喉痺脚氣浮腫東坡云氣飽風露味含上膏種菜至樂也

芋

一名蹲鴟芋猶吁疑怪貌芋子滑有小毒瘡冒風邪腫痛白芋燒灰傅之乾即易頭上軟癢搗敷之乾即

新淦縣志

卷一地理志

物產蔬蔬五

易 千金方

甘藷

剝去紫皮肌正白蒸切晒乾收以克糧為藷粉健脾強腎同山藥 時珍

竹笋

諸竹笋皆甘寒無毒乾者燒研入鹽擦牙疔笋為美蔬楊萬里詩斑衣戲絲春無價玉版談禪佛不

如

薤菜

以薤而成故謂之薤解野葛毒取汁和酒治產難

胡荽

一名荳荽可以香口也八月下種晦日尤良道家五葷之一辛溫微毒痘疹不出作酒噴之辟肉魚毒然兒壯實春夏晴煖之時及胃中熱毒熾盛者不可用一治肛門脫出燒煙熏之種胡荽作諱語則茂王士正詩晚涼共坐池塘雨聽撒胡荽又一巡

苦蕒

斷之有白汁花似野菊一名天香菜病痔者宜食治疔殊效採青苗陰乾為末水調傅之亦治對口

瘡 經驗方

蒿苣

自尚國來故名有毒百虫不近蛇觸之則目不見蒿苣煎酒治乳汗不通 海上方

菠薐

一名赤根菜種子時須研開浸脹必過月朔乃生大便濇者宜常食以養竅其根與雞內金為末米

飲日服一錢止消渴 經驗方

葱

一名孔中有孔也葼薤葵藿葱五菜也素問云五穀為養五菜為克所以輔佐穀氣疏通壅滯也有冬葱柔細而香無子有漢葱一名大葱粗硬春末開花結子葱白治傷寒頭痛小兒無故卒死取白納入下部及兩鼻孔氣通或

嚏即活 經驗方

蒜

味辛性熱不可長食治惡核腫結 蚰蜒入耳背瘡炙法 肘后方

薤

一名藟子葍子葉中空而有稜花紫根如小蒜可煮食醋浸一種生麥原中者葉小辛苦溫骨善散結氣

新淦縣志

卷一 地理志

物產 蔬菹六

治胸痺刺痛誤吞釵環晒萎煮熱切食一大束隨出 葛洪方

同蒿

一名蓬蒿最易蕃茂辛平無毒養胃消痰 思邈

薑

禦濕之菜其尖微紫名紫薑處處有之淦產以上寨為勝嗜薑久積熱患目糟薑入蟬脫則無筋藥中之用薑棗辛甘相合一以味一以氣勝專行脾之津液而和營衛不獨至於發散也 成無己

薺

一名碎米薺師曠謂歲欲豐甘草先生即薺也冬至後生毛二三月起莖開細白花詩邶風其甘如薺能和肝氣明目潤血燥已瘡疥蘓軾謂天生此物以為幽人山居之祿不可忽也高力士詩兩京作斤賣五

溪無人採 明皇雜錄

甜瓜

味甜於諸瓜故一名甘瓜王貞云瓜類不同其用有二供果者為果瓜甜瓜西瓜是也供菜者為菜瓜胡瓜越瓜是也大曰瓜小曰瓠子曰瓠肉曰瓠其跗日環謂脫花處也其蒂日寔謂繫蔓處也藥品所

云瓜蒂即甜瓜蒂也一名瓜丁能
去胸膈痰涎水氣 仲景

西瓜 南方味不及北有長至二尺者甘寒
解暑解酒有天生白虎之號 汪穎

茄 一名落蘇隋煬帝改茄為崑崙紫瓜有紫有黃有白
有青人藥用黃老裂者燒灰治婦人乳裂 補遺方

瓠 一名匏瓜與冬瓜氣類相同小
者名瓢蘇軾詩蒸瓠如蒸鴨

冬瓜 經霜後皮上白如粉塗子名白瓜子瓜練如絮打
汁服止消渴治十種水氣截合瘡上治發背毒

肘后方

南瓜 結瓜正圓皮上有
稜或綠或黃或紅

稍瓜 一名越瓜可糖餞醬糟以克茶
食燒灰可敷陰莖瘡 孟詵

黃瓜 一名胡瓜今俗以月令王瓜生即此誤矣王瓜土
瓜也黃瓜二月下種葉如冬瓜有毛五月開黃花

新淦縣志

卷一地理志

物產 蔬蔬 七

結瓜至尺許皮上有癩點老則黃多食動瘧令人虛
熱上逆入芒硝陰乾為末治喉腫火眼 壽域神方

絲瓜 老則筋絲羅織可滌釜器能
通絡脈固氣和胎 生生編

苦瓜 以味名瓜內有紅瓢裹子
除熱清心明目 生生編

王瓜 一名土瓜公公鬚月令王瓜生即此其根作土氣
瓜似雹子熟則色赤根如括樓根之小者入上二

三尺乃得正根苦寒療熱下乳治瘀血
吳偉業詩齊民編月令瓜瓞重王家

果實

栗 但可種成不可移栽內寒洩瀉食煨栗二三十粒則
止栗於五果屬水水潦之年則栗不熟物類相應也

九月霜降乃孰事類合璧茅栗細如橡子樹小而葉
不殊秋實冬枯為異錢陳羣詩劈開新蠟樣脫手小

金 九

柿 處處有之甘寒引痰目晒乾者食多動風同蟹食害

人惟木香可解善解桐油毒人之陰氣依胃為養土

傷則木挾相火直冲清道而上
或作欬逆柿蒂瀉而平主欬逆

梅 多食損齒發膈上痰熱食梅齧齒嚼桃肉解之同

韶粉食則不酸殺虫烏梅能蝕惡瘡弩肉一夜立盡
無癥劉涓子

桃 肝者血之源血聚則肝氣燥桃仁煖肝散血亦治小
兒爛瘡腫痛起漿似火瘡桃仁研爛放之 秘錄

李 李類甚多新淦有麥李小而肥核不入藥可蜜餞點

茶小兒丹毒從兩股走至陰莖頭用李根燒為末旋
以田中流水調塗 即愈 千金方

梨 有青黃紅紫四色其品甚多必須棠梨桑樹接過者
則結實早而佳新淦所產多粗澀止可蒸煮切烘為

脯耳佳者潤肺涼心消痰降火治風解毒
為益不少取葉搗汁服解菌毒 吳瑞方

新淦縣志 卷一 地理志 物產 果產 八

橙 皮可糖製蜜餞解酒消痰下氣隔年風乾者燒烟可
熏痔痛蘇軾詩手香新喜綠橙搓

柑橘 新淦柑橘以近水植者為勝水氣土騰可以辟凍
色澤而味美

香櫞 置之几案可供清玩性溫下氣降痰水連瓢帶皮
陳久者用紅糖煎汁可治反胃壹膈

芟實 芟音妓別錄菱俗呼菱角三角四角為芟兩角為
菱屈到嗜芟是也多食損陽氣痿莖水族中最不

治病之物解暑止
消渴 本草綱目

銀杏 一名曰果一名鴨脚其核兩頭尖三稜為雄二稜
為雌雌雄同種相望乃結實或雌樹臨水亦可生

食引疳熟食溫肺定喘嗽縮小便治陰虱生毛除肉
中作痒不可忍嚼細頻頻擦之自愈 長春方

石榴 花赤可愛其房多子人多植之其氣溫澀具木水
之象損肺生痰榴花塞鼻可止出血皮煎水洗愈

浸淫痒痛瘡沈初詩綠葉開紅朶閒庭
日正長綵絲纏臂後人愛葛衣涼

枇杷 枇杷不接則核粗而味澁淦人力穡而疎於種樹故鮮佳果然六月涼如冰熨齒枇杷移陰碧書凡

受其美蔭亦自清涼廣羣芳

勃麟 原名烏芋有莖無葉其根纍纍下生入泥底與慈姑是二物羊勃麟皮薄澤色淡紫肉脆種以沃田

性冷消堅削積治赤白痢誤吞銅鍊 王璆方

櫛子 有苦甜二種皮樹如栗冬月不凋子褐色圓而有尖生食苦濇炒乃帶甘櫛子粒小而白俗名麩櫛

破惡血止洩止渴藏器

山棗 生棗甘辛而熱助濕損脾治婦人臍燥悲泣不止棗能生津受氣達黃宮以交離坎淦俗客至以棗

點茶黃庭堅詩日顛曝乾紅玉軟風枝牽動綠羅鮮 山谷集

柚子 柚皮厚味辛而苦有大小二種大者如瓜實丹者一名朱欒為臭柚可久雷柚可糖餞醒酒下氣葉

新淦縣志 卷一 地理志 物產果實 九

同蒸搗貼大陽穴治頭風 時珍

花椒 椒赤目黑水能制火引諸藥下行治腎氣逆上喘急元日獻椒永介眉壽以祈初吉胡椒大辛熱純

陽紅椒閉氣有毒 本經逢原

山查 一名唐毬子多食易饑煮汁洗身止瘡痒愈漆瘡化血活血疝氣痛魏禮詩味濇不諧時檳楂類諫

果 津詩鈔 綿

枳椇 一名雞距子多枝而曲其子亦卷曲止渴除煩利二便功同蜂蜜解酒屋外有此樹釀酒不佳時珍

長生果 一名落花生引籐蔓生花落於地根即生實掘取篩風炒食香美本經有長生草生石巖下葉

似蕨而細黑如漆二物皆被此嘉名樓鑰詩我欲餌之求久視恐君靈已不靈人

茱萸 處處有之以吳地者為好九月九日謂之上九茱萸至此日色赤氣烈可折以插頭辟惡老人病澁

脾虛風客於胃謂之水土同化泡吳莫三錢入水煎加鹽少許服莫能煖膀胱水道既清大腸自固他藥雖熱不能分解清濁也 經驗方

樹木

樟

木多文理一類二種紫淡二色舩船多用樟木淫人取樟之年久盤錯者鋸板製屏障几席有雉斑紋雲月山水異狀殊芳馨可觀樟木煎湯治疥癢根皮削屑傅金瘡止血莖葉置門上辟天行時氣本草綱目

楊柳

楊枝硬而揚起柳枝弱而垂流故曰楊柳蒲柳即水楊蕊黃為花花落結子成絮絮可貼瘡止血錢陳羣詩倘似木綿花可採人間寒女好裝衣柳一名觀音柳細葉如絲婀娜可愛小幹弱枝治兒疹不出痘新書

楓

葉作三脊霜後色丹脂名白膠香治諸瘡口不合同輕粉二錢猪脂和塗 直指方

新淦縣志

卷一 地理志

物產 樹木 十

桐

花紫色者子大有油為油桐無實者為青桐桐葉煮汁漬治手足浮腫加小豆尤妙 聖惠方

桑

子名椹桑之功最神資用尤多椹治癩癰結核葉可代茶止消渴洗風眼下淚海上方桑枝同益母草煎膏酒調治紫白癩風 聖惠方

柘

有刺喜叢生飛絲入目柘漿點之 綱目

楮

一名穀白汁如乳實治目昏難視同荆介蜜丸嚼食卜荷湯下 易簡方

枳

疏見藥品 其幹正直無枝其皮有絲毛取縷大為時利櫻笋煮晒為末酒下一錢治大腸下血 集簡方

烏白

其木老則根下爛成白子可壓油為燭根白皮治暴水癥結 唐本草

柞

木堅可為鑿柄皮 催生利竅 時珍

竹 竹類甚多各以時出小曰篠大曰簾有虛中有實心非草非木不剛不柔處處有之歷之出於竹如血之

出於人身清少補陰熱而有痰者宜之 本草求真

椿 香者名椿臭者名檇檇木疎椿木實嫩芽可茹消風祛毒 生生編

棟 實名金鈴子蛟龍畏棟五日取葉佩之辟惡 宏景

槐 疏見藥品

木棉 有草木二種禹貢島夷卉服厥篚織貝別於蠶綿耳南史所云林邑吉貝吳錄所云永昌木綿皆指

草本之木綿可為布者而言宋末始入江南利被天下棉子油治疥 時珍

櫟 一名檉秦風山有苞櫟大雅瑟彼作械民所燎矣柞栗之屬不材之木其實為櫟其蒂有斗包其半截其

仁如老蓮子肉高者二三丈可為薪炭 古今注

新淦縣志 卷一 地理志 物產 樹木 十一

松 葉有兩鬣五鬣七鬣之別松脂煎膏生肌止痛殺虫刺入肉中傳上自瘡松葉屑丸治惡疾同冰糖浸燒

酒色翠香美松節治百節痛風 宏景方

柏 柏字從白陰木而有貞德曰西方也柏之指西猶針指南柏實潤肝養心熬油搽黃水濕瘡柏葉治吐血

血痢月水不斷同炙芍藥等分每用三錢水酒各半煎服良 聖濟方

杉 一名杉木不及蜀黔所產其節煮汁浸搗脚氣尤效

桂 花白者名銀黃者名金紅者名丹四季花者作膏蒸露生津化痰收茗浸酒澤髮 時珍同上

花卉

白鶴花 產新淦玉笥山中頂翅翹然類雀示劉詵詩除却青青三四葉月明滿地却全無入藥未詳治

效

茸母草 一名鼠麴花如麴色生於平岡下地葉似馬齒

搗和糯米粉作元宵子別錄云大升肺氣止洩除痰

木香 灌生條長有刺開於四月望若香雪宋劉

刺蘼 灌生多刺葉圓細而青狀似玫瑰大而無香

醉醖 藤身灌生青莖多刺異木香花綠樹倚籬萬條如雪而大三四月開宋蘇軾詩醉醖不爭春寂寞開

最晚

薔薇 叢生多刺新淦鮮紅薇而有黃薔薇十姊妹唐李白詩不到東山久薔薇幾度花

金沙 似醉醖其花單瓣中心著黃粉如金紅艷奪目子名營實千金方其根可治消渴尿多又治口瘡小

兒遺尿

新淦縣志 卷一 地理志 物產花卉 十二

月季花 一名月月紅有深紅淺紅月白三種宋楊萬里詩一尖已破胭脂筆六出猶苞翡翠絨花能活

血搗敷腫瘍痘疹若觸婦人月經之氣而陷者加入湯藥即起

蜀葵 一名一丈紅俗名淘氣花花有深紅淺紅白黑重臺單瓣五月繁華無過於此花小如錢者名錦葵

取紅色單瓣者其根陰乾治帶下排膿血惡物極驗

黃蜀葵 一名側金盞葉尖狹多缺刻心有紫檀色且開午收隨即結角本大末尖六稜有毛子在內老

則自綻治小便淋及催生為瘡科要品

茉莉 產贛州魚苗風至聯船載下錢陳羣詩與蘭添婢媵近枕亦溫柔根有毒酒磨服則昏迷接骨用此

不知痛素馨花似茉莉而小有黃白二色四瓣細瘦

凌霄花 詩云若之華紅黃色緣樹而生醫學正傳凌霄花為末酒服一錢治通身風痺

映山紅

一名杜鵑黃杜鵑名關
羊花莖高三四尺有毒

梔子花

簡易方梔子燒灰
吹鼻中衄血有效

剪春羅

花六出大如錢周迴如剪鮮紅治火
帶瘡遶腰生者採花葉調蜜塗之

石竹花

一名瞿麥俗呼洛陽花治小兒蛔虫吳偉業石
竹詩丹纈好描秦氏粉墨痕重點石家螺

鴈來紅

一名老少十樣錦以葉代花宋時
楊萬里詩開了原無產看來不是花

芍藥牡丹

牡丹鮮千葉異品卽曹州移至不
二年仍成單瓣芍藥殖亦不豐

蘭蕙

一葉一花開於初春一幹十數花者則皆韻產漳
產絕無淦東南地氣較煖家殖頗豐美經冬可不

必入
窖

荷藕蓮實

處處陂塘有之多殖礙魚不秧而生故鮮肥
藕查慎行蓮藕詩未免有情絲宛轉爲誰心

新淦縣志

卷一地理志

物產花卉 十三

苦竅
玲瓏

紅梅

千葉深紅來自閩湘金陵優於色香花開時摘其
半含者烘焙貯藏用以點茶一花泛泛清泉碧葉

間

白梅

多單瓣少千葉更少綠萼然老幹虬枝偃蹇
欹斜江鄉籬落露半百垂垂欲笑則春來矣

瑞香

一名麝囊冬春之交開花范成大詩一叢三
百朵細細折濃檀蒸露醒酒澤髮羣芳譜

蠟梅

罄口檀心扞插皆活元耶律楚材詩
枝橫碧玉天然瘦雷破黃金分外香

茶梅

花如鸞眼錢粉白心黃開於十月有粉紅者則爲
海紅羣芳譜劉仕亨詩半深半淺東風裏好是徐

熙帶
雪枝

山茶

寶珠爲貴滇嶺移來亦活深紅軟枝分心卷瓣者
上爲末入生薑汁竟便治吐血下血鼻血

菊

名目至多命名隨意此外有冒菊之名者藍菊萬壽菊僧鞋菊西番菊孩兒菊雙鸞菊扶桑菊

水仙

有金盞銀臺之名花瑩韻而香清幽亦有紅花者治瘰癧及魚骨鯁

玉蘭

一幹一花皆著木末絕無柔條花落蒂中抽葉明王世貞詩暫借辛夷質仍分蒼葛光朱彝尊玉蘭

詩重重傳璫粉寸寸排銀釘

辛夷

一名木筆紫花紅焰唐白居易詩紫粉筆含尖火焰紅胭脂染小蓮花

海棠

新淦有貼梗而少垂絲海棠秋海棠一名斷腸花生墻陰秋海棠插瓶其水悞飲殺人錢陳羣詩風

前雨後偏增態石畔墻陰倍有情

紫微

一名百日紅怕癢花乃昔貴今賤之品唐時省中多植此曰紫薇省

紫荊

一名滿條紅張雨詩黃土築墻茅蓋屋門前一樹紫荊花能消腫利小便解毒活血

新淦縣志

卷一地理志

物產花卉 十四

芙蓉

一名拒霜善消腫毒惡瘡散血之功花勝於葉宋楊萬里詩喚回春色秋光裏饒得紅妝翠蓋無葉

搗敷貼太陽穴治赤眼腫痛各清涼膏

芭蕉

俗謂乾物為巴巴亦蕉意也有美人蕉膽瓶蕉性寒除熱解毒根治癰腫血脹頭面遊風瘡口不合

取汁抹之良蕉三年即有花如蓮瓣宋肇詩密蕊暗依花瓣瓣孤芳倒壓葉層層又僧良琦芭蕉詩得地

初依蒼石瘦抽心欲並綠筠長

木槿

處處有之川產者良白而千葉者為勝陰乾為末治反胃紅者治腸風血痢子治偏正頭風槿根皮

為癰科對口瘡要藥許張璐本草陳憲章詩旋栽木槿成籬落已得清陰又得花

山礬

一名七里香即芸香也葉如冬青不凋三月開細白花可去蚤蠹葉可染黃不借礬力而成黃庭堅

詩山礬是弟梅是兄

萱草

一名忘憂宜男鹿葱有紅黃白三種可以薦俎利胸膈除濕熱乳腫痛搗酒服以泮封之楊萬里詩

鹿葱解插纖長柄
金鳳仍開最小花

鳳仙

形如飛鳳一名好兒女花有飛來紅花從葉上生子名急性子催生下胎 花詳

百合

三月生苗四五月開花能治百病伸景有百合病方又定膽治悸止涕淚溫肺療嗽宋右丞詩顏膚

分子薑雲苗饋萌竹果
堪止淚無欲縱望鄉目

山丹

一名紅百合似百合莖葉短小其蕊可以傳疔腫活血已崩漏錢陳羣詩怪底朱顏常美好仙家自

有九
還丹

雞冠花

白者治吐血不止紅者治婦人月經不調紅白並用治赤白下痢詳集簡方王士正詩終憐小

草雞冠紫不及
滇茶鶴頂紅

新淦縣志

卷一地理志

物產花卉 十五

玉簪

二月生苗葉如小團扇其花潔白如玉搔頭根能落齒劉仲承白髮自疎河漢夢一瓶秋水玉簪香

合驪

一名夜合即俗所呼馬櫻花枝甚柔弱葉纖綠似槐五月開花肉紅色散垂如絲至秋作莢結子小

兒撮口取花枝煎汁拭之愈皮能已撲損接骨稽康云合驪鷄忿萱草忘憂蔣士銓詩鋤去可離栽夜合有情花亦
愛黃昏

藥品

橘皮

氣味辛苦辛入肺而苦人心性主溫散其筋膜似絡脉其皮形若肌肉其宗眼如毛孔乃從脾胃之

大絡而外出於肌肉毛孔之藥也新淦之橘可方江浙嶺表論園買樹瀕水居人藉此以供歲計

香附

味甘性微寒稟溫燥之氣得土金之味主降氣解鬱新淦滄洲產者肥大而良

旋覆花

一名夏菊此草味鹹多潤下而此能治上中二焦為肺大腸之藥仲景治婦人有三物旋覆

湯燒灰羊脂和治月蝕耳瘡高
啟詩不依寒竹雨欲映午樞霞

茯苓

松脂入地所結今之伏苓皆有蔓可種疑古今異
也凡人邪氣鬱結津液不化則生痰飲苓極淡屬

士土勝水疎滌
令從膀胱出也

山薑

莖葉皆美一名美草與豆蔻花相似治腹中冷痛
田震詩雨淋屋塌堆瓦礫墻角殘立山薑花

元參

處處有之二月生苗七月而花八月結子其根一
株五七枚與兔絲子名元兔丸能稀痘元者水天

之色故能啟腎精
之水以上交於肺

苦參

功用與黃連相近而有清濁之分去心府小腸之
火為多與茵陳相配能去周身濕痛見李東垣當

歸拈
痛湯

半夏

半夏塗金瘡則血不復出辛中帶澁能疎能斂與
酸不同酸則一於斂辛則斂而有發散之意

新淦縣志

卷一地理志

物產 藥品 十六

雞頭實

生於水中而味甘淡得土之正為脾腎
之藥水土相反而此乃相成故足貴也

穀精草

入肝入胃輕浮上行
清熱明目亦治喉痺

夏枯草

此草至夏而枯蓋陰氣將盡即成熟枯稿凡盛
陽雷結之病用此為治亦即枯滅以物秉之氣

候為
治也

何首烏

藤蔓之藥皆主肝首烏為益血之品繆仲醇謂
其外合於風痢下純血諸藥不效用此如神

益母草

補陰活血行氣功專益精瞳
人散大者為忌收小者宜之

車前子

多子之藥皆屬腎腎者人之子宮也專利下焦
氣分氣順濕除肢體乃強卑一味研末米飲調

服治痢
不止

桑根皮

桑皮稟陽明土金之氣刈而復茂生長之氣最
盛故多補續之功聖惠方髮枯不澤桑皮栢葉

各一斤煎沐即潤單桑皮二斤煮去滓頻沐自不落

髮以五斤煎膏傳陸馬折損為來傳之亦可經驗方

地骨皮朱二久去地骨皮一物而能兼走表裏瀉肺火

足趾雞眼瘡

金櫻子

楊萬里詩霜紅半臉金櫻子同芡實子為水陸

益精澁能止脫

菴菴草

入肝入腎祛風除濕木合

旱蓮草

化風風能勝濕透骨搜風

蒼耳

虞博曰小便溺血用旱蓮車前草打汁服乃止

劉寄奴

治鼻淵鼻瘻入肺散風勝濕成廷珪詩

破血下脹又能止血集簡方治

大小便血為末空心茶清調下

新淦縣志 卷一 地理志 物產 藥品 十七

茗

郭璞云早采為茶晚采為茗南方之嘉木新淦自昔

亦產佳茗玉筍東皂栖碧諸山不少嘉種雲霧窟宅

白藥

陰崖不見日色處茶味清而微苦平原沙土所產

新芽一發便長寸餘腴而豐美得水土之力全也

蛇床子

江西出者葉似烏

蛇陰類也蛇床子性溫熱蛇虺喜臥其中嗜食

其子猶山鹿之嗜水龜潛龍之嗜飛燕蓋取彼

左纏籐

人所所有以資己之所無故陰痿虛寒者宜之男子婦

人陰癢蛇床子一兩白礬二錢煎湯頻洗自愈集簡

方又治男陰腫脹為未

雞子黃調敷 軌範方

一名金銀籐處處有之陳藏器云一味濃煎治

熱毒血痢如神昔人並未言及只稱其治瘡毒

乃知古今之理

不同 經疏

木瓜 處處有之以宣城者為佳理脾而伐肝土病則金

止然治轉筋外用握固法亦捷左足轉則固握右腎

丸右足轉則固握左腎丸即止王士正詩灰可藥魚

葛根 一名鹿藿鹿食九草此其一也處處有之宏景曰

嘔不息衄血不止俱搗汁一味服之肘後方

括萋 所在有之三四月生苗引蔓如甜瓜葉而窄仲景

斤煮二升分再服加半夏四兩又括萋仁研末二兩醋調塗赤遊風腫即消

五加 一名追風使一名文章草一枝五葉者佳處處有

美也火灶丹毒從兩足起者如火燒燥五加根葉燒灰取燉鐵之家槽中水和塗即愈本草綱

新淦縣志

卷一地理志

物產 藥品 十八

冬青 亦女貞別種也樹高而茂五月開白花其氣甚劣

色樹大為異冬青子熬膏收瓶埋地中七日點眼良王士正詩殘雪落冬青

黃楊木 葉苦平無毒入達生散治婦人產難搗爛塗暑月瘡癩

枳殼 枳殼只實一物也大枳殼一個去白磨口平用麩

風癰用枳實醋浸火炙熨之即消外臺秘要

烏藥 氣味辛溫亦治孕婦生瘡烏藥五錢牛膠一片同煎至七分溫服 龔彥德方

紫蘇 辛溫無毒亦治蛇虺傷人風狗咬傷食蟹中毒飛

血出不止用葉搗敷瘡口自合血不作膿愈後無癢 綱目

薄荷 蜂蠆螫傷薄荷葉按貼之即愈本事方

羊蹄 一名大黃根入夏起臺結子根長近尺赤而黃色

如長蘿蔔治癰殺虫醋磨消腫毒搗汁一匙入水

羊蹄 根老漫溪潯灰蝶閒飛與亦深

半盃治婦人產後風秘宋朱翌詩云

呂氏春秋冬至後五十七日菖始生百草之先生

菖蒲 者於是始耕昌陽取此義也醫方所用皆石菖蒲

水菖蒲不入藥一寸九節者真亦治赤白帶下同破

槐實 當秋而實得金之令其色黃得金之色性體清肅

肺與大腸之藥清浮遊不歸根之火吞七粒亦能

艾 字說曰艾可又疾久而彌善草之可以艾病者爾雅

曰艾冰臺又曰艾長也歷也曲禮曰五十曰艾服官

政言歷也所歷長所閱眾故也醫人用艾灸一灼謂

牽牛子 一名黑丑陶宏景云此藥始出田野人牽牛謝

藥故以名之逐痰飲通大腸殺虫落胎朱彝尊

牽牛花詩涼分銀

走獸 漢水曉映碧羅天

牛 有黃牛烏牛水牛牛齒有下無上察其齒知其年三

歲二齒四歲四齒五歲六齒六歲以後每年按脊骨

一節也牛耳聾其聽以鼻牛黃利痰涼驚治小兒百

病牛相壁堂欲闊膺廷欲廣豪筋欲就雋骨欲垂插

頸欲高排肋欲密尾不用至地頭不用多肉角欲得

細身欲得圓眼欲得大口方易餉鼻廣易牽倚欲如

絆行欲如羊形欲如卷懸蹄欲如八字亂睫好觸龍

頸突目好跳拳角冷有病毛少骨多有力岐胡有壽

新淦縣志 卷一 地理志 物產 藥品 十九

常有似鳴有黃坤為牛故蹄坼陰病則陽勝故牛疾則立牛陰物也故起先後足臥先前足奔走順風馬走逆風牛馬風不相及相牛經

馬

馬以西北為勝易以龍絨乾以馬明坤古者天子乘龍諸侯乘馬或云在卦屬乾屬金在畜屬火在辰屬午驂駕營伍所重亦謹登於耕戰之列馬肝有犬毒鞍下肉殺人白馬溺熱飲治反胃消渴疝積別錄

羊

羊性善羣於文為羣一雄為主舉羣聽之性畏露晚出而早歸春夏早放秋冬晚出以瘦為病故羸字從羊六畜之死皆善耗敗而羊為甚羊性前逆牛性前順羊肉多湯劑治產後大虛心腹絞痛崩中垂死五勞七傷婦人無乳小兒嗜土身面腫浮詳載時珍本草

鹿

牡曰麋牝曰麀子曰麋孕六月而生能別良草本經列鹿茸為中品然用治諸虛有效

犬

一名地羊犬有三種一曰田犬二曰吠犬三曰食犬四尺曰獒狂犬曰獠在卦屬艮在畜屬木三月而生

新淦縣志

卷一地理志

物產 走獸 二十

熱病後食之殺人白犬屎中粟治噎膈 豕類方

豕

一名猪名豨各豚名豨在音屬水在卦屬坎孕四月而生久食動風發病畜養之閉曰圈猪脂以十二月上亥日取入瓶埋亥地百日用之良能治關格便秘暴瘡髮痕蛇虫瘰癧口噤又蜈蚣入耳炙肪掩耳自出

貓

一名狸以尾長腰短目如金銀及上齧多稜者為良鼠瘦核腫取貓肉作羹治之相制之義也心下驚瘕對口瘡鼠咬傷用頭骨燒服或油調塗 肘后方

兔

孕五月吐而生子故曰免子從口出故妊婦忌之明月之精得金氣最全反胃結腸常食則大便自行可見其性之寒利尿治目疾勞瘵追虫名明月砂 聖惠

飛禽

鴈 鴈為陽鳥冬南夏北以就和氣以為禮幣者一取其信二取其和也自落翎毛小兒佩之辟驚癩 日華

鷺 一名鴨一名家鳧性質木而無他心庶人以為贄白者治虛癆咳嗽名白鳳膏脂調半夏敷瘰癧汁出不

止 永類方

鳧 一名野鴨數百為羣蔽天如風兩瘡年久不愈者多食之自瘥 孟詵

鷺 一名家鴈有蒼白二色夜鳴應更性能啖蛇辟虫虺發風發瘡血解藥毒毛治風鷺翎灰最殺風瘡中虫

又皮內癢疥蟲非此不除載解圍元藪又白斑詩朱櫻青豆酒綠草白鷺村子鷺至四月草肥則羣長新

淦慶賀多籠鷺候門黃仁山所云惡用是鵠鵠者為也

鷺鷥 鷺鷥一名鷺鷥雪客春鋤林栖水食鷗一名鷺浮水輕漾如漚形如白鶴及小雛鷺鷥治虛瘦益脾黃

庭堅詩身閒心苦一春鋤

新淦縣志

卷一地理志

物產 飛禽 二十一

雉 一名野雞雉有文理故謂之華蟲周官士執雉士死制故執雉羽可用為儀離為雉離火也飛不越分域

不再合信也有小毒不可常食肉治蟻瘻尿治久瘡 時珍

雞 其類甚多大小形色亦異在卦屬巽在星應昴可以辟邪卵生而地產雖為陽精實屬風木陽中之陰也

伏卵以上春者為易畜春日田園雜興詩云伏卵雞畱上春種出欄牛試吉辰耕婦科有烏雞丸泰和吉

水諸處為最淦亦產之

鷓鴣 黑色長喙沒水取魚此鳥胎生從口吐出如兔吐子頭燒研治哽及噎 別錄

鷓 候鳥也晨鳴如雞趨民收麥行者以為僕一名鴛始由田鼠化終復為鼠夏有冬無

性淫而易合可以傳書能解痘毒屎燒存性酒服治冷氣心疼厲太鴻詩高級金鈴放鴿天

雀 瓦雀一名麻雀其目夜盲冬三月食之起陽道益精肉和蛇床子熬膏各驛馬丸 蘇頌

燕一名元鳥巢有艾則不居凡狸貉皮毛見燕則毛脫物理使然屎丸如桐子太咬之止牙疼袖珍

伏翼一名蝙蝠屎名夜明砂治兒疳五瘡燒灰酒服方寸匕下死胎蘇恭

斑鳩一名鵝鳩性慈孝而拙於為巢雄呼晴雌鳴兩老者以鳩為杖食之不噎

伯勞一名鳩小如鳩鶴三月即鳴四月鳴為姑惡

鷓鴣一名喚起鳴曰架架格格乃催明之鳥黑色長尾有岐頭上戴勝月令三月降於桑

烏鴉南人喜鵲惡鴉烏樂空曠鵲樂稠開飛重天將雨白項者不詳白居易詩九子雖多不羨雅

鵲一名乾鵲性惡濕能報喜季冬始巢來歲風多巢必卑下鵲巢取連年重產者燒研服治積年漏下不斷

困篤者一月取菽洞天錄

鳴鳩一名布穀一名郭公割麥栽禾脫袴脫袴鳴可為農候仲春鷹化為鳩王士正吉水道中詩纔過元

新淦縣志

卷一地理志

物產 飛禽 二十二

宵如上已春山處處郭公啼

鷓鴣一名越雉飛必南翥不徂北也其性好潔畏霜露夜栖以木蔽身多對啼其鳴曰行不得也哥哥一

云鈎輞格磔有鳥相似不作此鳴者則非矣肉治菌毒唐本

啄木有大小二種啄樹取蠹食肉治蟲牙痛亦治反胃嘉祐

鱗甲

龜舊也壽考也語曰著老龜舊故古以龜卜著筮龜象也天產也著數也地產也龜與蛇合為元武大至一

尺以上者在水曰寶龜亦曰蔡龜形象離其神在坎上隆法天下平法地板屬金水補陰治瘡催生乳毒

腫毒皆灸研酒調服溺滴耳治聾外摩治龜胸龜背藏器

鱉一名團魚無耳而守神池納鱉則魚不能飛去神守之名以此純雌無雄內典曰鶴影生鱉思生孚乳其

抱以影謂隨日光所轉也甲治堅積寒熱溫瘧下痢
血補陰色青入肝不可過劑人咬指爛久欲脫者燒
灰傳之
摘元方

蟹

一名螃蟹以其橫行也造化權輿曰龍易骨蛇易皮
麋鹿易角蟹易螫折其螫足隨後更生其類甚多霜
降可食否則毒猛極能動風不可同柿及荆介食能
續斷筋絕骨去殼同黃搗炒納入創中筋即連接殺
漆毒同白芨末塗小兒
解顛以合為度 宗爽

蚌

與蛤同類而異形長者曰蚌圓者曰蛤雀入大水為
蜃蜃即蚌也蚌粉化痰消積解熱除水腫擦癩痒搽
脚指
濕爛

田螺

大者如桶小者如桃李狀類蝸牛而長青黃色月
蝕於天螺消於淵離為螺外剛而內柔也肉止消
渴搗敷熱瘡貼臍引涎下
行止噤口痢搽痔 時珍

新淦縣志

卷一地理志

物產 鱗甲 二十三

穿山甲

通耳燒灰存性為末一空磁石如豆大一塊用
新綿紙裹了塞耳口中銜少許鏡耳內須臾如
風雨即愈
濟生方

鯉

無大小皆三十六鱗陰極則陽生故熱熱則生風風
家所忌諸魚在水無一息之停皆能動風山上水中
有此者不可食仙人琴高乘之也又
作鱠下水腫治胎動不安 聖惠方

鱖

似鱈而色黑頭最
大魚中之下品

鱒

一名鮎赤
目魚也

鯢

一名草魚食草也形
長身圓肉厚似鯉

青魚

正青色俗多以此魚作鮓所謂五侯鯖睛汙注目
能夜視膽治喉痺王士正詩巨鉤餌犂骨專車

白魚

一名鱖鮓鱗細腹扁頭尾向上也食之發瘡瘡
謝應芳詩湖上白魚多滿尺山中朱果不論錢

鰩魚 大者二三十斤扁額長喙口在額下細鱗腹白頗不發疾

鰻魚 似鱒似鰩口大類似鰻而色黃

魴魚 一名紫如裂篋之刀三月始出狀狹而長王士正詩紫魚吹雪一江寒

鮒魚 似魴而長白如銀多刺如毛宋犖詩嘉味配朱櫻芳辰趁紫棟

鮓魚 一名鮓旅行以相卽也屬土調胃瘡科熬膏外貼良

鰱魚 一名魴方扁也縮項穹脊濶腹細鱗其色青白有肪詩云必河之魴

鰻魚 大口細鱗有黑采斑鬚刺人皮厚肉緊唐張志和詩桃花流水鰻魚肥

鰮魚 一名鰮如柳葉楊萬里詩風吹柳葉都落盡魚喫雪花方解肥

鱧魚 一名黑鱧七星魚愈癩疥醫集要浴兒免痘

新淦縣志 卷一地理志 物產 鱗甲 二十四

鰻魚 一名白鰻如蛇治勞瘦 聖惠方

鰻魚 一名黃鰻夏出冬藏黑者有毒不可合犬肉食性與蛇同其血治口眼喎斜 藏器

鰻魚 一名泥鰻以一二枚從口鼻送入治牛狗羸瘦藏器

鰻魚 一名鮓魚額平夷偃其涎粘滑古曰鰻治身面白駁 總錄

鰻魚 磔須鉞鼻背有鬣節多足好跳血風 集簡方

昆蟲

蠶 其蟲屬陽喜燥惡濕食而不飲三眠三起二十七日而老蓋神蟲也可以衣被天下鹹辛微温有小毒治

一切風痰并腹內龜病普濟方云自死僵蠶白馬屎能治胎裏生龜硬似磚

蜂蜜 俗名蜂糖生巖石者名石蜜色白如膏為勝凡蜜每斤入水四兩銀石器內以桑柴火慢煉掠去

浮沫至滴水成珠乃用謂之水火鍊法肛門生瘡腫熱也肛門屬肺塞痛腫縮生瘡生白蜜一斤猪膽汁一收相和微火煎令可九作挺塗油納入後重便通癰疹瘙痒不拘多少好酒調下五色另毒和乾薑末敷之肘後方

土蜂

一名馬蜂色黑大黃蜂一名胡蜂乃人家屋上者疥腫瘡毒用房一個蛇蛻一條黃泥固煨存性

為末一錢好酒下其毒化為黃水下矣露蜂房一名紫金沙此懸在樹上得風露者臍風濕腫燒末敷之立效子母秘方

螺贏

捷土作房如併竹管者是也治久聾療鼻窒出竹木刺別錄

螳螂

子房名螳螂治產後遺尿桑螵蛸炙半兩龍骨一兩為末水飲服

雀甕

毛蟲作繭形如甕雀好食其中之子治小兒臍風用有蟲者一枚僵蟲炒一枚膩粉少許研勻薄荷

新淦縣志

卷一地理志

物產 昆蟲 二十五

調灌下出毒物名白龍膏 聖惠方

蛺蝶

一名蝴蝶胡者鬚也蝶美於鬚蛾美於眉其交以鼻以鬚代鼻交則粉退普濟治脫肛用之沈氏尊

朱彝尊詩云萬里風花香入夢六朝金粉畫成衣

蜻蛉

六足四翼好飛水際杜甫詩點水蜻蛉款款飛其眼皆大強陰止精煖水藏別錄

蜘蛛

懸網如漁罾者入藥其絲右繞遺尿著人生瘡能制蜈蚣蛛網以纏癰贅七日消落有驗蘇恭

壁錢

作白幕如錢貼牆壁其虫有毒咬人用桑灰汁調白礬搽之一治鼻血金瘡捺取虫汁注鼻中點瘡

上治乳蛾喉痺用七個內要活者二枚捺作一處白礬七分以壁錢惹礬上燒存性出火毒為末竹管吹之立時就好 聖惠方

蟻

一名蚍蜉一名元駒白蟻大為物害生翼而飛性畏桐油燂炭竹雞

牛蝨

一名牛蝨暗預解小兒痘疹毒焙研服之時珍

疥蟪

一名地蠶大者如足大指以背滾行同猪蹄作羹食下乳汁宏景方一敷小兒疥瘡

蚱蟬

一名蝟變化相禪也蚱蟬聲蝟音調也主產難下胞衣取蛻脫之義治疔毒同僵蠶等分爲末醋調

塗四圍候根出拔去再塗亦可爲末蜜水調服一錢外以津和塗之

蜚蠊

一名夜遊將軍推車客治癩疾狂陽噤口痢燒研半錢燒酒調服

天牛

有黑角如八字似水牛治疔腫惡毒詳李時珍本草

螢

療青盲勞傷肝氣目暗用螢火二十七枚納大鯉魚膽中陰乾百日爲末每點少許用白犬膽亦可聖

方惠

蜚蠊

一名茶婆蟲人家竈下極多辛辣而臭破積聚喉痺治婦人癥瘕乃血藥也吳普本草

新淦縣志

卷一地理志

物產 昆蟲 二十六

蝨斯

一名蚱蜢瘦長善跳如蝗亦能害稼

蟾蜍

一名癩蝦蟆注小兒疳疾最良蝦蟆則辛而有毒治犬咬

山蛤田父

田父一名蛤同嫩磁器打碎有鋒鉞煮汁治下疳

蚯蚓

屬土與水性寒解熱毒通經絡代指疼痛杵末敷之齒縫出血不止爲末同枯礬各一錢射少許擦

之地龍糞一兩木香三大黃七錢末每五錢用無根之水調吃治翻胃吐食忌煎炒椒醋得效方同上

蝸牛

生研汁飲止消渴甄椎

蟋蟀

一名紡績娘宋學詩似訢似啼常社日在床在野念幽風

蝟斗

即蝦蟆子有尾漸大則脚生尾脫火熱腫毒瘡化水塗之即愈陳堯道詩秧肥蝟斗動桑暗鷓鴣呼

貨產

棉布

棉秋生黃花實熟四裂中綻如綿鐵錘碾之去其核牽弦以彈綿勻細卷為筒就車紡之自然抽緒如縲絲狀縲就煮之米漿水洩之晒之約之然後上機織以成布又有單紗布輕疎禦暑為宜又有斜紋布重密製被為宜葛之精者

出小廬山

參引廣羣芳

山石

航源石色白砂粗出土後必飽經風日漸次堅緻可為鎧曰橋道門闌南源石色青細栗橫理如欸材中鐫刻可為碑版墓表石炭南山有之近水則便於運載 淦志新編

白羊嶺箭鏃石長三四寸許鋒而刃脊其廉可劇其實則石白羊嶺今呼為羊角嶺有凌雲峯上平如掌皆古時寨基地中往往獲古箭鏃此孔子所謂楛矢石弩肅慎氏之物也

何君石產何君洞有一石懸於洞口其狀如雲廣數尺巉山秀碧扣之無聲何氏擊取置亭樹中圖經云岩洞透邃中有棋枰山之前後產巨石何君玉筍古屬新淦

新淦縣志

卷一 地理志

貨產 棉布山石 三七

以上二石載雲林石譜臨江軍新淦縣石產

